


杨昌济著

達化齋日記



湖南人民出版社









# 达化斋日记

杨昌济著







## 达化斋日记

(校订本)

杨昌济 著

责任编辑：徐日晖

•

湖南人民出版社出版

(长沙市展览馆路14号)

湖南省新华书店发行 湖南省新华印刷一厂印刷

•

1978年9月第1版

1981年1月第2版第2次印刷

字数：160,000 印张：6.75 印数：10,001—13,300

统一书号：10109·1082 定价：0.72元



杨昌济先生





## 再 版 说 明

本书是杨昌济(怀中)先生的部分日记，曾以《达化斋日记》为名发表在1920年12月——1921年6月上海《时事新报》“学灯”副刊。日记内容有读书札记、教学计划、当时时势，以及对伦理道德观念的大量论述，等等。这些日记反映了杨昌济先生勤奋的学习精神，严谨的治学态度，及其政治、哲学观点，特别是伦理道德观点，可供广大读者和研究近代思想史的专业工作者学习、参考。

本书1978年9月第一版是根据一个手抄本进行整理的，当时由于没有查对《时事新报》“学灯”上的原文，因此不仅缺漏的日记未能补上，而且在文字上和时间的排列上都存在不少错误，有的读者为此来信指出，并予厘正，在此我们特向这些读者深致谢意。这次再版前，我们根据《时事新报》“学灯”副刊上的原文，对全书作了一次全面的校订，除纠正了原书文字上和时间的排列上的错误以外，并且补充了若干手抄本缺漏的日记。此外，对于日记中所引用的某些书刊上的文字，我们也作了一些校正，为了节省篇幅，上述各种改正，文中不再一一注明。至于个别不清的文字，无法查明的，我们仍用□表示。

日记在《时事新报》发表时，该报“学灯”副刊当时的编辑李石岑曾写了一篇前言，现一并收录。原日记发表的时间顺序是由近及远，为了阅读和研究方便，我们按年代次序作了编排。

由于日记原稿遗失，本书系据《时事新报》校编，错误仍恐难免，请读者批评指正。

一九八〇年六月



# 目 录

序 言 .....	石 岑
一八九六年(丙申).....	( 1 )
一八九九年(己亥).....	( 16 )
一九一四年(甲寅).....	( 26 )
一九一五年(乙卯).....	(147)
一九一九年.....	(194)





我亡友杨怀中先生逝世后，其长子开智君以先生生平各种著述遗予。予既择其关于哲学上之著述，登之《民铎》杂志矣。兹因《达化斋日记》，为先生致力最深，足以发吾人之深省者匪鲜，复取以实之《学灯》。惟先生所书日记，卷帙甚繁，起自壬寅，讫于去冬，若循序发表，必非短期间所能尽，兹拟择其最近者先行批露，再及甲寅、乙卯□志。然后将先生生平著作之精华，纂一小册，以公同好。是非徒表彰先生之道德文章，亦以资吾侪之箴鉴耳。开智君遗予之意，亦若是也欤！爰为附志于此。

石 岑

（原载1920年12月8日《时事新报·学灯》）





## 一八九六年(丙申)

### 九 月

**初三日** 自前月十三日归家，十四日即至郑宅晤苻生，同在其岳家过中秋。十六日至苻生家晤憩箕，十七日同憩箕苻生史贵林过贵林宅。至萧家巷，初见萧芑庵先生，晤景澜，宿憩箕家。十八日复同苻生至其宅，十九日复至郑宅，二十日归家。二十一日至向宅，二十二日至月塘湾，二十三日至童宅，宿雪樵舅家。二十四日仍至向宅，二十五日宿云可家，云可以是日归。二十六日归家，二十七日至馆，于至河泲晤炳生子生，归馆。三十日思乔来。

出游半月，知旧数人多得聚叙，然精力为之疲倦。到馆数日无日不看书，无日不诵读，至昨夜而病矣。仍当以戒书静养为主，不加提醒，几忘其所以然，岂不可笑！

境遇如此，可谓顺遂，而犹时有太息之声，岂真所谓薄福相耶！人患不自知，既知之则当日造于坦荡和平之域，荆棘丛中何可久恋？侍于君子而不知其愆，犹日对明镜而不见其丑。此至要之事，关系福分不浅。

恭吉质颇稚弱，难以严迫，只好听其自然。然听其自然则又嫌于课少，将来且有师不尽心之责，亦无以自明也。此等事不必过虑，但尽己心而已矣。人各有心，何能一一求谅乎？

渔洋再过露筋祠诗云：“行人系缆月初堕，门外野风吹白莲”。以白莲形容神女之洁也。予癸巳在试场作续渔洋论诗绝句八首，其论渔洋一首云：“海内风骚屎主持，个中韵味说谁知？开门忽见白莲蕊，却忆风清月堕时”。即用其语意以赞其神韵之高雅，偶志于此。其外七首将付之另落云。又记二首云：“胜国飘零老大存，等身著述照乾坤；凭招工部论忠愤，诗卷长悬北斗尊。”顾亭林。“采石矶头一眺登，前身太白记吾曾；潇湘三十六湾水，更有何人与代兴？”张陶园。

### 壬辰九月杂感

“别家抱微疾，无语卧思兄；百里劳车马，三旬意不平。生徒当儿侄，书籍伴秋灯。诗句忘翻韵，何妨信手成？一夜城南宿，阿麟文战酣。抛书谈杂事，携伴上青山。棋借钱为子，床连□为安。清明好时节，何惜醉愁颜！有客会文酒，翩翩名士年；融融有真乐，落落欲空群。箕踞长松下，孤高野鹤身。翻思板仓屋，有个卧游人”。只此三首稍可录，余则太潦倒不成诗矣。又一首咏印儿者，结云：“今年课徒始，伟器望惟渠。”

癸巳恩科场后，与张静斋朝岳；先本约笃生同往，以静斋迫欲往，故背之，深以为恨，又百感丛心，因记九月初四日正去岁作诗之时也，因续作杂感诗八首。

“呼童取纸笔，重续去年诗。昔者辞家日，今为返岳时。秋心诗有骨，夜□酒相宜。耿耿孤灯伴，谁人与唱随。昔与阿麟会，城南夜着棋；今朝翻负约，令子独探奇。落落真孤往，飘飘系我思。吁嗟四百里，风雨独哦诗！车马盈门日，笙歌绮丽场。半家于赴浙，三室尚留湘。忽听牙筹响，如闻玉笛长。浮生时聚散，此感付苍茫。阵阵香风散，飘飘翠袖浮；鸳鸯清碧落，珠玉落朱楼。转盼三江水，低徊一树榴；春光明镜里，此景至今留。不

禁百端感，书成只自嗤；干卿缘底事，费我漫题词。世界情相结，浮生梦几时？题诗因遣恨，惹恨反因诗。板屋乱心曲，长羈出众才。那禁龙啸老，如听鹧啼哀。抱朴培元脉，无名养大材。旧诗君记否，莫负好亭台。比舍有高士，飘然常去来，袖携工部集，同上定王台。碧浪湖边橘，三闾庙里杯；行踪殊落落，谁识不羈才？顽童三四子，渐识与师亲；负质原中下，传经有故新。尽心常负疚，动气转伤神。太息谁先觉，哀哀聾瞶民。”

#### 甲午冬月，复作杂感八首

松桂一庭绿，雨声凄正繁。诗书从意读，景物未全残。幸有生徒乐，初无风雪寒。胡为常郁郁？天地尚平安。余生真草草，桂短折堪怜，孤愤遭穷厄，牢骚损岁年。一章犹可诵，再面竟无缘。惜此蜉蝣羽，临风一慨然。张子别来久（仲孚），闻今将诣常；红颜伴归棹，白发在他乡。付托由来重，穷年竟未偿。江边难一送，翘首祝安康。

陈君向江浒，我意欲云何！访旧千峰外，从君一度过。山川发奇思，诗酒足高歌。寡断成羈滞，停云入醉哦。忽为夫人恸（印儿），转思情若痴；严规成底事，伟器竟何期？善哭征偏验，生机盛不持。梦中犹唤汝，妄想至今疑。忠孝节廉事，编成感慨多！至情常酝酿，历劫不消磨。史笔传真迹，奇文足啸歌。郭生吾与尔，日日一摩挲。朝鲜方坐失，海国尚多机；边岛烽烟急，中原羽檄飞。内州防窃发，朝议或从违。体弱难支局，遥空祷帝扉。五洲大会合，此语信奇哉！世岂无斯局，天终产异才。战机方未已，元运暂难回。待到千年后，洪荒一再开。以三年杂感校之，一年似胜一年。

**初四日** 今日又看鉴及苏诗，殊易犯戒，不可不时加警惕也。

万事皆从根本做起，家者国之本也，古之治天下者至纤至悉，

今治一家而人事且废坠不修，岂非荒怠？理财是一家急务，今人多以鄙吝为耻，殊不知俭以养廉，一介不取者亦一介不与，必能自济而后能济人。凡曲意徇物而失其所据者，盖蹈于兼爱为入之弊而不自知耳。

近世兄弟之伦甚薄，予自十五岁时即断然不听诸前辈戚族之言，誓不析居。今十二年矣，家兄困于烟癖，长卧家中；而余岁岁课徒，时奉束修以济其乏。此亦极平常事，而或侈为美谈，盖世风之不古已久矣。予近以课读之艰时为兄言之，颇有莫非王事我独贤劳之意，此甚不可也。须知幼承兄教嫂育，岂可忘其自来？况兄嫂任家事之艰，亦与余之课读相等，岂可听信迂言，存此世俗之意见于胸中乎？

书戒屡犯，心病愈深，不早主持，何以自立？旷观大局，既有可危之形，既知名义亦无可谢之责，正宜惜此寸阴，保此精力，乃毫不断除，任无益之小事戕我性灵，亦何其不自爱也？当扫除一切，令胸中浩浩落落，与太虚清气呼吸流通，庶几神定魄充，而有康强之效。

记甲午岁戒书静坐，写日记，日有进益，今则无之；是亦随势太过，不加提振之故耳。冥悟所得甚多，以其机活而不滞也；今后仍当以戒书冥悟为功。盖我之所长原在此处；若弃所长而攻所短，则不能及人而反失其故步矣。

时时劝石陔遣愁戒书以养病，而躬则背之，岂非蔽乎！

人之患在好为人师，余生平有托大之病，其貽人暗笑者不知几何矣！昨酒席上与人争论，此亦面折人过予人不堪之事，不检点克去之，恐遭祸害也。又在书院时，曾有不讥议之戒，讥乃近来对人，虽无微词讥诮惹人恨怨之事，而颇议论人长短，毫不检括，其惹人暗恨者亦正不知几何也。昨闻友人称人好处，首在语言谨

密，不言人短，始憬然觉悟。今后当戒此三事，收拾干干净净，与人无忤，与世无争，易简以消天下之险阻，何乐如之！

闭目凝想，如登太华峰头，万里在目，高出尘世几层，俗人意见消去，胸中纯是一片空明，与太虚沆瀣之气冥合，此真游心之极乐处也。

听惕叔诸人作文吟哦声，颇自喜，以为吾党之气尚盛也。下午，云可具衣冠来拜，尤见吾党之不孤，此亦小小快心之事，可以破颜一笑矣。

连写戒书数条而连犯之，何无主宰乃尔？近来教书有数语云：每教必解，每解必钞，每钞必读，每读必熟；今日只管今日，凡解若干，即钞若干读若干而已，不问过去，不思将来，按日行去，铢积寸累，则记诵多而妙悟生矣。

又见得义理训诂，古文时文，正书杂书，均彼此流通。从此处穷究一番，移而穷究彼处，则有悟焉；从彼处穷究一番，又移而穷究此处，又有悟焉。专守一书，反觉困闷而无所悟，此不传之秘也。只要讲得明白，使弟子心中了然；又诵得精熟，使弟子口中文气通顺；又经过手钞不致散失，而以时温习焉，则彼此更番肄习，亦不害其为杂矣。

譬如经书解得明白，则看书凡文中引经者皆易于了悟矣。又如先看见杂书文引经义者，及看经解，遇此处独易于记忆；此互相发明之明验也。又如史鉴看得熟，则凡看诗文遇用史处即能了悟，无检寻烦闷之苦；然先看诗文用史，但知其意而不晓其首尾者，至看史时亦遇此等处独能记忆不忘，盖不止一见也。正书杂书反复更阅，则一见再见三四见而不通贯浹洽、记忆无失者乎？是以为学之富，不患其杂，惟患不能处处留心，事事看清记清耳。

**初五日** 思斋以寒疾不进学堂，三日不见颇念之；今日始来，

亦以为可喜也。雨衣懋修伯侄来，饮酒二次；懋修天真烂漫，与惕叔之温厚相似，亦甚相得也。听其对谈亦自可爱。夜睡而复起，听懋修谈诸事，均娓娓可听。

**初六日** 晴，早饭后携恭吉出游片时，归而安卧时许，精神总嫌不爽，戒书真宜严也。

深味嫌于为人之说，以后真当反约穷源，默养吾诚，期以不多诣人，不多写信，不多劝戒，不多责备，不多自述，不多言人，不多说事，收拾洁净净，如胸中全无知识一般，如世上本无此人一般，是亦穷变通久之道；但恐过于沈郁又生疾病耳。

心中多闲念，是从来如此，亦人人如此，然究竟是功夫未至耳。现在塾中本无可念者，惟三餐一眠穿衣洗面诸琐事。解诗经三页，解鉴五页，皆是呆事，不必多思，只是要精神照管得到耳。除此之外，惟闭目调息，心游四体之内，切休外来，至要至要。万物并育而不相害；近又见忠奸不必太分别，恩怨亦不必过计较；退然自守，不与人接，人自不与我接，各得其所，而无形势相临之嫌，乐莫大焉。归家。

**初七日** 同石陔至梅花庵坳上屋，在子台宅中饭。

**初八日** 至葛藤坡。幼宾来。下午到馆，兄亦来。

**初九日** 又解诗经，从小我起。详解诗经日记，此后不载。近数日甚不爽，盖血气虚弱之故，宜戒多言，戒诵读；真气不泄，元神自保。

精神不强，无一可为者；惟用精神以养精神，乃为要务。严持戒律，力屏浮思，此所谓用精神也。凡可以害吾精神者，存心觉察，神不外散，皆须用精神。大约以磊落光明，应求立断为进境。

小事不遂意即面折人，议论不合必争论不已，是之谓褊。人

人生厌，气机乖忤，实无好处。要知人无礼于我，固有不能尽受者，邪议论亦有不能不力争者；惟当择其至要者，提振精神，以收惩一戒百之效；而小小不关紧要，则宜一概包容，浑然不露，以养和平之福。书曰：“无忿疾于顽，无求备于匹夫。”论语曰：“躬自厚，而薄责于人，则远怨矣。”易曰：“易简而天下之理得矣。”

心多游思，难于禁制，亦无庸郁郁以为苦，惟时时转念廓清，终比全不停思者有益处也。廓清杂念之时，惟有将心游于四体之中，想象血脉流动之乐，复以心游于太虚之表，想象清虚一气之妙；复以心观心，想象其凝聚一处，神不外散，主宰万物之气象，见得天地万物皆若拱而向之者。此皆不传之妙，久已失之，今当仍用全力注之也。

感石陔责难之言，精神为之一振，拟闭户危坐以主敬，言不妄发以养威，严加催督以毕课；处处裁制，使弟子整齐严肃，毫不致放恣懒散，复我壬癸二年之旧可也。

夜与兄谈至四更。

初十日 昆池兄来，有所求，未能遂其欲；此亦无可奈何之事，不得不断者也。观其奋然辞去，是亦有气骨之一端，惜其才不能扩充之耳。

禹门表叔轶先人云：问他花昊可怜才，记当年戚里追随，也曾绛帐受遗书，悲夫吾师，竟难一面；说甚文章能夺命，看半世名场潦倒，剩把青云期后嗣，幸哉有子，亦足千秋！张啸石轶其堂嫂郑孺人云：节操懔坚贞，教子教孙，长使后人师懿范；髫年蒙鞠育，此生此世，更从何处报恩勤！郑孺人即次舫先生之母也。予轶云：具坚贞操，留贤德声，巾幗中不愧君子；哲嗣克家，文孙式谷，节孝后必有达人。又轶仲孚云：澄水去无归，一束深悲徐稚奠；岳灵留不住，百年遗恨道乡祠。又轶胡姑丈云：姑父画

无存，追思前辈风流，忍忆寒灯谈旧好；郎君今卓立，预报黄宫消息，欣闻垂老带余欢。又轶黄姻伯母云：□□□□，垂老临终遗恨事；望夫未返，伤心雪月洞庭寒。兄轶向海门叔外祖云：浪迹半生平，以客游始，以客游终，独难堪旅棹归来，魂招水渡河边路；鸿文垂悲祀，书在人传，书成人去，已完就名山著述，气作九疑峰上云。买戴端友药，该钱六百文。夜解鉴五页，始写解鉴日记。

**十一日** 魏勺霆与季弟书，可作兄与予书读。一言不合，动责备人，实为凉德，不可不省克消化也。

初服向兰芝所开单。

看同季文，憬然有悟，信乎文字乃宇宙之灵气，可以通天下之志。四先生之勇断不可及，功力之真密不可及。兄去。

**十二日** 收敛过去未来出位之浮思，而从现在一刻中之事实用精神，则神聚而不散矣。超出现在事中局促琐碎之外，而游心于太虚寂寞之表，则机活而不滞矣。

予近来总欠一静字，意在务外为人，出力干事。然营营扰扰，己之心术既为势所转而渐以不纯，人之地位又为我所侵而苦其甚逼；彼此之元气均以躁伤，亦何益之有哉？今当从近裹着己处细心体察，运转于微，收敛于默，时时如对上帝，如质鬼神，而人则暂置之也。修己既敬，则不言之化亦必有所裨益，是亦非忽然忘世矣。子曰：“巍巍乎舜禹之有天下也，而不与焉。”天地至诚无息，而万物各得其所；世道之精妙处，宜默会而身体之也。

论为师之法

第一要善养生，使精神有余，然后能使弟子精神震动。教义理之学，以自修为主，使目前有观感奋兴之益，日后有流风余韵之思，而下手处则在解四书集注，必指点亲切处示之，浸灌滋润



以培其本。弟子目前之过恶，又必严加约束，使不敢犯；则德行渐纯矣。教经济之学，则以解鉴为主，指点目前之人情世故为佐。教词章之学，则以讲求训诂为佐，而熟读以悟行气之妙为主。大约每教必有钞本，每日必有所钞；日积月累，真实不虚，则气自坚固、识自通达矣。

始用竹板责三童子手心。

闰成来，服药二剂，而心病未痊；盖用心过度之故，甚可惧也。受伤在屡次狂谈不止，及昨早之发怒，昨日之看文章，昨夜之解鉴，今日之论为师之法，此等处最易受伤，不可不时时警觉裁制也。

**十三日** 惕叔诸人，四先生稍示奖励，而发愤进于常时。予写日记十日，而作事便有精神，此皆可喜之事也。亦可见天下事之大有可为矣。

游学王姓来，应之颇不疏慢；此等处若加忽略，便是不仁，大伤元气，自贼本根矣。

以后解鉴，当于不嫌凌杂之中求一不杂之道；意欲将汉高帝、汉光武、唐太宗、宋太祖、明太祖五帝纪年中之事，依序细解一过，即取王船山读通鉴论，宋论中凡高帝、光武、太宗、太祖卷中者，亦依次细解一过；资治通鉴中司马光曰在汉唐三帝纪年中者，亦依次细解一过，是为提纲挈领。

**十四日** 晴，出外游片时。

**十五日** 晴明可乐，曾文正谓湖南人少刚断肃杀之气，予观曾胡左诸公皆有刚断肃杀之气者也。友人谓长沙人多油滑，是盖地气使然，我辈当发愤以此为戒也。又一友人曰：“湖南人求其能负气者不难，惟性情厚者难得耳”。是亦名论。

“天薄吾福，吾厚吾德以迓之”，生平常持此论。自省平日行

事实多粗暴，不近人情，多所伤害，乃不德之尤，岂可不惧！每念求忠书院之语，必为之惕然不宁。又每念东茅巷课徒之事，亦恒抱不安。悔尤如此，宜如何警省修改以解释罪愆，而犹动寻人家过失，悻幸责备毫无顾忌，真谓全不知自反者矣。

君子不欲多上人，格言

学以精神通广大，家从清俭足平安

**十六日** 近思坚忍，真立国自强之本。予近日解诗经，颇能坚忍，胜于往年。凡事不可欲速，庸人非必全不用心力，止坐浮泛无实益处，遂以终身于昏弱，亦可叹也。余初欲为弟子解鉴，只解五帝之事；今又见得解五帝尚是浮泛，惟解光武可也。解御批一到，又解资治一到，又解后汉书光武本纪及光武时人列传一到，何患其不记！解御批一到，又解读通鉴论一到，又解‘司马光曰’一到，又解后汉书论赞一到，又解陈仁锡评语一到，何患其不通！循是行之，则一帝之事通，而古今之事皆易于通矣。是之谓居重驭轻。

**十七日** 连日总以心多闲思，常抱不安，惧其成病也；书此以自策其廓清之功焉。

**二十一日** 连日总不爽快，亦不过解诗经，解通鉴、写解诗经日记、写解通鉴日记、写日记五者为之祟耳。如此不能理事，真是朽木，岂不可叹！良辅亮执，竟无精神可以及之，幸四先生代为教之作文，不至贻误人家子弟耳。

**二十二日** 觉初先生来，张太生来。

**二十三日** 下午，以桂推一至归舍，至则行矣。至上屋。

**二十四日** 云可镜寰来，子古幼坤来。

**二十五日** 下午至馆。夜以不闻亮执读文声，怒责之；于是始有严加约束之意。

**二十六日** 为亮执定一课程：上午看书二十页，现看训俗遗规；下午即从上午所看二十页中选钞三页，灯下必读文十余到，钞半篇或一对。三、八日作文，当日必交卷。三餐后不准出房，至茶后始可稍宽。灯下查问功课，云已看二十页而未钞，因申加斥责，不准逾限。以后定于午饭后查问上午功课，记其起止；晚饭后查问下午功课，亦记其起止。文章拟三限期：初以次日早起要文章为限，次以夜送茶时要文章为限，次以不准继烛为限。

## 十 月

### 初四日 到馆

机事不密则害成；心直口快，虽正人亦多误事，甚至有杀身亡家而败其国者。士子伏处草茅，平常之事即宜练习：凡事有不必使人知者，有不必对人言者，即姑隐之可也。用心既熟，自然不至疏忽致愆，精义入神者豫而已矣。

“不愤不启，不悱不发”；“有挟而问”，皆不答也。此是圣贤不得已之苦心，圣贤非不欲谆谆教诲也，以其徇人先己，而道不尊，无以作斯人之敬畏也。故曰“予欲无言”。

**初六日** 将诗经暂停，日解礼记十页，令思乔僖字温熟，背早书以百页为止。通鉴亦暂停，改解左传；亦如解鉴之例，已解者用墨笔圈之识之。

选管文五篇，令亮执每篇读二到。

**初七日** 现日解礼记，夜解左传；令思乔僖字下午读左传三段，皆有日记，详别本，此不载。

未到馆时，本不舒畅，加之作文字九千余言，尤其费心。到馆后又发愤解礼记左传甚多，写日记亦甚多，是皆过度，不可不

戒。殊不爽快，甚悔之也。

**初八日** 亮执题：‘有私淑艾者’，候继云来，寄书与松林、秉周二兄。

解书作日记既不知节制，而夜间复有所亏损，若不警觉养息。恐又成癸巳冬季之病势也。宜每日闭目静坐一二次，调息凝神。有八字诀云：“安土乐天，定魂定魄。”

**十一日** 录春秋大事表序目：

春秋时令表叙、春秋朔闰表叙、春秋长历拾遗表叙、春秋列国疆域表叙、春秋列国爵姓及存灭表叙、春秋列国地形犬牙相错表叙、春秋列国都邑表叙、春秋列国山川表叙、春秋列国地形险要表叙、春秋列国官制表叙、春秋列国姓氏表叙。

春秋卿大夫世系表叙、春秋刑赏表叙、春秋田赋军旅表叙、春秋吉礼表叙、春秋凶礼表叙、春秋宾礼表叙、春秋军礼表叙、春秋嘉礼表叙、春秋王迹拾遗表叙、春秋鲁政下逮表叙、春秋晋中军表叙、春秋楚令尹表叙、春秋宋执政表叙、春秋郑执政表叙、春秋齐楚争盟表叙、春秋宋楚争盟表叙、春秋晋楚争盟表叙、春秋吴晋争盟表叙、春秋齐晋争盟表叙、春秋秦晋交兵表叙、春秋晋楚交兵表叙、春秋吴楚交兵表叙、春秋吴越交兵表叙、春秋齐鲁交兵表叙、春秋鲁邾莒交兵表叙、春秋宋郑交兵表叙、春秋城筑表叙、春秋四裔表叙、春秋天文表叙、春秋五行表叙、春秋三传异同表叙、春秋阙文表叙、春秋齐纪郑许宋曹吞灭表叙、春秋乱贼表叙、春秋左传兵谋表叙、春秋左传引据诗书易三经表叙、春秋左传社注正伪表叙、春秋人物表叙、春秋列女表叙。

闻芝师噩耗，下午至周宅，芝师以九月十六日逝。

**十三日** 同石陔过郭宅，至馆。

**十四日** 同石陔归家，路遇润书。郑氏兄弟来。

十六日 昆池来，义甫来，爱兰来，思乔来。文彬故。

十七日 郑氏兄弟去。

十八日 思乔去。

十九日 外祖母故，未闻。上午到馆，过青山里。

二十日 早闻外祖母噩耗。

今岁事变实多，当凝定其心神以善处之，心躁则精神受伤，而物皆受其欠缺之累。

阅张子正蒙，毫无辛卯岁义理悦心之味，足以见嗜欲之纷心，而至道之难闻也；亦以精力已差，不及早数年精神之全耳。以我之素有心得者而犹如此，宜乎其劝笃生看宋信书而格乎不入也。为之三叹不已云。录数则于后：

志大则才大，事业大，故曰可大，又曰富有。志久则气久，德性久，故曰可久，又曰日新。

志立则学思从之，故才日益而聪明盛，成乎富有；志之笃则气从其志，以不倦而日新。盖有学者德业之始终，一以志为大小久暂之区量，故大学教人必以知止为始。孔子之圣，唯志学之异于人也。天载物则神化感通之事，下学虽所不逮，而志必至高，不可泥于近小，以茶其气而弃其才也。

敬斯有立，有立斯有为。

庄敬自持，而后耳目口体从心而定其物则，卓然知有我之立于两间，不因物而迁矣。有我而备万之诚存焉，奉此以有为而仁义行。

己不勉明则人无从倡，道无从弘，教无从成矣。

既明其理，尤详其事，君子之所以耄而好学，有余善以及天下后世也。

以知人为难，故不轻去未彰之罪；以安民为难，故不轻变未

厌之君。

及舜而去之，尧君德故得以厚其终，舜从得故不敢不虔其始。

谓尧不知诛四凶也；变者诛其君而别立君，谓三苗也。三苗不服，民犹从之，摄位时事。君以容蓄厚载为德，臣以行法无私为德，所以皆合时中。

象忧亦忧，象喜亦喜；所过者化也，与人为善也。既恶也，所觉者先也。（敢按：所过者化，为感人以诚；所觉者先，谓察理独精。）

象忧亦忧象喜亦喜之心，诚信之不可测者也，故必疑其为伪。约略言之，想见其心有此四者，盖圣人之心大公无我，唯至仁充足，随所感通，即沛然若决江河而莫御，于天下且然，而况其弟乎。

好问、好察迩言、隐恶扬善、与人为善，象忧亦忧，象喜亦喜，皆行其所无事也。过化也，不藏怒也，不宿怨也。

圣人之心纯一于善，恶之过于前，知其恶而已，不复蓄于胸中，以累其神明，恶去而忘之矣。善则留，恶则去，如天地虽有不祥之物，而不以累其生成。学者知此，则恶称人之恶而勿攻，若其恶不仁虽至，乃唯以自严而不加乎其身，所以养其心之善气，而混恶于无迹；善日滋而恶日远，诚养心之要也。

从心莫如梦，梦见周公，忘也，不梦，欲不逾矩也，不愿乎外也，顺之至也，老而安死也，故曰吾衰也久矣。

物无所感，自然而如其心之所忘，忘则非时位所能为而忘之。矩，天则也，范围天地之化，屈伸行止无往而不在帝则之中，奚其逾？无往而非天理，天理无外，何逾之有？于天皆合，则于物皆顺，顺自然之化，归太和氤氲之妙，故心以安；形衰将屈，神将伸也。

**二十一日** 看礼记冠义，昏义、乡饮酒、聘义、燕义，不止一编；又看仪礼注疑士冠礼士昏礼士相见礼乡饮酒礼甚多，又解士冠礼士昏礼甚多，费心极矣；甚不爽快。夜复棣兄书。

**二十二日** 又看聘礼大半本，更不爽快；甚矣其忘生而不慎疾也。

## 一八九九年(己亥)

### 八 月

**初一日** 余之日记间断久矣；将欲改过迁善，力求进境，非此末由。曩苦虚弱，往往自怨；凡物事愁忽，积愆甚矣。今幸强健，可以自勉；检束身心，整饬言貌，痛刮旧习，动蹈准绳，严立课程，力戒涉猎，强记故实，务别去取。每日三饭必有常课，坚不出门以肃馆政，从兹为始，庶有终哉！余之自课凡有六焉：日记一也，皇朝经世文编二也，御批通鉴辑览三也，宋论四也，闾墨五也，英文六也。余训徒之课凡有五焉：公羊一也，说文二也，通鉴三也，时文四也，试帖五也。

**初二日** 每日记英文十字，看经世文编十页，点通鉴十页；从今日至解馆之日，除闾墨外不再阑入他课矣。此三课者有减无增，诚恐精神不继也。回思甲午乙未年间，悬三年看书之戒，尤虑不永其年；今能办此，为幸甚矣，何必贪多，何必欲速哉！

**初三日** 阮文达文言说云：“古人以简策传事者少，以口舌传事者多；以目治事者少，以口耳治事者多。故同为一言，转相告语必有愆误，是必寡其词，协其音。以文其言，易于记诵，无能增改，且无方言俗语杂于其间，始能达意，始能行远。故文言不但多用韵，亦且多用偶”。此真达于古人作文之本义矣。余每作一文，辄蹈质而不文之蔽；孔子之所谓野，曾子之所谓鄙，怠惰苟



安，其失匪细。郑卿为命，修饰润色，不厌求详；言之无文，行而不远，可不务乎！坐言起行，日记不得草草。

张杨园先生与何商隐论教弟子书曰：“凡人气傲而心浮；药石之施，在起其敬畏以抑其傲，进之诚实以去其浮。庄以莅之，正容以悟之，庶其有敬，轻言轻动最所当忌；说而接入之，至诚以感之，尚其有信，疾之已甚，持之过急，亦所宜戒。”余教弟子持之过急，犯者盖少，轻言轻动在所不免。十弟戒予曰：“为人师者自重当如泰山北斗，言笑举止有一为弟子暗笑，耻莫大焉。”知过不改，愧我良友矣。

闾墨有三难：研炼、酝酿、饱满。

**初五日** “十口之家，主人虽贤，然令不行于子则博弈败趋，令不行于仆则析汲不勤，令不行于妾则壶餐不治，令不行于童子则庭粪不除；以此为家，其家必索，况天下之大乎？”此唐甄权实之言也。余谓为人师，而令不行于弟子则其学必荒，施教有道，度其力能为之者，而后督之使行；择其过之必不宜犯，与不为而非于情大不便者而后禁之令止。督则必行，不行则重督之，勿措也；禁则必止，不止则重惩之，勿措也。夫惟督则必行，禁则必止，故必度而后督，择而后禁；不度不择，杂督而杂禁之，其力不能为，虽重督而不可使行也；于情大不便，虽重惩而不可止也。如是则威穷而令轻，并其易行易禁者而不听之矣。于子于仆于妾于童子无不皆然。天子于四海，大吏于僚属，学官于士，守宰于吏民，无不皆然。

**初七日** 陈生光孚以三月赴上海肄业南洋公学，昨电报到省，竟以本月初四日病故。英才好学，实可痛惜。感念畴昔，触绪纷来，恸哭移时，有未可名言者。死丧之威，警我者深矣。

**十三日** 予历年日记多载功课，此本未载者，以其琐而无益

也。今思不载功课，专抒胸臆，易于间断，乖日记之体矣。今既分段致功，日有常课，自可按日记载，备其起止以考其勤惰；行之不懈，逮夫没齿，则一生学问之源流曲折可考而知焉，未可以为无益也。英文不记，以别有日记也；闾墨不记，以其为俗学也；宋论记以标题，毕未竟之功也。以记载功课为久远之规，而有所克治，有所发明，随日附见，行之不懈，逮乎没齿，则一生学问之甘苦疾徐抑可想而见焉。盖亦持志之一助与。

余此次看御批历代通鉴辑览，起卷之七十一宋太祖代周之前一年也。余于资治通鉴、朱子纲目及是书，皆曾阅过，而皆未卒業，元明两代尤为事昧；予故断自宋起，盖此三朝之茫乃通鉴纲目二书所未有也。友朋阅是书卒業者，阅二遍至数遍者，比比皆是，而我尚未曾卒業，岂不可耻！一前辈询近课，余以通鉴对，前辈曰：“宜看史，鉴不足观也。是区区者，吾以子为已烂熟矣。”予甚愧其言。仍守此者，知其所无，通其大略，急于众著之事理，是区区之意也。昨日看至卷七十三之四十一张咏卒，后每日记起止仿此。

皇朝经世文编前已看者，起卷三至卷九之十九三习一弊疏止；又起卷一，昨日看至二十二准孟下止。

数日间疚心之事有二：未能寡言一也，曾乱定课二也。戒之戒之！

上午看文编十页：绳苟上、绳苟中、绳苟下、衡王。

下午看通鉴十页：起赐张正随号，终王曾说钱惟演。

**十四日** 宋论已阅者记其标题于此，以后每阅一则即作标题记于此本。

卷一太祖：太祖论、韩通论、贵士论、不许称门生于私门论、微行论、优待降王论、赵普沮取幽州论、曹翰策取幽州论、撤筵

豆复笏豆论、省官论、立封椿库论，本生父母得受封赠妇服舅姑斩衰三年论、传位太宗论、汉文景唐太宗宋太祖优劣论。

卷二太宗：钱氏归宋论、赵普论一、赵普论二、歧沟之败论、张齐贤主北伐论、用吴蜀降臣任纂述论、陈兢九世同居论、楚王元佐论、太宗无他好惟喜读书论、屡易大臣论、农器茶盐酒税论、处置李继捧得失论、陈靖请度田均税论。

卷三真宗：书院论、曹玮请复河西论、李沆论、澶渊之役论、王旦受美珠之赐论、勤俭论、陈搏种放魏野林逋论、寇准论、王曾除丁谓论。

上午看文编十一页：著议；通今；与友人论学书；安福修学记；经义制事异同论；传信录序。

下午看通鉴十页：起仁宗即位，终知开封府程琳论王齐雄如法。

**十五日** 上午看文编十一页：治安文献序；日知录序；学古录序；读大学衍义补肤见序；国史儒林传序；正学论一。

**十六日** 上午看文编十三页：正学论二，正学论三，赠钱献之序；安庆府重修儒学记；近思录集注后序；答顾宁人书；与汪容甫书。

下午看通鉴十页：起元昊取甘州，终仁宗追尊母宸妃李氏为皇太后。

**十七日** 上午看文编十页：娱亲雅言序；朱子小学跋；复戴东原书；记收书目后；与法镜野先生书；答衍善问经学书。

下午看通鉴十页：起作奉慈庙，终盛度倾吕夷简王曾宋绶蔡齐。

**十八日** 上午看文编十五页：文士诋先儒论；送万季野先生之京师序；送张少渊试礼部序；寄张墨庄书；读书简要说序；日

知录跋；读日知录；陈言夏传；答杨迈公书。

下午看通鉴十页；起诏复日御前殿；终韩范论攻战。

日内又萌停看通鉴专看文编之念，此大不可也。昔曾文正自定课程，每日读史十页，终身不间断，此可师也。要之通鉴断不宜不卒业，文编未能多看亦无可如何者；但使日知所亡，十页亦何遽见为少哉！

**十九日** 上午，看文编十三页。昨日补完前二卷，今日续看第九卷；标题加载人名。御史柴潮生益崇圣德疏；胡德迈请开言路疏；给事中魏裔介请召对群臣疏；御史赵开心恳勤召对疏；季振宜请复封驳旧制疏，魏双凤请诏令宜信疏。

下午看通鉴十页；起范仲淹以书谕元昊，终暨契丹平。

看宋论十则；母后临朝论；仁宗论；买早稻分授民种置交子务得失论；大臣条列时政论；仁宗育英宗于宫中论；朋党论；诏宰相毋得进用台官非中丞知杂保荐者毋得除授论；韩范经略西夏得失论；韩范论；经义策论诗赋取士得失论。

**二十日** 上午看文编十六页，都御史魏裔介请因变脩省疏；储麟趾亢旱应诏言事疏；蒋伊因灾变请止巡行疏；任辰旦议封禅巡狩疏；熊赐履请止北巡疏；御史茅豫请行实政疏；桂芳御制遇变罪己诏恭跋、御制尽心竭力仰报天恩谕恭跋、御制致变之源说恭跋、御制原教恭跋。

下午看通鉴十页；起葛怀敏败死，终诏天下州县立学。

今日多看文编数页，早饭后看说文系传，昨日下午看蒙学报，皆为无益，徒乱定课，宜切戒之。

督责子弟作文，颇伤和平之度；阅蒙学报缘起及张香帅戒早开笔为文之论，爽然自失矣。

日内忽忽不乐，实为非理。平心自问，有何不足之处耶？若

大局危急，则所谓他人之事，天意主张者；尽吾一人之心，尽此一日之心而已，徒忧何益乎？子曰：“小人长戚戚”，传曰：“无忧而戚，忧必讎焉”，不可不戒也。

**二十一日** 上午看文编十二页：蒋伊进呈图绘疏，杨椿进呈经义；杭世骏经筵讲义；秦蕙田经筵讲义二篇。

下午看通鉴十页：起宜州蛮区希范作乱，终贾昌朝吴育罢。

看宋论二则：妖言论，屡易大臣论。

**二十二日** 上午看文编十一页：陶贞一进呈经义；程梦星进呈经说；赵青藜进呈经义；蔡新经筵讲义五篇之二。

皇朝经世文编，湖南人著录者，钞记于此。赵开心，号洞门，湖南长沙人。顺治元年授陕西道御史，官至户部侍郎，加工部尚书衔；有洞门文集。罗人琮，字宗玉，号紫罗，湖南桃源人。康熙辛丑进士，官至御史；有最初园集。

陈鹏年，字北溟，号沧洲，湘潭人。康熙辛未进士，官至河道总督，谥恪勤；有道荣堂集、陈恪勤集。

彭维新，字石原，茶陵人。康熙丙戌进士，官至兵部尚书协办大学士，有墨香阁集。李继圣，字希天，常宁人，官万年县知县；有寻古斋集。王文清，号九谿，宁乡人。雍正甲辰进士，官至宗人府主事；有考古源流，锄经文略等书。陈大受，字占咸，祁阳人。雍正癸丑进士，官至协办大学士，两广总督，谥文肃；有奏疏。聂继谟，字乐山，衡山人。有文集。

余廷灿，字存吾，长沙人。乾隆辛巳进士，官编修；有存吾文稿。

张九钺，字度西，号紫岷，湘潭人。乾隆丙戌进士，官知县；有陶园文集。

周锡溥，号半帆，湘阴人。乾隆乙未进士，官知县；有安愚

斋集。

陶必铨，字士升，号黄江，安化人。有黄江诗文集。

谢振定，号芟泉，湘乡人。乾隆庚子进士，官至御史；有知耻斋集。

唐仲冕，字六枳，号陶园，善化人。乾隆癸丑进士，官至陕西布政使；有陶山文集。

灯下看通鉴十页：起贝州卒王则之乱，终吴奎上言。

二十三日 上午看文编十九页：蔡新经筵讲义五篇之三；任启运经筵讲义五篇；尤珍进呈经义。

灯下看通鉴十页：起唐介劾文彦博，终以文彦博富弼同平章事。

看宋论二则：程琳谏伐丧论；韩富论。

二十四日 上午看文编十一页：官献瑶经筵讲义二篇；齐召南进呈经史说；蒋伊进呈经说。

钞公羊说文，日不暇给，因拟以三八日钞之。上午钞公羊，下午钞说文，是二日停文编通鉴之课可也。

英文易于间断，文编通鉴亦少心得；是每日仅完定课，犹有力不足之患，况求多于定课之外乎？昨又萌速完文编之念，甚矣有恒之难也。宜力持不乱定课之戒，立坚忍不拔之基，即从此起。

静坐片刻，使心气清明，然后看书，所得必多。

下午看通鉴十页：起知辰州宋信击下溪蛮，终汝南王允让卒。

予恒有自满之过，形于辞色，二三益友，往往微示风旨以警动之；此大病痛，宜痛加克治者也。人莫不自智而愚人，不知人之窃笑其愚也。负质愚鲁，虽竭力学问犹不免于笑焉，是诚莫可如何之事；惟勿好自用以益人之笑，斯为极不可忘者。曾子曰：“十目所视，十手所指，其严乎！”诗曰：“人之多言，亦可畏也。”

反顾生平，不胜愧悚。

**二十五日** 上午看文编十一页：夏之蓉进书札子；陶正靖进呈经史二篇；彭启丰进讲经义折子；陆陇其治法论。

下午看通鉴十页：起召河南处士邵雍，终葬永昭陵。

**二十六日** 上午看文编十一页：朱仕琇原法；任启运管仲论；钱维城养民论；恽敬三代因革论一、三代因革论二。

下午看通鉴十页：起太后还政，终立向后。灯下看宋论二则：韩魏公论，濮王典礼之议。

**二十七日** 上午看文编十页：恽敬三代因革论三、三代因革论四；刘鸿翱封建论；井田论；孙廷铨限田论；陈鹏年偶记。灯下看通鉴十页：起始命公主行见舅姑礼，终创制置三司条例司。

**二十八日** 灯下看文编十页：袁枚书崔寔政论后；顾炎武法制；魏禧论治四则；陆世仪论治；袁枚书王荆公文集后。

看通鉴九页：起唐介卒，终以张载为崇文殿校书。

**二十九日** 上午看文编十页：韩茨拟策五道；卢崇俊法令应归简易疏；姚文然请省奏销驳查疏；王夔曾请简承追章奏疏。看宋论一则：王安石言当法尧舜论。

下午看通鉴十页：起罢判尚书省张方平，终以刘庠知开封府。

**三十日** 上午看文编十二页：姚延启敬陈时务疏；方苞与安徽李方伯；何道生敬陈亲政四事疏；蔡毓荣敬陈治滇实政疏。

下午看通鉴十页：起曾公亮罢，终出知官告院苏轼通判杭州。

## 九 月

**初一日** 上午看文编十二页：杨椿途次见闻入告疏；魏禧答曾君有书；程含章复林若洲言时务书。

今日破戒多看文编二十页，又将未看者总计一过，尚有五千三百余页，以每日十页计之，明岁尚不能完功；于是又萌改课之念；或每日看数十页，尽今年完功；或每日看二十页，尽明年完功。既而思之，予前写日记，累次申明，定总以不乱定课坚忍不拔为期；未几而背之，是不能自胜而卒不免于无恒之谓也。夫多看文编数十页，所得几何，而不能自胜，不耻无恒，所失甚大。且近数日来心神不甚清爽，而王壬秋先生公羊之说又在所必钞，是十页之课尚虑以不得已而中辍，况更增其数，其不继必矣。总之，为学之道当为可久可大之计，每日十页见其少矣，然较全不阅者则为多也；后年始完见其迟矣，然使未能有恒，必更迟也。总之不以为重，视为余课，则欲速之妄可以不萌；精神有余，用之于细看可也，用之于温故可也，用之于举业亦可也，用之以养生也可也，何必与身为仇，见其稍有余而嫉之哉？

下午看通鉴十页：起以邓綰为侍御史，终贬唐垌为潮州别驾。

**初二日** 上午复看昨日多看之文编十页：魏禧平论四篇；陶贞一为君难为臣不易论；张英读李文饶近幸论。

看通鉴十页：起颂方田均税法，终吐蕃木征降。

看宋论七则：王安石论；神宗论；知人论；熙宁新法论；王韶请击西羌收河湟以图夏王安石称为奇策论；熙宁时无大臣论；章惇论。

**初三日** 灯下复看文编十页：陈祖范明太祖待解缙方孝孺论；王友亮德才论；徐旭旦重臣论；储大文用人；张望知人难；好名论；乡愿论。

看通鉴十一页：起王安石免，终更定解池盐钞法。

**初四日** 上午看文编十页：管同除奸；陆世仪论用人；阎若璩潜邱札记论治；陆世仪论官制。



看通鉴十页：起下溪州降，终辽出邪律伊逊于兴中府。

**初五日** 上午看文编十页：孙宝侗春秋论；程晋芳读后汉书书后；王鸣盛论两汉权要之职；赵翼唐制内外官轻重先后不同考；大臣荐举；储大文司马司士。

下午看通鉴十页：起以章惇参知政事，终给事中徐禧护兵城永乐。

**初六日** 上午看文编十四页：储大文侍中之职；黄永年与陈抚军书；潘来上某学士书；程景伊代应诏陈时务疏；潘来遵谕陈言疏。

下午看通鉴十页：起夏人陷永乐，终以李常为户部尚书。

**初七日** 上午看文编十一页：孙廷铨请崇恬退明礼让疏；用人四事疏；赵廷臣请宽臣工小过疏；王命岳请定京官久任之法疏；蒋攸铤谢颁遇变谕旨陈言疏。

看通鉴十页：起章惇有罪免，终禁科举用王氏经义字说。

**初八日** 上午看文编十页：韩菼崇让论；储大文大人容物爱物论；黄永年汲黯论；沈近思重刻陆宣公奏议序；黄永年范仲淹论。

看通鉴十二页：起诏文彦博十日一至都堂，终中书侍郎傅尧俞卒。

## 一九一四年(甲寅)

### 三 月

十八日 笃亲念故，乃忠厚长者之行；中国习尚亲亲，疏远之宗族仍视若家人。虽有家族压制，及起无志者倚赖心之弊，而相生相养，相维相制，实为社会组织之一大要素。余观西洋各国教会之组织，实为统理群众至要之机关。吾国无教会而民不散，实赖有家族主义以维持之。近人有提倡破坏家族主义之说者，窃恐徒长浇薄之风，而社会终不蒙其福利，不可不加深察也。

为生徒讲教育学史，至培根之倡实验派哲学，与笛卡儿之倡推理派哲学，因言朱晦庵之学近似培根，王阳明之学近似笛卡儿：一则求理于事物，一则求理于吾心。子曰：“学而不思则罔，思而不学则殆。”学则有实验之意，思则有推理之意。又大学八条目中之格物致知，亦可作如是观。格物则实验之事也，致知则推理之事也。王船山读四书大全说，辨格物致知之义甚详。船山时时辟象山阳明，而其所论致知之功夫，乃与陆王之说合，亦当注意之事也。

培根以前之学问，多研究社会问题。培根乃一转其方向，使学者之心力，专用之于研究自然现象，乃启近世科学之门径，其有功于人类者不小。有治身治心之学，伦理学是也；有治人之学，政治学是也；有治物之学，理化、博物诸科是也。吾国前此学问，

于治身治心治人之学，未始无所研究，独缺于治物之学，此物质文明所以不能发达也。

人在社会之中，不能绝无交际，要不可过于脱略，使人生恶感情。余今日赴席，散席后即归，未与座客一一告别，似乎简傲，此后宜留意也。

席间座客所谈，多赌钱渔色招权纳贿之事，此皆中上等社会，宜为国民之模范者，乃腐败恶浊如此，良为可叹。彼等习惯已成，未由挽救。惟与青年之天良尚未凿丧者讲明义理，使未入腐败社会以前，即知此等事之为俗恶，庶将来入社会之时不为所动。

雷霆生来，谈及渠深有味于孟子君子深造之以道一章，云学必要于自得，诚能自得，则可如韩愈伯夷颂所云，举世非之而不顾。渠奉职法厅，同事多升迁以去，独不求升迁，以矫举世争权攘利之习，亦可谓不俗者。彼言但能立消极之志，不能立积极之志，有所不为，可以做到，有为则做不到，此亦天资钝弱之故，余因以勇往任事勉之。

余为生徒讲张子正蒙爱人然后能保其身，能保其身，则不择地而安一节，因言余生平待人有五字：一曰恕，犯而不校，躬自厚而薄责于人；二曰介，不尽人之忠，不竭人之欢；三曰敬，无众寡，无小大，无简慢；四曰浑（亦可曰下），沉默寡言，不议论人长短，不轻发表意见；五曰诚，言而有信，无宿诺，久要不忘平生之言。此五字可配仁义礼智信五字。余生平循此行之，亦可以免于尤悔，始信圣人“言忠信，行笃敬，虽蛮貊之邦可行矣”之言不我欺也。

余在教室，间有失检之处，为生徒所笑，亦不注意之过也。英国沱北淀大学教育学讲师喀拉喀先生，颇注意于学生之言语，偶有所误，必反诘而改正之。余尝自愧其不精细，以后当于此等

处格外留心。

近闻人言，今日民国唯一我，除我外别无他物。盖言今日唯有自私自利之可言，他可不必顾也。此诚代表社会心理之言，可哀可惧！人惟自私自利而无爱社会爱国家之心，则率兽食人，人将相食，此种议论，生心害政，真有烈于洪水猛兽者。

昨偶阅学生所作之文字，多仍用君主时代之语，盖不检点之过也。亦可见数千年积习深入人心，此等说法，摇笔即来，作者或不自觉其不合时宜也。

晋书何曾传：何邵初亡，袁粲吊其子歧，歧辞以疾，粲独哭而出，曰：今年决下婢子品。王诩谓之曰：知死吊死，何必见生！歧前多罪，尔时不下，何公新亡，便下歧品，人谓中正畏强易弱。粲乃止。晋时九品中正之法，实社会奇异之组织，爱憎恩怨，上下其手，在所难免。袁粲愤何歧之简傲，乃欲下其品以泄愤，亦可以见此制之有弊害矣。何曾以汰侈灭其家，石崇亦然，诚千古之炯鉴也。

## 五 月

**十三日** 读吴雁舟老子述韩序，谓战国儒墨道三家鼎立，儒家欲以仁义治天下，而以礼乐运用之，故祖述尧舜、宪章文武而从周；墨家亦以仁义为教，而毁古之礼乐，故法禹而从夏；道家欲以道治天下，而以法制运用之，仁义礼乐则皆以为道之流失而欲绝弃之，故法黄帝而称上古，云云。余尝谓诸子之能与儒对立者，惟有墨家道家法家而已；而太史公作史记，以韩非与老子同传，是道家法家实有其相通之处。两汉尚黄老，又以王霸杂用为家法，是此二派得行于世之时，墨家则惟盛行于战国而已。后世

佛家出，乃为儒之大敌，其源流之远，又非特道家而已。且特备宗教之形式，为宇内四大教之一。吴氏著韩非解老之书，与刘少少之解老同时出版，亦可启吾国古学复兴之机矣。

严幼陵辟卢梭民约论甚有理，亦救时之言也。

余闻自北京归者言京城报界巨子有二人，一为刘少少，一为黄远生。余读庸言杂志，乃见远生之文，论吾人之不可悲观，而谓人多悲观，即可为乐观之现象，不失为稳健之论，意者黄较刘稍热与！

昨至第一女子师范学校，赴其成绩展览会，见本班二年生向俊贤之日记颇有抱负，时痛亡母，性情亦厚，且时及王阳明之绪论，亦曾研究蒙特琐里之训练谈，可谓女教育界中之人才。

余在第一女子师范学校观所揭示之文章，有读黄烈妇传书后之作。余谓夫死而守节不嫁，此固可旌；至感愤而自杀，则不可为训。此事东洋人之看法与西洋人之看法绝不相同：西洋人以自杀为大罪，而东洋人反旌表之，此不合于人道主义，所宜变通者也。

龚仆为钟家送三朝礼物与黄家，得赏钱六百，乃各分一百于其二同事者，颇为难得。

**十四日** 袁总统训新知事，言其为督抚之时，每出巡必自备食物，或购面包食之，不烦属吏之供张也。

**十六日** 袁项城与徐东海为盟兄弟。

官书报局所出各书，虽尚未阅过，然观其载于湖南公报之序，似尚可观，躁人或一概抹煞，非也。余谓此等事为之究竟多少有益。

今日适当阴历之四月二十一日，为余生日，与家人至戚饮食欢笑，味淡而永。

运动会之普通来宾，闯入特别来宾席，成绩展览会之来宾，窃取女学生之文章及图画。社会道德程度低下，实为可叹，此教育者之责也。

阅桔英男小说。桔英男者日本陆军大尉也。水本大将要求其牺牲名誉以谋国事，乃赠资使为狭邪游。桔英男勉强为之，痛苦万状，至欲自杀。日人之重名誉、尚意气如此，此其所以能称雄于亚东也。中人几无以狭妓为可耻者，后生稍有岁入便欲纳妾，风俗之坏，实为可哀。

王壬老言李文忠曾送千金与之，乃出于己之官囊者。后闻文忠下狱，自思当往北京送牢饭，后知无是事；今总统赠千金，颇费踌躇也。此言非滑稽，盖前辈于辞受取与，非漫无抉择，至受友之惠而思急友之难，乃古人之风谊也。又言总统请之修史，当以宾师之礼待之，觉子思孟子之风去人不远。

读卢斯福自传，言其少而体弱胆小，因力行体操而体魄强壮，胆亦以练习而增大。谓徒惧无益，乃强制其心不使动，乃至视刺巨狮于五步之内，如刺气泡于数尺之外。实行之力，其效果之伟大如此，可以使人兴起。

程子曰：“目畏尖物，此事不可放过，室中率置尖物，尖必不刺人也，何畏之有？”此亦古人治胆怯之一事。

海内之讲经学而文章古雅有汉人风味者，壬老而外，当推章太炎。今闻有壬老请太炎修国史之说，亦有趣味之事。

**十七日** 为学生讲贫以无求为德，因言西洋日本之旅馆用人，无请求酒钱者，而中国客寓轮船火车中之用人无不请求酒钱，贪多无厌，苦缠不休，平民之贱有同乞丐，良为可哀，此亦当为改良社会之一条件。

又为学生讲不泄秘密之义，因言现在修正约法，载人民在法

律范围内有书信秘密权，凡文明国政府必尊重人民之书信秘密权。俄国专制，乃有拆阅人民信件之事。又言政府固当尊重人民之书信秘密权，人民亦当尊重他人之书信秘密权，又当保护自己之书信秘密权。中国人全不知此义，往往擅拆他人信件，亦无法律思想，野蛮之恶习也。西洋人夫不拆妻之信，妻亦不拆夫之信，至亲之人亦存客气，甚有礼也。人语我以秘密，我允许不向人言，固当守信不渝；即我偶然知他人之秘密，未有不泄之承诺，亦不可暴露之以陷人于不利，犯人之忌讳。且偶然知人之秘密，我虽不泄，其势已危，如郑小同王允之之事可鉴也。

**十八日** 康南海赠陈伯严诗云：“义宁公子人中鹤，风雨飘摇声闻天；零落霜毛兼雪羽，劫灰沧海与桑田。乾坤不正嗟无力，家国同伤亦有年；四海旧交半墟墓，滔滔江汉自风烟。”

王壬老即席奉和韬广见赠原韵：“闲云出岫非无意，为渡重湖一赏春；千里苔岑如旧雨，百年蓬转愧吟身。雪中印爪频留迹，汉上题襟有大人。莫向后湖寻往迹，即今沧海又扬尘。”

**十九日** 责望他人，无把握者也；求之己身，有把握者也。孟子曰：“求则得之，舍则失之。”是求有益于得也，求在我者也。“求之有道，得之有命”，是求无益于得也，求在外者也。有益无益，乃吾人判断行为之一标准；徒忧无益，徒惧无益，徒责望无益，是以君子不为也。

**二十日** 挽郑圭平云：“积瘁损才华，欲以精诚动苍昊；鸿文留简册，好将遗志付青年。”

王壬老法源寺留春会宴集诗云：“京国多良会，春游及盛时；宁知垂老日，重作五噫词。尊酒人心醉，繁花鸟语悲；且留残照影，莫叹鬓毛衰。”“古寺称资福，唐宗为闵忠；于今忧国少，真觉世缘空。天地悲歌里，兴亡大梦中；杜鹃知客恨，不肯怨东风？”

**二十一日** 改正郑圭平挽联如下：“积瘁损年华，沧海桑田余恨事；鸿文留简册，岳云湘水悼归魂。”

昨阅红星佚史，其史所译诗歌哀感顽艳，良可讽诵。

读卖新闻载有中岛半次郎人格的教育学之思潮云：德国窝伊疵肯之新理想主义，乃助长此思潮者；此思潮乃对于现时纠纷之教化问题，社会问题，而努力为一大解释者也。依智力主义置重于教授，以方法为万能者，与依社会主义以人为当从社会之利益而教育之者，乃此思潮之所反对也。甲为海尔巴特学派，实验教育学派，乙为社会的教育学派。人格的教育学者著目人类情意之教育，觉醒潜于其内部内省直觉之力触其生命之根柢，使发见自立的精神生活，谓教育之中当自教授移于训练，此其对于甲派之意见也。其对于乙派之意见，则谓与其作被支配于社会之人，宁作支配社会之人，不以画一教育为然。

**二十二日** 夜及晨大雨。

**二十三日** 昨阅湖南公报，于王壬老有所箴规；老前辈一举一动，四海属目，不可不慎。玩世者世亦玩之，老气横秋固不能禁士夫之清议也。余在泃北淀大学听道德哲学得一语云：社会必较善于个人，此事与龚定庵抱小之义相发。

**二十四日** 信有当回者，须即刻作复，不可因循。闻英慧灵吞公每接人信必作复书；至有欲得其手书，因寄一信与之者，亦伟人之美谈也。

记人之恩而忘人之怨，记人之善而忘人之恶。

“无道人之短，无说己之长；施人慎勿念，受施慎勿忘。”

孙武调查德国陆军情形，其准备之完密有可使人惊服者；有一兵必备一兵之器具，藏之于武库，甚至针线皆备；有一马必备一鞍及其附属之件；盖为一有事变，即日成军之计也。其飞机飞



船共有七百具，诚英国之劲敌也。

英人竟有欲行征兵制度之提议，恐现在尚不至现诸实行。

**二十五日** 昨日未往赴郑圭平追悼会，因不欲勉强，邻于伪善也。余素来持论，本以为多晤人，多到会，亦有益处：一可以广见闻，一可以生感化。近日功课颇多，精力不继，故不乐为之。“桃李不言，下自成蹊”，避热闹而守冷静，是或一道也。

**二十六日** 因伍生震环之夭逝，益感学校卫生之重要。现在湘省学校有大害卫生者二事：一则饮食太差也，一则钟点过多也。此二事若不急行改良，其贻害于国民之体力者必巨。

**二十七日** 昨日试验丙一班教育史，出一题云：“试应用斯宾塞尔体育论批评湘省学校”。余之命意在于饮食太差、钟点过多二事，而诸生多以游戏体操为言，盖亦未曾注意也。

试验时，学生有窃视他人课卷，屡戒不悛者，余认为人格卑下之据。

收到甲寅杂志。阅秋桐诸作，觉均有长进，马一佛、谢元量、王无生、王国维之诗文，均斐然可观。又见各人之通信，多足引人感想。

**二十八日** 秋桐以好同恶异为社会种种罪恶之原因，大有所见。人不可不尊重自己之言论自由，又不可不尊重他人之言论自由。“万物并育而不相害，道并行而不相悖”，此天地之所以为大也。英国公园中于星期日往往同时有数人演说，各持一说，各占一地，各有其听众，绝无立人丛中加侮辱于演说者之事，此之谓言论自由。其人民程度之高，良可钦佩。中国人于大会场中议事演说之时，往往有掷墨水壶、投椅打人之事；以上流社会之人，公然为英国下流社会所不屑之野蛮举动，其受病之原，则此好同恶异之一念也。人皆有自由而以不侵他人之自由为界，今欲伸己之意见

而强迫他人使不得发表其意见，不公孰甚？乃相率为之，恬不为怪；吾国人之不讲公理，不讲道德，由来旧矣。

马一佛与王无生书云：“海内嚣然，丧其乐生之心，而在上者方自以为黄虞复出；因势则据藜为安，徼幸则负乘忘寇，此所谓福不盈眦祸溢于世者也。游说者腾辩于飞籍，横议者奋情于党伐，匪惟贤者不入，亦中智所哀。尊兄抗志浮云，不挂世网，独处隐约，可谓能安义矣。仆甚惟大易艮背行庭之旨，老聃被褐怀玉之训，良不欲以谈说耀世，将洗心观物，守其玄默，以味道真，虽糟糠不厌，庶几免于刑僇。”余昔闻笃生言，谢无量，马一佛之能文，今乃见之。格高气古，固湘绮、太炎之流。余录此书，以所言实惬鄙见也。王国维颐和园词，较胜于湘绮之圆明园词。余曾见静庵文集，不以文学家许之；今读此诗，乃大有文学之价值。

秋桐不以太炎之鄙宗教为然，与愚见合。至林乐知所云“支那人偶有知识，于立身行己之道能得其正，皆耶稣之徒教之使然”，抹煞中国昔圣先贤德教之影响，要为无理之言。秋桐亦云“无颜诋其未当”，何也？

狭义的言之，可云儒术本非教；广义的言之，则可云儒术为教。吾国从前本有儒释道三教之称，西人亦谓孔佛耶回为世界四大宗教，盖皆取广义的解释也。儒术之是教非教，亦不必争之事，但余不以定为国教载于宪法为然耳。

**二十九日** 儒术与佛耶回三教不同之处有数事：一则彼三教皆崇拜教主为神，而吾人则仍认孔子为人；二则彼三教皆有礼拜堂，为普通人民礼拜之所，中国之文庙则限于入学者始得入而礼拜，并不及于女子；三则彼三教皆有执行教务之教士，俨然成一职业，吾国则无之；四则信奉彼三教者各有宗派，守一尊而排异己，中国人之读儒书者则颇自由，可以兼收各教之所长。余在英

国泥北淀时，英人问中国人信教情形，余谓中国普通人民莫能外于五伦，即皆孔教徒也。然同时又拜佛或请道士作道场，居然似并属于儒释道三教者；此等奇异之现象，乃西人所惊怪也。西人则除少数无宗教者外，大概必属于一教；既属于此教，则不得复属于他教，盖神有嫉妒之性，责信徒以专一之信仰，恰如中国人所谓忠臣不事二君，烈女不事二夫，固不容如此分属也。笃生常言宗教者必说未来，而孔子但说现世，故不得以儒术为宗教，此则儒术本非教之意义也。

然若为广义的解释，则孔子受全国人之崇拜已二千余年，实亦具教主之资格。吾人既设庙祀之，即不能不认孔子为有半神之资格。释迦、耶稣、摩哈默德，亦不过半神而已。普通人虽不能入文庙祭祀，然可各人自由在家礼拜孔子，从前每年上学时均拜孔子。吾人之敬上帝，亦各人在家行之，初不必集合行之于礼拜堂也。中国人有行文公丧礼者，其赞礼之人居然与和尚道士之作道场者对抗，是亦与泰西教士执行婚丧之礼者同科；若说教之职，则吾国士人之责任。不过泰西则说教与普通教育分离，吾国则说教即为普通教育，是则不同而已。吾国人可以自由信道教、佛教，然不过泛泛之祈祷而已；必道人始可谓真奉道教，必和尚始可谓真奉佛教，不得以普通人民之并属三教为疑。耶教行于我国多年，而信者犹少，则信奉孔子者排外自守之力，亦不可谓不强。孔子不说未来，然吾国古来所敬神之礼，孔子亦行之，是仍含有宗教的臭味。大抵各教不同，多在于敬神婚丧之仪式；吾国人自有吾国敬神婚丧之习惯，截然与奉耶回两教者不同，故不得不谓吾国自有吾国之国风，而因孔子集大成之故，乃名之曰孔教；孔教之名词固各国文字之所有也。余在德国时，每居一地，必开列姓名年岁籍贯职业等事报告警察局，且必载明属何宗教，中国人则皆

书曰孔教；是吾人之为孔教徒，乃他国法律之所承认矣。故强执儒术非教之说者，亦未免争所不必争也。

**三十日** 仆人年节酒资不可太啬，此等处所费无几，而关于感情者颇巨。吕新吾曰：“后面常余出一分，此之谓裕”，即此等处是也。

白芝浩论内阁，谓人之行事不能纯恃意志之力，要有赖于习惯；此保守党所持之精义也。又言名实两者均不可少；务实者欲尽去虚名，而不知名为权力之源也；此与中国人重名教之义相合。予于论语类钞论儒法之异同，颇有崇实黜名之意，读此觉又不能无疑。

昨日端午节，余对于同居者未往行贺礼；因我往贺则彼必来报，人家太多，颇为繁扰，不如简省虚文，较为率真也。

昨论宗教，尚有未尽之意，今补述之于此。

道家奉老子为宗，实强冒而已：老子道德经不失为吾国古时一大哲学书，后世道家所诵之经，则甚为鄙俚。现在出家修行之道人不婚而茹素，栖于深山，有似罗马教之神父，至吾邑所谓道士为人作道场者，则古事神之巫，彼辈结婚，与人民杂居，有似新教徒之教士。此两种人皆于社会无大关系，惟衰了凡一派道家文学，如太上感应篇等劝善惩恶，以神道设教，则风俗人心亦颇受其影响。中国人之慈善事业，多自此派人为之；彼等刊印善书散布四方，亦与耶教徒之刊送圣经相类，此则其带有宗教的长处者。佛教之影响则入人更深，彼之轮回之说大足以启发普通人之想象而悚动其心神，而其经典所含之哲理广大精微，又能使贤智者饮服。其教大盛于日本，其说且渐播于欧美，洵哉世界一大宗教，非道教之所可同日语矣。蒙古西藏均信奉佛教，回部则信奉回教，信仰自由乃约法所明载，又吾辈所当知也。

三十一日 阅亚细亚日报，乃知今日仍行所谓包办政策，巡按使之权甚重，所谓中央集权者已不复行之，而张鸣岐实发其端，亦留心时事者之所宜记忆也。

## 六 月

一日 哲学大观稿颇难看，精神不爽，往往搁置数日不一触目，以后拟每日看二三页，以为常课，庶几数月之后可以竣事。

曾文正选三十家诗，而以识度、气势、韵味、工律之评语注于各诗之下：大概陶渊明以识度胜，鲍参军以气势胜，小谢以情韵胜，大谢以工律胜。识度、气势，阳刚之美也，韵味、工律，阴柔之美也，谓之四象；亦学作古诗者所不可不知也。

王介甫之文，选字造句均极用意；其句法短峭，文气劲健，与韩柳老苏同；永叔、子瞻、子由、子固之文则多用虚字，文气虽畅而不免弱。近人有谓作诗宜先学黄山谷者，谓如此则可以避滑熟之调；余谓作文学王介甫亦可以避滑熟之调。

韩柳之文用字多含古义，宋以后之文则训诂迁变，浸失古义；今余辈读唐文觉较宋文为古雅者，以此故也。近世人治经学小学，故文章尔雅，训词深厚。

宋后之文，理致深微，胜于古代，盖受佛学与宋代道学之影响也。余尝谓作文者必兼通宋学、汉学，通宋学则不倍，通汉学则不鄙。

犹记余在城南书院与笃生同读苏子瞻代张方平谏用兵书，至“冥谪尤重”句，笃生讥其不典；盖此乃佛家言，三代两汉之人无此等思想也。即此一端，亦可以考世变。余寄兄诗有一语云：“和气致休祥”，笃生亦颇疑之；余虽仍而不改，不忘吾友之箴规也。

盖和气致祥亦似原于佛家因果之说，然积善之家必有余庆，古经亦言之，此余之所以仍而不改也。

二日 阅东京朝日新闻，乃知丸善书店之新到书目广告登载于每月四日十四日二十四日之该报，内有英译窝伊肯之书，颇欲得之；又有松本亦太郎之实验心理学十讲，亦属有用。

谭复生于戊戌年在湖南创立延年会，其命意在于省去无谓之应酬，以所省出之精力时候读书办事。谓计人寿命之修短，不以其年龄之多少，而以其作事之多少；如作事多则虽中年亦可云寿考，如作事少则虽耄耋亦可云夭亡；省去无谓之应酬，则人人可多办事，人人延年益寿矣；故曰延年会也。

三日 阅日本人所著中国瓜分之命运，痛言中国人之不洁；其所言苏州上海各处习惯，实有使人愧汗者。如土人书斋中置马桶对客出恭，亦余所未闻也。长沙乡间之习惯，于寝室中置马桶，臭不可闻，余家亦素来如此；余自海外归来乃改去此恶习。窃恐曾往日本者甚多，未能人人如我之断行改革也。余闻笃生言北京人向来在街上出恭，庚子各国联军占领北京乃禁之，如有人在街上出恭，警兵即捉其人，以其身上之衣拭去糞秽；自此以后，北京人乃不敢在街上出恭。此乃应用斯宾塞尔训育上之自然应报主义，不得不叹服西人处置之妙。北京数千年恶习，乃自联军扫荡廓清之；亦可快亦可痛也。

阅新到教育学术界有数书为余所欲购者，记之于此。中岛半次郎人格的教育学の思潮；河野清丸モンテツソリノ，一教育卜其应用；小西重直现今教育の研究，森冈常藏教育学精义。

读石原嘉太郎教育科受验记，大有所感。日本之教员检定试验，程度颇高，应之者非努力研究不能及第；此乃使教员学力进步之良法，吾国必仿行之，庶教育之学术日有起色。今钞其所研

究之心理学书目于此。

一、大瀨立炳 心理学教科书 一、宝文馆 心理学教科书  
(与前书大同小异) 一、高岛平三郎 医家必携の心理讲话 一、  
高岛平三郎 应用心理讲话 一、元良勇次郎 心理学纲要 一、  
中岛泰藏 最新研究心理学 一、福来友吉 心理学讲义 一、  
高岛平三郎 儿童心理讲话 一、松本孝次郎 儿童心理学 一、  
大瀨甚太郎 教育的心理学。今更钞其教育学及教育史之参考于此。  
一、吉田熊次 系统的教育学 一、吉田熊次 训练论 一、  
大瀨甚太郎 改订教育学讲义 一、大瀨甚太郎 新撰教育学  
一、小西重直 学校教育 一、吉田熊次 社会的教育学一、宝  
文馆发行近世教育史教科书 一、下田次郎 近世教育史 一、  
中岛半次郎 近世教育史教科书 一、大瀨甚太郎 欧洲教育史  
一、大瀨甚太郎 续欧洲教育史 一、田中义能 系统的西洋教  
育史 一、文部省 日本教育史 一、中岛半次郎 东洋教育史  
一、小西重直 现今教育ノ研究 一、 榎山荣次 教授ノ新潮  
一、榎山荣次 小学校ニ于几个教育问题ノ理论的研究。

四日 阅湖南公报，见教育总长汤化龙上大总统呈文，谓读  
经宜纳之于修身国文两教科中，不宜全读；又言不当以孔子为教  
主；大总统亦嘉许之，深惬鄙见。

易哭厂至慈善音学会，作诗四首，评熊夫人唐夫人等，而未  
附二首则所品评者妓女也。轻薄与？顽固与？吾不得而知之矣。  
中国人对于女子毫无敬意，纯以玩具视之；以淫具者视人者亦以  
淫具自视，多见其鄙贱而已。

五日 中学之修身教授，于第四年以上当取生徒最感趣味之  
问题，如社会主义、非战争主义、自然主义等加以正当之解释，  
庶生徒不至误解此等主义，或为此等主义所误。二年以来，国民



多猖狂之行、奇诡之说，对于旧有之道德既存蔑视之心，而于东西各国民所以立国之根本复无所闻知，使后生小子侘傺无所之，此极危险之现象也。宜取后生怀疑之问题，一一示之可以正鹄，使有所信仰，以为判断行为之标准；增进国民智识之道莫切于此。

如达尔文进化论，所谓生存竞争、优胜劣败之理，诚行于生物界之大原则，人类亦不能外此例，然人类实有异于他种动物之处，则以其能合群也。吾人当以合群为教，不当如禽兽之弱肉强食也；且虎狼亦不食其同类，而人乃相食，是虎狼之不若矣。

**六日** 优胜劣败，行于国与国之间，“兼弱攻昧，取乱侮亡”，几视为一定之公理。然惟其有外竞之事，而国内之民，尤宜以合群为务，盖非此而其国不能强盛也。至于合全球人类为一体，则一时不能实现之理想，吾人不可为此空想所误也。

**八日** 蔡元培译哲学要领云：“哲学家说明神秘状态者，余以哈脱门之言为最善。其言曰：神秘状态者其本体极安全者也。何则？去其一切附丽之物，则其内容不过人与太极无二质之见而已。是见也，忽起于吾人之心光，而实宇宙大本与吾人心灵确然同一之所致也。

又曰：认识者如光明然，忽然而泄于哲学者之脑海，彼虽不知其所由来，而固已了了见之。彼若有真理之豫感，不期而达其所探求之目的；彼其于人间与真理大始间无量之道理不行一步而测得之；彼不惟于哲学之对象见有我相而已，彼直破其主观性之界限而与客观合为一，与太极无对之世界合为一。”

又曰：“吾人终不可不由现象世界而退于微密之境，闭物质界之眼而开心灵界之眼；质言之，则欲理会秘密之意义者，不得不死于可觉可见之世界也。

又曰：“其神秘主义家最简之格言曰：‘死体之中有生命’。



又曰：“中世德国有神秘主义之大家爱克哈脱陀弥尼肯之教士者，曰：‘神语之告我无默时’；是实最精微之言也。神语者吾人精神界最神秘、最深隐、无音之声也，是即知识之缘起也。”

**十日** 睡醒，在床上思论语类钞中尚有多条宜编入者，拟标曰处境之道、待人之道、教人之道、事亲之道、圣门下手工夫、圣贤气象、论人、论学、世俗病痛、论语大义、政要，拟先编圣门下手工夫及论语大义。

曹生志明仿余之类钞论语，手钞孟子一本，皆用楷书，亦可谓好学者。

**十一日** 闻雅礼学校用御批通鉴辑览为历史教科书，生徒熟于中国史事，乃为他校所不及。英人之教法在于奖励学生之自动，以养成读书力为务，颇与吾国从前之教授法相似。如从前之书院，山长绝无集生徒讲授之时，惟按期出题评定课卷而已。杨仲衡在求实书院，为学生讲御批通鉴，使学生点宋元学案，乃合用新旧两教授法者。欲使生徒得有历史之观念，非令自看通鉴不可；历史教科书太简略，不足以养成读史之趣味。

**十二日** 胡子靖介绍余入船山学社，余颇为踌躇；因担任学校功课颇无暇日，一切党会均不愿插身其间，因一入会即须费精神目力也。但第一次开讲，当往一亲刘先生之丰采耳。

文部省检定试验问题集，最近十年附受験规则、修身、教育、国语及汉文、博物、地理、历史、外国语、图画、家事裁缝手艺、体操、手工、法制及经济、簿记、商业、农业、理化、音乐、习字，以上二十册，每册价金三十八钱，邮税各四钱，东京神田表神保町振替东京三二八修学堂书店，村田岩次郎欧洲市政论。

**十三日** 处事宜从容不宜急迫，忙中有错，不可不戒也。

圣贤之所以能乐者，一则欲望不奢，能安分知足也；二则出

言行事悉循天理，仰不愧而俯不怍也；三则研究有素，事来悉有以应之也；四则有闻道之乐也。

**十五日** 刘君寅先宗向所编中等学校国立课本，采择博而精，使生徒能略知古今，玩味国粹；诚善本也。

今日至船山学社，刘艮生先生白须飘拂，唇红异常；吴凤笙先生自岳麓冒雨渡水至，亦可谓高兴者。

**十六日** 宋遯逢自柏林请我为其祖母作八十寿序，余因不惯作此，决计辞之。

**十七日** 近日大雨，长郡地方多被水灾，米价日涨，殊可忧也。

**十八日** 李提摩太至省，寓东牌楼遵道会，今日佛学会将为开一欢迎会。佛学会以吴雁舟为其首领。

重读谭浏阳《仁学》，钞其精要者于此：“吾尝闻某某之论乾卦矣，于《春秋》三世之义有合也。易兼三才而两之，故有两三世。内卦逆而外卦顺。‘初九，潜龙勿用’，太平世也，元统也。无教主亦无君主。于时为洪荒太古，氓之蚩蚩，互为酋长已耳。于人为初生。勿用者，无所可用者也。‘九二，见龙在田、利见大人’，升平世也，天统也。时则渐有教主君主矣，然去民尚未远也，故曰在田。于时为三皇五帝。于人为童稚。‘九三，君子终日乾乾、夕惕若厉，无咎’，据乱世也，君统也。君子始横肆，教主乃不得不出而剂其平，故辞多忧虑。于时为三代。于人为冠婚。此内卦之逆三世也。‘九四，或跃在渊，无咎’，据乱世也，君统也。上不在天，下不在田；或者试词也。知其不可而为之者，孔子也。于时则自孔子之时至于今日，皆是也。于人则为壮年以往。‘九五，飞龙在天，利见大人’，升平世也，天统也。地球群教，将同奉一主教；地球群国，将同奉一君主。于时为大一统。于人为知天命。

‘上九，亢龙有悔’，太平世也，元统也。合地球而一教主，一君主，势又孤矣。孤故亢，亢故悔。悔则人人可有教主之德，而教主废；人人可有君主之权，而君主废。于时遍地为民主。于人为功夫纯熟，可谓‘从心所欲不逾矩’矣。此外卦之顺三世也。然而犹有迹象也。至于‘用九，见群龙无首，吉’，天德不可无首也。”

“又曰：天下治也，则一切众生，普遍成佛。不惟无教主，乃至无教；不惟无君主，乃至无民主；不惟浑一地球，乃至无地球；不惟统天，乃至无天；夫然后至矣尽矣，蔑以加矣。”

又曰：“吾闻某某之讲《大学》，《大学》盖《唯识》之宗也。《唯识》之前五识，无能独也，必先转第八识；第八识无能自转也，必先转第七识；第七识无能遽转也，必先转第六识；第六识转而为妙观察智，《大学》所谓致知而知至也。佛之所谓知意识转然后执识可转，故曰：‘欲诚其意者，必先致其知。’致知借乎格物；格物致知者万事之母，孔曰：‘下学而上达也。’朱紫阳《补格致传》，实用《华严》之五教。《华严》，小教小学也，非《大学》所用。其四教者，《大学》始教：‘必使学者即天下之物，莫不因其已知之理，而益穷之’，始教也；‘以求至乎其极’，终教也；‘至于用力之久，而一旦豁然贯通焉’，顿教也；‘则众物之表里精粗无不到，而吾心之全体大用，无不明矣’，圆教也。无论何事，要必自格致始，此之谓妙观察智。第七识转而为平等性智，《大学》所谓诚意而意诚也。佛之所谓执，孔之所谓意。执识转，而后藏识可转，故曰：‘欲正其心，必先诚其意’。执者，执以为我也，意之所以不诚，亦以有我。惟平等然后无我，无我然后无所执而名为诚。‘所谓诚其意者，毋自欺也’。以我欺我也。‘如恶恶臭，如好好色’。当其好恶之诚，不知有我。‘小人闲居为不善，无所不至，见君子而后厌然，掩其不善而著其善’。不惟有我，且有二我也。‘人之视己，如见其

肺肝然’。灼然见其有我也。欲其无我，必修止观。‘君子必慎其独’，孔门之止也。曾子‘十目所视十手所指其严乎’，孔门之观也。十手十目，佛所谓之千手千眼。千之与十，又何别焉？又以见人十能之已千之也。此之谓平等性智。第八识转而为大圆镜智，《大学》所谓正心而心正也。佛之所谓藏，孔之所谓心。藏识转，然后前五识不待转而自转，故曰‘欲修其身者，必先正其心’。心一有所，即不得其正，亦即有不在焉。藏识所以为无复无记。心正者无心，亦无心所，无在而无不在，此之谓大圆镜智。前五识转而为成所作智，《大学》所谓修身而身修也。佛之所谓眼耳鼻舌身，孔皆谓之身。孔告颜以四勿，第就视听言动言之，其直截了当如是，可知颜之藏识已转也。藏识转，始足以为仁。三月不违，不违大圆镜智也。曰三月者，孔自计观颜之时，至于三月之久也。观之三月之久，不见其违，可信其终不违也。‘其余日月至焉’，第七识之我执犹未断也。至若前五识皆转，无所往而非仁，齐家治国平天下不足言也，故壹是皆以修身为本。此之谓成所作智。夫孔子大圣，所谓初发心时，即成正果，本无功夫次第之可言。若乃现身说法，自述历历，亦诚有不可诬者。十五志学也者，亦自意诚入手也；三十而立，意已一而不纷矣，然犹未断也；四十不惑，意诚转为妙观察智也；五十知天命，我执断矣，然犹有天命之见存，法执犹未断也；六十耳顺，法执亦断，为平等性智矣；七十从心所欲不逾矩，藏识转为大圆镜智矣。转识成智，盖圣凡之所同也。智慧者，孔谓之道心；业识者，孔谓之人心。人心外无道心，即无业识，亦无由转成智慧。王船山曰：‘天理即在人欲之中’。无人欲则天理亦无从发见，最与《大学》之功夫次第合；非如紫阳人欲净尽之误于离，姚江满街圣人之误于混也。且夫《大学》又与四法界合也：格物，事法界也；致知，理法界也；诚意正心

修身，理事无碍法界也；齐家治国平天下，事事无碍法界也。夫惟好学深思，《六经》未有不与佛经合者也。”

**十九日** 援儒入释，昔贤所讥，然沟通儒释之巧，未有过于上所钞之二段者。余习闻儒者之言，颇不甚满意于佛说；谭浏阳乃重佛若此，使我意为之一转。余现虽尚未研究佛学，已确认其哲学上之价值矣。

**二十日** 船山读四书大全说曰：“知善知恶是知，而善恶有在物者，如大恶人不可与交，观察他举动详细，则虽巧于藏奸而无不洞见；如砒毒杀人，看《本草》，听人言，便知其不可食；此固于物格之而知可至也。至如吾心一念之非凡，但有愧于屋漏，则即与跖为徒；又如酒肉黍稻本以养生，只自家食养有大小，过则伤人；此若于物格之，终不能知，而唯求诸己之自喻，则固分明不昧者也。是故孝者不学而知，不虑而能，慈者不学养子而后嫁，意不因知而知不因物，审矣。”

又曰：“天下之物无涯，吾之格之也有涯。吾之所知者有量，而及其致之也不复拘于量。颜子闻一知十，格一而致十也。子贡闻一知二，格一而致二也。必待格尽天下之物而后尽知万事之理，既必不可得之数。是以《补传》云‘至于用力之久，而一旦豁然贯通焉’，初不云积其所格，而吾之知己无不至也。知至者，‘吾心之全体大用无不明’也。则致知者，亦以求尽夫吾心之全体大用，而岂但于物求之哉？孟子曰：‘梓匠轮舆，能与人规矩，不能使人巧。’规矩者物也，可格者也，巧者非物也，知也，不可格者也。巧固在规矩之中，故曰‘致知在格物’；规矩之中无巧，则格物，致知亦自为二，而不可偏废矣。大抵格物之功，心官与耳目均用，学问为主，而思辨辅之，所思所辨者皆其所学问之事。致知之功则唯在心官，思辨为主，而学问辅之，所学问者乃以决其思辨之

疑。‘致知在格物’，以耳目资心之用而使有所循也，非耳目全操心之权而心可废也。朱门诸子，唯不知此，反貽鹅湖之笑。”

**二十二日** 读皮鹿门经学历史，于经学源流叙述甚详，诚有益后学之书也。

**二十三日** 杨生叙策云：为善必出诸自然，然后能久。又云：君子之为善，非求见知于人而为也，非以其不善恐人之恶己而不为也，徒以职所当然耳。杨生亲慰曰：或谓暗室之中神灵察之，故君子处幽独，防亦不懈，是以小人度君子也。小人中无诚心，则须以神灵畏之，方足共勉于善；若夫君子，神即己，即诚心也，以此心即可以察神灵，岂畏神灵之察始勉于道乎？陈生绍休曰：思想因也，言行果也。又云：吾人之惧有非僻之念，非惧人之知吾有此念也，惧吾之将有此行耳。又云：佛家者流持念消罪灭之说，其教人改过之心亦云苦矣；虽然，念固可消哉！徐生樞云：真做工夫者不暇责人，盖人心不同各如其面，人之不同我固无足怪，且责人全无效益之事，责己乃有效益之事也。大英雄大豪杰，以我身造现世开来世。肖生植蕃云：制人与制己孰难？恃人与恃己孰安？吴生耀云：近人谓孔佛迎世变之动机，而创伟大之学说；由此言之，无此动机即无此学说，此动机移此学说亦移，则孔佛何以至今尚发挥而光大之而不熄乎？盖英雄立功，或有因世变之动机；而造之由己，不过望于世间也。况学说之倡，全为自动性质，因以动世者也。“如欲平治天下，舍我其谁哉？”孟子所以超出战国习气而有凤凰翔于千仞之气象也。廖生家琪曰：世之言者曰生存竞争，天演公理，自利主义，乃吾人竞争之本能；不知相争相杀以利己为主义者，生物界之现象也；人为万物之灵，相让以礼，相爱以敬，超然天演之外而胜其为我之情。肖生旭东曰：有观念必发为运动；又曰：肯替别人想，即以人为我工夫。

**二十四日** 学社以船山为名，即当讲船山之学。船山一生卓绝之处，在于主张民族主义，以汉族之受制于外来之民族为深耻极痛，此是船山之大节，吾辈所当知也。今者五族一家，船山所谓狭义之民族主义不复如前日之重要；然所谓外来民族如英法俄德美日者，其压迫之甚非仅如汉族前日之所经验，故吾辈不得以五族一家，遂无须乎民族主义也。吾国圣贤之教，本取世界主义，故恒谓吾国为天下，因世界尚未交通，中国独立于亚东，环其国者不过小国及游牧之部落，文化不得比于上国，故人民无民族思想。今则万国交通，时势大变，不得不暂舍世界主义而取国家主义。康南海谓今日当以列国并立之势治天下，即为此也。春秋三世之义，据乱世内其国而外诸夏，升平世内诸夏而外夷狄，太平世天下远近小大若一，是孔子终极之理想为世界主义。然时势有未遽许者，故有内其国而外诸夏与内诸夏而外夷狄之必要，不徒驰于高尚之理想而忽略目前之事实，此孔子所以为圣之时者也。余前在日本东京高等师范学校听其西洋历史讲义，谓中国人与罗马人同，惟宝爱其文化；虽外人入主其国，苟不伤其文化，即亦安之。私心揣测，谓日人不怀好意，颇有继满洲人入主中国之思想，此吾国人所当深念也。

黄生笃杰曰：侮我者侮贫也，侮贱也，而我之为我自若也。黄生泽霁曰：不知圆周不可以求圆心，此几何学理具体之学然也，推之虚灵不可象者亦何莫不然，是以知求中之道在极其大矣。黄生纲荫曰：处极乐之境，以不骄为主；处极苦之境，以不悲为主。黄生守澁曰：深思为力行之先机，力行为深思之实际。郭生家泽曰：认真者即今日所谓负责任之意；今人动曰圆融，即不认真之代名词。瞿生干曰：圣人之道虽大至无外，亦有一定之中枢焉，得其中则一纲举而众目俱张矣；欲得其中，当先知其全体，所谓



极大而后中可求，止其中而后大可有，即以此也。如治国者必先悉知国内人民之性情风俗，而后定为政策，庶无偏枯之弊。又曰：弃全体而即一隅，中本不在，安从而求？所止既非其中，全体已去过半，安从而有？谭生祖尧曰：人惟深思而后可以力行，惟力行而后深思可致于用，世之人往往徒重理想而不证诸实行，徒讲实行而不本诸理想，宜其言不中而行不成也。张生彤曰：办事不免委曲者无本领者也。周生世濂曰：中国实业不发达不足畏也，海陆军不强不足畏也，人民不开通不足畏也，而以人之做事不认真为大可畏。黄生守霞曰：最可哀者，则在有认真者出而小人即排挤之也。

刘生大让曰：志能胜气即人能胜天。万生人标曰：凡事不可太过，亦不可不及，蒙之大病在于认真太过。又曰：如读书一事太认真，于卫生所损不少。邹生新舞曰：志者主也，气者客也，人须以志役气而不可为气所乘。周生藻曰：气寓于空虚，志集于一点。又曰：天也，气也，自然也，人也，志也，运动也。何生华球曰：拿破仑曰天下无难事，盖既谓之事则人必有为之者矣，不然则不得谓之事。

**二十五日** 吾国人不惑于风水之说者鲜矣，虽朱子犹惑焉。近世如魏默深、曾涤生、郭筠轩、刘霞仙，皆有此迷信；船山独卓然不惑，力排五行术数之说，此其所以为卓绝也。观其论京房、崔浩、邵康节、蔡西山，皆力持正论，可以知其识有独到矣。

**二十六日** 连日试验之时，观察学生口能密闭者甚少，此后当力倡口宜密闭之说。

日本英德之人家无睡后燃灯者，中国人则多通夜点灯，非特浪费，且足以坏空气，于卫生亦大不相宜。余家前亦点灯而小其焰，近日则全然熄灭之。



**二十七日** 闻学界中人有运动长沙县教育会长者，此非好消息也，乃知余之辞职大为有见；余自是益不愿插身党会矣。

**二十九日** 出城觉山水草木均有生气，乃居省一年来所未有经验者；归家觉书斋凉爽异常，决非黄泥墩寓所之所能及，觉早早归家实得胜算也。

## 七 月

**一日** 闻由沙坪进城路较宽平，近日饭店亦较前好。

在途中闻轿夫言，近省轿码头人数增加，多为退伍兵士，彼等在山中聚赌。

**二日** 早起天气阴凉。

**三日** 满清时代，督抚侦知某人将入军机，则送一门生帖以为要结地步；彼将入军机者，照例璧还其门生帖而送一兰谱以答其意。储子玖将入军机之时，袁项城曾送一门生帖，储璧返之而未送兰谱，此乃袁受辱于储之一事也。

**四日** 西人笃于夫妇之伦，夫妇同居，不以舅姑及兄弟姊妹间之。夫妇常同栖，无有良人重利轻别离之事。夫不得纳妾，夫若有外遇则其妻可以请求离婚；妻死夫为之服丧三年。今闻乡人有妻死数月即续弦者，恩衰义薄，诚为野蛮之俗，而填房之女子及其亲属，亦不以是为忌；女子不能自立，每事随人，亦可叹也。

**五日** 长沙县公署委余为湖南第一联合中学校校董，余辞之，谓余将担负第一师范学校修身科之全责，加以教育，每星期约二十余小时，不得不以全力注之；联合中学校校董负责甚重，未敢兼营，恐致于两方面俱不能尽其责任，云云。

哲学大观中有一段论印度希腊哲学之比较，甚为精当，爰摘

入此日记中。希腊之气候温和，印度则炎热；希腊之地势狭隘参差，印度则广阔茫邈；希腊之产物较匱乏，印度则丰饶；彼大要运动，亦好之，此厌运动，亦不要之；此物质的关系上两社会之差也。而两国人民之主观亦非无差异之素因，希腊之世界观为客观的，印度之世界观为主观的；希腊之人生观为乐天的，印度之人生观为厌世的；希腊以时空为始，富于定量的观念，印度人则宁富于定性的观念；彼分析的也，此总合的也；彼倾于理学，此倾于宗教；彼之思辨为考索的，此则为实践的。

**六日** 佛生在周昭王二十六年，即西纪前1028年，在世八十岁；出家入山之期在其二十九岁十二月八日之夜半，其出山说教之期在三十五岁时。

小乘大乘之比较：一、小乘说存在之一方，大乘兼说不存在；二、小乘倾于生灭论，大乘兼说不生灭之旨；三、小乘倾于差别论，大乘兼说无差别之旨；四、小乘近多元论，大乘为一元论；五、小乘混唯物论，大乘为唯心论；六、小乘之世界但有感觉世界，大乘说超绝感觉世界之存在；七、小乘有纯然厌世的人生观，大乘成参厌世以乐天之人生观；八、小乘但说界内的烦恼障，大乘并说界外的所知障；九、小乘之涅槃为死物的，但空的、无用的，大乘之涅槃为活物的，但不空的、有用的；十、小乘最终之目的在阿罗汉果，大乘最终之目的在佛果。

佛教之通义有六：一、唯心的倾向，二、厌世的倾向，三、断惑，四、涅槃，五、轮回，六、伦理的倾向。

主观的小世界因有情自个之业力而成，客观的大世界因一切有情之共业力而现。宇宙最终之原因，不可不归于有情之业力，此业力缘起论也。

**七日** 中国思想与印度思想有不同之处：印度思想于理论的

探究穿微钩玄，中国思想则惟明其大体而已；印度思想考究之对象次第趋于经验以外，中国思想大率止于经验以内；印度思想明宗教的大纲，中国思想详伦理的细目；印度思想为出世间的，为超绝的，为伦理的，为哲学的，为宗教的，为空想的，理论的，中国思想为世间的，为经验的为常识的，为政治的，为伦理的，为观察的，实际的。

中国思想与印度思想又有其相同之处：一、重标准而轻说明，二、重道德而轻科学、三、讲纯正哲学，亦为伦理的，四、论宇宙之第一义，亦为伦理的。

**八日** 王阳明学说之要：第一心即理，第二知行合一，第三致良知。

良知之性质有四：一、良知者先天的存在，而后天的发现；二、良知者普遍于万人也；三、良知者，理也，道也，而其尤简明者也；四、良知者普遍于宇宙万有者也。（以上皆钞哲学大观）

**九日** 阅甲寅杂志第一卷第二号放鹤之民德篇，论正人心端学术，而以讲学为急；谓程朱陆王颜李皆有可取；颇愜鄙意。其以明之东林、清之曾罗证程朱派之有人，尤为特识。及阅康率群读汉学商兑书后，乃为之愀然不乐。汉学宋学之争，程朱陆王之争，在今日已不成问题，此篇之作乃抹煞程朱陆王一派入，岂为平允之论？亚细亚日报载章太炎近日之言论，谓汉学不如宋学，此后将专治宋学。以经学专家而为此言，可谓无门户之见者。

**十日** 欧西思潮为理论的哲学的，印度思潮为信仰的宗教的，中国思潮为学问的社会的，日本思潮为实行的国家的。

认识之外有了知，经验之外有心识的直觉；并经验与心识的直觉而成后天，即常识之所谓经验。经验者感觉的直觉也，感觉的直觉与认识，心识的直觉与了知，合认识与了知而成知识。所

以致认识之资料的因子之方法为经验，所以致了知之资料的因子之方法为推理；形成自经验与推理而得之资料的因子，使为认识及了知即完全之知识之形式的因子，则为原存于吾人意识作用之直觉，而其作用为无意识的。

最近哲学，以凡百知识界为应于凡百实在界者，更不立现象本体两界之差别，而立现象即本体知识，即实在合一的世界观。

近世实践哲学之大纲有四：实在之问题，明在概念之无意识论之界划，较所谓无意识哲学更进一步；主宰及标准之问题，立自我之主宰及标准，较有神论更进一步；生死之问题，审绝对无与实在之境界，较灵魂不灭之说更进一步；自由之问题，立人之自由与万有理法之合一及知行合一，较自由意志论更进一步。最近之合一哲学，非多元的而为一元的，非客观的主观的而为合一的，非理论的而为实践的，非宗教的而为哲学的社会的，又非虚无的而为实有的，于社会进化思想开展之时期的区划，则占据社会学的进化之时期，而为逍遥于能动的境地之世界观，为非厌世的人生观。

人生者实在也；自其主观言之，人生者一切之实在也，即人生者世界也；自其客观言之，人生者最高之实在也，即人生者有灵觉之本体也。

人与天然之区别，在理想之有无。

人生者进步之连续也，进步豫想理想，理想之研核名之曰学问，理学之实现名之曰事业。

世俗所谓科学之意义，得大别之为三类：第一为事物之论理的研究之成果，第二为事物之体系的研究之成果，第三为事物之分业的研究之成果。

哲学之意义亦可大别之为五：对于形而下学形而上学之意

义，其一也；对于现象研究本体研究之意义，其二也；对于个个特殊之原理之研核，一般普遍之原理之研核之意义，其三也；对于说明的学问标准的学问之意义，其四也；对于人生之个个部分的事业之理想之研核，人生之全般的理想之研核，其五也。大观学问发达之历程，哲学开其先，科学继其后。

第一、一切之科学为人生事物之部分的研究，然不能阐明其间相互之关系，为其塞门德士之学问，不可不求之科学以外；第二、一切之科学为人生之理想若事物之体用之部分的研究，为建筑家之意匠与劳动之学问，不可不求之科学以外；第三、科学必立于某假定之上，为所谓构材强弱学之学问，不可不求之科学以外；而如斯之学问，不可不为通无形有形两界为理论应用两类之根基者。

本日所钞皆哲学大观。

**十一日** 读湘阴徐世佐遁斋文集，其明伦论、恩仇论等，多引史事而论断之，可以发人神智。其论好名之弊，取古人所艳称之苦行而抨击之，亦可谓有识者。今摘录其事实以为修身科之材料。恩仇论所论之事如下：庾公之斯、赵苞、李瓏。昔者李怀光将反，其子瓏告于天子曰：“臣父必负国。”天子曰：“止之。”曰：“臣力竭矣。”怀光诛，瓏自杀。昔者楚王欲杀子南，告其子弃疾，曰：“子其居乎？”对曰：“父戮子居，君安用之？泄命重刑，亦不为也。”王杀子南，弃疾请尸，既葬而缢。昔者苏章刺冀州，故人为清河守，章行部欲案其奸，召与饮欢，故人喜。章曰：“今夕饮私恩也；明日按事，公义也。”卒举正其罪。昔者荀晞为兖州刺史，其从母之子求为将，晞曰：“吾不以王法贷人，无悔也。”固求之，以为督护；犯法，晞斩之。其母叩头流涕救之不听，既而哭之曰：“杀卿者兖州刺史也，哭弟者荀道将也。”昔者乐羊伐中山，食

其子之肉以成其功；文侯赏其功而疑其心。昔有守城者，令曰：“顾者斩。”孤甥顾，斩之。昔者尧君素守河东，唐遣其妻招之；君素射之，应弦而倒。灵辄脱宣子之难，韩信赐漂母之金，子仪赎太白之死。昔者蔡邕受恩于董卓而为之用，身死名辱，君子惜之。禹之事舜。昔者汉高祖杀其臣彭越，越之臣栾布归自齐，哭之彭越头下，而归死焉。文姜与杀桓公。昔者章子之父杀章子之母，章子痛之，出妻屏子终其身。其父杀其母，埋之马栈之下，其父死，章子不能改也。章子将，王送之曰：“图而功，吾为葬而母。”章子谢曰：“臣非不能，臣之父死未有命，臣未敢欺臣之父也。”昔者荆王杀伍员之父，员以吴入郢，鞭荆王之尸。昔者甘宁杀凌统之父，宁归吴，吴王召使解之，共车而出。昔者莒子杀人，其人之妻纺而度城，黻之；齐伐莒，投纺于外，齐人乘而登，遂入莒。昔者司马昭杀王裒之父，裒痛之，终其身不仕；炎既篡，终其身未尝西向而坐也。昔者司马昭杀嵇绍之父，绍不仕；山涛劝之，遂仕，为侍中，死于荡阴，以忠称。昔者赵襄子杀豫让之君，豫子欲报仇，襄子诘之；豫子曰：“范中行氏众人遇我，我以众人报之，智伯国士遇我，我以国士报之。”聂政、荆轲、高渐离、夫差。昔有士，未遇、未冠也，居下县；令笞其父，士救之，并笞士。其后士为刑官，令得罪当鞫，厚礼而释之。昔者吕晦叔贾昌朝相怨也；晦叔为相，昌朝得罪；晦叔告曰：“与臣有怨，请宽之。”昔者陆宣公所举士知贡举，约陆子不得与于试。

其论莒人之妻曰：莒子君也，君不可仇，况以国毙，夫无罪，国人何罪？私不可以害公。其妻丈夫也，当为国守，不能守当为国死，吾故曰莒人之妇知有夫，不知有国也。又有一段其论甚精，可以为修身之矩。曰：夫仁人义士，一饭之德不可忘，是以君子慎所受。不幸受恶人之恩，其后从之则害义，违之则害恩。至于

仕进之门，一投足，其后常不可悔；不幸不慎，往往以恶人之恩终身为之用；君子伤其志而不怜其死，是故君子不幸受恶人之恩，亦权于恩与义之间而取裁焉。

其大旨曰：恩可以报可以不报，不可以仇报恩；仇可以报可以不报，不可以恩报仇。又曰：吾惧夫私恩之害吾公义也，吾惧夫公义之害吾私恩也，吾惧夫私恩公义之相害而无以自处也；惟君子能权其轻重焉。公义轻，私恩重，从私恩，故恩可以报；私恩轻，公义重，从公义，故恩可以不报。

徐世佐与羊灌夫书，论苦行非人情，所排击者如庾黔娄之尝粪，王祥之卧冰，邓攸之弃子，许武之析产，曹令女之割鼻，以为皆不近人情之事。又曰：明祖之令曰，旌孝子不旌割股者。又曰：易牙杀子，以为利也；申亥杀女，以为名也；曹安杀子，郭巨埋子，果有之乎？是人神所必诛也。

余谓为此等苦行者，亦非必真为名，盖迷信为道德，而以行之自尽之道也；是则学说之罪，而非个人之罪。将此等诬谬之学说辞而辟之，固正人心善风俗者之所有事也。印度人夫死火葬，妻则投于火自焚以殉之，大众临其仪式，视为固然，无阻止之者，实大悖乎人道主义。英人主印度后，以法律禁之。法家言谓宗教之信条有违于道德者，可以法律禁之，故信教之自由亦非绝无限制也。中国人之自杀者多背人为之，如为家人所觉则不得行其志，此较胜于印度耳。朝廷旌表之，文人学士咏歌之，谓足以慰其苦志；而反以奖自杀之风，人道主义之大害也。

徐世佐答于生论七贤书，亦有可一读之价值，今节录之于此。其论阮嗣宗曰：“嗣宗旷世逸才，与叔夜皆蔚然人望；蔡伯喈孔文举之俦，伯喈附逆，文举杀身，叔夜则又继文举而死矣；嗣宗独能从容其间，近而远，严而恭，直而不犯；是故当时贤士大夫，



非附则死，无两全者；而嗣宗不可及也。司马昭与朝士语清慎勤三者何最？或曰清为最，或曰勤为最，昭皆不然；一人曰慎为最，昭以为然，昭则问曰：‘何人为慎’？或曰某某慎，或曰某某慎，昭皆不然，昭曰：‘今之慎者其阮嗣宗乎！’或曰：‘嗣宗放浪，胡以慎云？’昭曰：‘吾与嗣宗游久矣，未尝一语及时事；臧否人物，问之不答而他语。’嗣宗有女，昭欲以婚炎，使者三往，嗣宗皆沈醉不能一言，事遂寝，嗣宗可谓以酒自全者矣。许婚则附逆，不许则杀身。且夫许婚则女且后，身且侯，子孙富贵，而嗣宗毅然唯恐其浼也，而昭不以为忤，此固有独立于智勇之外者矣。嗣宗每出游，乘小车纵其所如，途穷则痛哭而返。彼其所哭者何哉？其有沈痛于中者乎？明永乐初，雪庵和尚者，每放舟蜀江，读离骚，读毕沉之江中，痛哭而返。雪庵哭于君国既亡之后，而嗣宗哭于未亡之先，则嗣宗甚矣。嗣宗居母丧，食烝豚，已而发声一号，呕血数升。盖嗣宗忠孝至性有过人者，其饮酒放浪，有托而逃也。”其论王戎曰：“戎之卖李钻核，诬也；家固丰，其躬自持筹，则宜有之。人固有所好，苟不为不义，则王衍不必果贤，和峤不必果不肖；要其胸中磊落明白，无掩护曖昧齷齪不可使人见者，君子亦无恶焉。戎方少，嗣宗访之，戎父出迎客，嗣宗曰：来共阿戎语耳，卿无辱。戎与群儿戏道旁，有李实甚繁，群儿趋之，戎不顾，或问之，曰‘苦李也’。果苦李。戎七岁观虎，虎大吼，观者披靡，戎危坐颜色不少变。戎之气与识有不可及者，其得于天亦厚矣。卖李钻核，恐夫不为，嗣宗与之友乎？吾故以为诬也。”

甲寅杂志第一卷第二号载有曹工丞通信，标题曰“通信道德”，与余之日记“论书信秘密权”其意相同，此余改良社会意见之一条也。兹录曹君所言以为余说之佐证。其全文曰：“记者足下：中国社会之不道德，为世界各国所无，即通信一项论之，可征吾言



之不谬。夫通信自由，为人类之通则，文明各国，交通便利，虽穷乡僻壤，无论男女老幼，莫不有书信往来；吾与足下旅欧颇久，宜知之熟。即伦敦一市而论，计八百余万人，四百余万户，而生息扩张于市外四周者，日加无已，每年须建筑新市街16英里。人人每日平均可得书三通。伦敦邮人八万，每日送信六次。每日晨起洗面易服，旋入餐房，案上香花相近处，人人席上有鸿书。餐毕阅书，阅后各自收检，虽夫之于妇，父之于子，母之于女，兄弟之于姊妹，未闻有不经许可而妄阅他人之信者，亦未闻邮局失落信件，或私自拆阅者。此通信上之道德，固当如是，而全社会能遵守之，养成习惯，成为法律，此其文明程度所以为高也。我国则反是：吾每见友人致书于亲朋，展纸着笔，即有旁观者注目直视；有时接他人来信，启函而后，旁观者复集而读之，其人之许可与否所不计也。甚至他人之信，适落其手，拆而阅之，以还其人，或且不还，随手散佚，兹事虽小，可以语大；此其毫无公共道德，何以为群？何以为国？何以享权利？何以尽义务？此在旧社会之人物，不知新道德，吾不怪异；惟自命为新人物，欲整顿中国之弊政，负将来伟大之责任者，多出此不道德之行为，吾则不能不为中国社会伤也。有如此之社会，斯有如此之政府，故妄拆人民信件，大失人民信用，以致邮传大政，交通利权，隐隐中皆落外人之手。凡通商大埠，繁盛市城，紧要书简，经过外人所设邮局者，多于民国所设邮局；吾未闻独立之国，有外人能设邮局于国内者，有之自中国始。失此国权，虽由于中国之政府，实发源于中国之社会；望足下牺牲贵报数行有价值之纸面，介绍此书，以警同胞，何如？曹工丞白。”

甲寅杂志又载《浮田和民立宪政治之根本义》，有一段与上文所言相发。浮田氏曰：“此等自由权利，应尊重者，固不仅政府而

已，为人民者亦各须尊重，且不可不有拥护此等自由权利之决心。如人民相互之间，不认权利自由，不容信仰自由，纵使纸上有此明文，终将归于无效。此种自觉心，诚立宪政治之根本义极要者也。至人民所以能自重其自由权利，则半属法律上问题，半属人民道德上问题。如日本宪法中，载有除依据法律所定以外，不得侵书信之秘密。郵便局除非常之事外，不得私拆人民书信；纵使宪法作是规定，而人民之间，有私拆他人书信之习惯，则政府亦自私拆通过郵便局之人民书矣。又若人民不互重其言论自由，有如学生之间不容少数者之言论，或以多数压迫个人之意见，则政府亦自不尊重政治上言论自由，或动辄用力干涉印刷发行自由矣。”

**十二日** 邻近有女孩携长钩在余家后山攀柴，儿辈往干涉之，则大骂半晌而去。余呼儿辈归，置之不理。因思吾国法令疏阔，一切纯任自治；一时受此村女之侮辱，值仆人不在，竟穷于惩治之法。因其人尚未成年，且系女子，故宽容之；或当遣仆告之牌甲，使转告其母，庶可警戒其将来也。

英人田地山林，界限极严，他人不得阑入；误入之者，若遇主者，往往被斥责。英人自爱，不肯招此辱也。闻一中国留学生在英国某地乘脚踏车，误行人家私道，遇主者呵责之，则操法国语佯为不解英语者，疾驰以免，亦一趣事也。余为英友言，余家山中往往有人来拾柴，或以鸟铳击鸟，英友大怪之。

**十三日** 中国法令疏阔，一任民间之自治，于是家族会议实代行政司法之官吏，处置族人相互关系之事，然而弊端亦生于此。近处人家有一寡妇年二十余，有子可抚；乃其母家之族人欲嫁之而得财礼，其夫家之族人持不可，母家之族人欲以多人乘夜至其夫家劫取而嫁之。会事觉，夫家之族人则以嫁于他人得财礼百余

串，寡妇之翁姑与其族人媒人均分之，而寡妇之本人殊不愿也。始则被胁迫于母家之族人，继复被胁迫于夫家之族人，涕泣登轿，嫁一年将六十穷而且丑之人，闻其现在犹日以眼泪洗面，旁观者至代忧其何以了此残生。呜乎惨已！结婚为百年大事，不问本人之愿意与否而迫使行之，又为人身之买卖，而女子竟不能不忍受之，无法律上之保护，可谓惨无天日！此亦中国野蛮之习，立法行政者所宜加之意也。

**十五日** 英人之寡妇有独立之财产，可以自由嫁人，无论父族夫族绝无干涉之权；此则重个人之自由，实合乎人道主义也。然英人之处置遗产，皆凭死者之遗嘱任与何人，他人不能干涉；不如中国人之财产，父死子继，寡妇为一家之主妇，有管理遗产之全权；在英人若夫不爱其妻，则遗嘱上可与其妻以少许之资财，而其妻不能索遗嘱所许以外之权利。中国之夫族其所以干涉寡妇之再嫁者，实因其有承袭财产之权利之故；逼嫁则可以夺产，此诚盗贼之行也。某县有甲乙丙兄弟三人，甲死，其寡妇无子而不嫁，乙丙及其妻皆与之有隙，然无如何也。会妇与人有私，生一子，乙丙则劫取其子，欲以证明其奸而逐之也。诉之官，官以无他人之证，不认为有奸情，讼遂无效。乙丙复捆妇而嫁之他家，妇不肯从，出喜轿，即坐于地曰：“吾已吞鸦片来，誓死不成亲也。”迎亲者不敢逼，会妇之母族集众往劫之归，复集众往毁乙之家以泄忿，丙家以有戒备得免。妇卒留母家，乙丙之族人岁与谷三十石以糊其口，而甲之遗产则立嗣承袭，事乃结。无夫者之奸，为英国法庭所不理；乙丙以嫂之有私而捆之以嫁人，亦以财产之关系也。夫家集众捆之嫁，母家集众劫之归，纯是太古民族无裁判官时代个人报复主义，亦无政府之现象也。

**十八日** 昨与人谈话，有讥议人之处，此大不可也，盖乘兴

而流，未及检点耳。

**十九日** 读旧日记本，感慨颇多。

**二十日** 西洋人于小事亦分明有界限，如有信待发而无印花，则求之于同居之人，然必以钱偿之。余在浞北淀时，同学杨君曾浩，曾在余处索印花，亦如西人之所为者。余在德国柏林时，在电车中见有数人同行，往往一人购票，同行者亦一一有钱还之，虽母女之间亦然；中国人之习惯，则往往以为钱数太少，还之则轻视出印花出车钱之人，而应受其偿者必佯推故逊，或伪为发怒，而其心实有所未慊；此之谓伪善，良为可笑。又交代银钱必索收条，所以备万一有讼争之事也；中国人讲体面而太过，纯恃信用，往往略去此一层，因而受亏者比比矣。余友柳君午亭，实行银钱上权限分明之主义，虽受取金钱者为我，亦索取收条；余晓事，不以为怪也。相传郑恪慎公不妄取亦不妄与，以姻家仆人至其家，公以不便留宿，予以钱使往饭店，此仆人因饭店远未去，草宿于其厨房，公晓起见之，乃索还其钱。此事未知真否，果尔，则亦太认真矣。

余在德国柏林时，中国学生亦仿照德国人之所为，同进茶馆咖啡馆餐馆之时，各开各人之账。盖同游之时甚多，人亦甚多，一人为东，乃事势所不许也。中国人之习惯，则数人同往酒席馆，必有一人为东开账，似以各开各账为不成事体者，要亦伪善而已。出钱者出于勉强，未免心痛，而相率为之，亦可笑亦可悯也。柳君午亭由北京乘京汉汽车南归，湘潭某君同行，每事均由是人开帐，临别时，柳君以钱还之，却不受；柳君则从容告以不可不还之理，且举余所言西洋人之所为以证之，是人乃受；且言其平昔勉强为东，心实不快。此亦中国旧习宜改之一端也。

**二十一日** 连日闻戚族家之妇女小孩多有不是处，女子未受

良善之教育，不知立身待入之道，又不知抚教子女之道，溺爱骄纵，使小孩无所忌惮，遂养成恶癖，良可叹也。为小姑者，或进谗言以苦其嫂，为嫂者或出恶语以侮其小姑，侄女骂姑母而其母不禁，姑母责之，则率其女以迫其姑母，尚复成何体统？吁！此教育者之责也。

**二十二日** 西洋人多奉基督教，以仁慈为贵，有防止虐待动物之会。余在英国巴拿塔地方，见一小学校发年终奖赏，儿童有因不虐待动物而获奖品者，亦可见其注意于此事矣。中国人及日本人之车夫，则往往有虐待其马之事。一友人在东京，曾见一车夫因其马不服命令，一击毙之，曾为余述之，而叹此车夫之残忍凶暴。又一友人言在北京时，见一西洋人乘一马车，其车夫因其马老羸而不能速前也，则痛鞭之，意欲求速以媚洋人；此洋人见其残忍无人理，怒甚，以杖连击之。此洋人视中国人如牛马，任意鞭笞，固为可恨，然此车夫亦有以自取之。此亦余改良社会意见之一条也。

日本马车载重亦有法度，如车夫使其马运过重之物，则巡查干涉之。此亦吾国当效法之事。

太平无事之时，休养民间之马力，则遇战时有可以征发之来源。此又谋国者所不可不知也。

**二十三日** 今又述一事于此，以示吾国家族主义之情形。其姓名则皆用假名。某县有赵一者，家颇贫，幼娶一妻曰钱秀英，亦尚未成人之女孩也。彼地贫人娶妇之法，均自幼抚养，谓之女媳妇；及其成人乃拜见成礼，谓之圆房。凡贫人之家，多以此法得妇；盖长大而娶妇，则须嫁娶之费用，贫家无力为之也。赵一之母死，而其父往他县谋生，赵一亦往本县他乡习木工，将钱秀英寄于母家。母家亦贫，会赵家久无消息，钱家之族人以为赵一

已死，乃嫁钱秀英于孙三之家。赵一之族人闻之，率赵一请团保理论，孙三之族人以孙三之得妇乃由明媒正娶而来，置不理。赵一之族人乃集众往孙三家，劫取钱秀英而归，藏之。孙三之族人有孙大者，其族中之健讼者也，为孙三主谋，乘赵一之不备劫执而藏之。赵一之族人则又集众往执孙大而缚之，将往藏于他处，路过孙大之姻家，孙大大呼救命，其姻家李四集众出救，孙大遂遁。赵一之族人以众入李四之家坐索孙大，且于公所之地请地方团保与李四理论，乡人均不以李四之干涉赵姓事为然。李四不得已，乃谋之孙家，出赵一以了事，事遂结。适会是时孙大得罪官府，官所出之告示中，有由地方捆送来辕之语，孙大不敢出头，故事易了。方赵一族众在孙家劫取钱秀英之时，秀英不知何事，大呼曰：吾不愿去了，吾不愿去也。后知为故夫，遂与之成礼焉。此事已经过七八年，闻秀英已生子矣。

论曰：法家之言曰，太古之社会，无政府，无法律，正义之所以得伸，全赖个人之报复而已。个人力弱不足以报复，则其族人助之。及社会渐进，于是有调停之法以保持正义，他人居间平二家之争，然此调停之法无强制之势力。及社会更进，乃有今日之国家，以法庭之裁判保持正义，于是乃有强制执行之权。今吾国习惯，官惟受理词讼而已，不来讼者则一任民间之自为，故有上述之事，盖依然在个人报复与调停之时代也。在一方面言之，民能自治而不倚赖官府，故中央政府虽遭大难，如庚子联军之占领北京，而民间犹晏如，秩序不变；即变君主为民主，民间亦不觉其影响之甚大，似亦为吾国之特色。然自他方面言之，则此所谓自治者终不免于简陋，以文明法律之眼光观之，终不免为无政府无法律之野蛮恶习，个人受家族之辅助，亦受家族之胁迫，个人之自由被侵害者甚多，而法律不加以保护，此极宜改变之事

也。

**二十四日** 西洋女子往往以独身终，盖自由结婚无人相爱，则无结婚之机会也。我国男女之别甚严，青年男女无相见之机会，父母操其订婚之权，子女不复过问；又专凭媒人之说合，媒人或有虚言，访问亦难得实，因而偶非其人，终身怨望者有之矣；然以此因缘，女子无不适人者。略有身家之男子则亦易于得妇；如白痴、残疾、有肺病、有烟癖者，在西洋决无结婚之希望，而在中国往往得美妻，故谚有“巧妻常伴拙夫眠”之语，又有“一朵好花插于牛粪之上”之喻，亦社会中一不平之事也。欲改良人种，则宜使善良强壮之男女结婚，而不善良不强壮者，则宜使失其结婚之机会，无使谬种流传，以贻累社会，此人为淘汰之可行者。如斯巴达之弃虚弱之婴儿，固为残忍，非人道主义之所许；若限制结婚之资格，则非不可行之事。在白痴残疾之本人与其父母，宜自知其丑，安分守己，无累他人之女之终身；而为女子与其父母者，则宜择人而嫁，不可但图有家，不问好丑，如饥之不择食者然；纵令难于择配，宁以独身终可也。此亦社会习惯之宜改者也。

女子无为人妻之资格者，亦不宜适人，适人则害其夫家矣。为其父母者，亦当克己安分，不可溺于私爱，但图其女之有家而不顾他人之死活也。余闻某家有女疯癫而遣嫁者，结婚未久仍归母家；如此种病人，不如不嫁之为愈也。又有女自小有筋骨风病而遣嫁者，以产难亡，临终时怨其父母，谓不应遣嫁也。有筋骨风病之女易蒙产难，故此种病人亦不可嫁之。

**二十五日** 西洋人结婚，则夫妇别赁一家居之，不以舅姑及夫之兄弟姊妹间之。中国人之子妇，以事奉翁姑为妇道之大者，因不得不与其夫之家人同居。此东西洋家族制度之异点也。中国



之家族制度，翁姑可得子妇之侍奉，而妇姑勃谿之弊在所不免，西洋之家族制度，夫妇同栖，无他人间之，而老年之翁姑不无寂寞之感。西洋新婚之夫妇所以能独立门面者，以不早婚之故，中国新婚之夫妇所以不能独立门面者，以早婚之故；西洋人之结婚必由于二人之自愿，中国人之结婚则全听父母之主持，西洋人无祭祀祖先之习，故不以无嗣为虑，中国人有祭祀祖先之习，故深以无嗣为忧；不忧无嗣，故西洋之男女不结婚者甚多，其结婚亦迟，惟恐无嗣，故中国之女子不结婚者绝少，其结婚亦早；西洋人皆群居于市镇，可以随处赁屋，故新婚之夫妇易于创独立之门面；中国多散处于乡间，不能随处赁屋，故新婚之夫妇难于创独立之门面。今人有欲变中国之家族制度为西洋之家族制度者，当顾虑各种事情，盖欲改一制，必将与其制相牵连者一一改之而后可；不然，则此牵彼掣，其势不行，故改制未易言也。今试述吾对于此事之意见。

**二十六日** 第一义曰戒早婚：男子非学问有成，有职业，能自谋生活，则不可为之娶妇，期以人人独立，不倚赖父兄。秦商鞅之立法也，家富子壮则出分，亦增长国力之政策也。第二义曰戒早聘：订婚过早，或男子长大有不良之习，或女子长大有不良之习；彼时悔婚则事同儿戏，不悔婚则貽终身之累；故必待男女均长大后而议婚，庶无此弊。第三义曰尊重本人之志愿：中国男女之别甚严，青年男女相接之机会甚少，难于自由择配；然结婚实关系百年之大事，必须本人愿意，然后可行，故虽父母作主，不可不得男女本人之承诺，庶日后不至以偶非其人而怨及父母。第四义曰二女同居，其志不同行，姑妇妯娌姑嫂之间易生嫌隙，家庭幸福因之而消耗无余，不如分居之各得其所也。礼有父子异宫之训，亦有见于此。为父母者不宜强其子妇与之同居，为兄弟者



亦不宜慕九世同居之美名，致其家人受无形之痛苦。人情多厚于妻子而薄于兄弟姊妹，贤者矫枉过正，或厚于兄弟姊妹而使其妻忍辱受气，亦为不近人情之事。西洋人尚质，故明明置重于夫妇之伦而不以为嫌，亦吾辈所当深思也。

**二十七日** 小孩游戏之时，亦不可不施训练；如下象棋总以不悔为好，如自己着错便要悔，他人着错便不准悔，此即有违正义。此事虽小可以喻大，如小孩有此种行为，便当晓以道理，使其知其可耻。于下棋打牌等竞争游戏，可以观人之品性；如窃看人牌，匿本项之牌不打之类，用卑劣之手段以希胜利，其卑鄙无耻即与窃盗无异，不可不严为禁戒。又如输时发输气，慌张焦躁；胜时得意太过，狎侮敌手；皆坏品性之征表也。

余在日本东京高等师范学校时，观其附属小学校儿童之团体竞争，教员于终时令得胜之一队整队行，就失败之一队而行敬礼，窃叹其深得训育之意也。

好打麻雀牌，乃中国人一大弊害，流俗滔滔，贤者不免，甚可叹也。余去岁在北京时，曾谓一友人云：“中国人如能相戒不打麻雀牌，则中国尚可救。”闻者或不信吾言，不知此习不除，终无涤荡振刷气象一新之日。余观西洋社会亦有打牌之游戏，惟不赌钱，故但觉其可乐而无弊害。不赌钱之游戏，如中国人之下围棋象棋，西洋人之打牌，余亦不反对之，惟赌钱则期期以为不可。此亦余改良社会意见之一条也。

**二十八日** 小说为社会之反映，中国俗恶小说甚多，其所描画多为中国人多数人之俗恶思想，读者于不知不识之间印入此种思想于脑中，遂不觉同化于俗恶之社会，其关于人心风俗者甚大。暑时偶阅一二，试述数条以示例。第一则势利之思想也；书中之主人翁往往经过患难，然其结果，必富贵双全，状元宰相，如红

楼梦之以看破红尘结者百不得一，即此足征中国人之好利。第二则一夫多妻之思想也：中国人本可以娶妾，自西洋人眼光观之本为一夫多妻之俗，然犹有妻妾之分也；中国小说则往往一人得数美妻，皆名门之令媛，此实不合事实，而小说艳称之。余尝慨叹，假如西洋人不知中国情形，看中国小说遂信为真有此事，岂不可笑！社会中虽亦有一夫二妻以兼祧为名者，要亦不常见之事，即此足征中国人之好淫。第三则残忍之思想也：中国人本残忍不可名状，如衙门之用刑讯是也，而小说中亦多描此种惨酷情形，若以为施之恶人可快人意者。殊不知酷刑不可用，虽恶人亦人也，有罪服刑，足以蔽其辜矣，何可令之求死不得，大伤天地之和哉？即此足征中国人之好杀。第四则神怪之思想也：中国人迷信本多，而小说中亦往往铺叙神道之权力；好人落难多为神人救护，作者妄言，读者妄信，自欺欺人，即此足征中国人之好诞。子不语怪力乱神，说者谓为圣贤；对于小说家之态度，此种恶俗思想当扫荡而廓清之，其有关于国民之品性非浅鲜也。

**二十九日** 王船山论刑罚中有凌迟处死，太惨酷非人道，良然。船山又论张巡杀妾以享士之非，亦可谓能见其大。中国古制，君主以人殉葬，朱子于诗集传中（秦风黄鸟）（哀三良）痛言其非，慷慨淋漓，声泪俱下。此制至明英宗而始革。汉文帝去肉刑，可谓中国刑法史上重要之改革；后人尚有议复肉刑者，是皆与于不仁之甚者也。官吏以残忍之道待人民，盗贼遂亦以残忍之道待人民；吾人以残忍之道互相待，外人遂亦以残忍之道待吾人，呜呼痛已！谭浏阳仁学，谓汉人女子缠足，满人女子不缠足，即此一端，可以主中国而有余，其言绝痛。又谓中国人重男轻女，驯至有溺女婴之恶习，以为中国虽亡而罪犹有余，盖深痛不仁之流毒也。

**三十日** 中国女子有因聘夫死而守贞不字者，遂往舅姑之家修行妇道，仍以逝者之木主拜见成礼，其家人则为立嗣，谓之守望门寡。亦有因聘夫死，在父母膝下守贞，闻父母将改字他人而自经死者。康南海之姊，亦守贞不字者也。先圣先贤之礼教入人甚深，笃信之者能为人之所不能为，居然有宗教之势力，斯固然矣。小说中亦多此种事实。从前女学不发达，女子除看小说外无他学问，故亦不可不谓为小说之影响。西洋妇人夫死再嫁，社会并不以为失节，然恋爱亡夫不忍再事人者亦为社会所尊敬，惟不以之律众人而已。至因聘夫死而守贞不字者，亦容有其人，但决无于聘夫死后仍行婚礼，仍往舅姑之家之事，以西洋之家族制度与中国不同也。至自杀则西洋人视以为大罪，予既言之矣。秦始皇会稽刻石曰：“饰省宣义，有子而嫁，倍死不贞。防隔内外，禁止淫佚，男女洁诚。夫为寄鞶，杀之无罪，男秉义程。妻为逃嫁，子不得母，威化廉清。”程子曰：“饿死事极小，失节事极大”；论者以中国女子贞洁之风倡之于秦宋两朝，或则以为女子之受压制，经秦宋两朝而益甚，为功为罪，各有主张。然秦废封建为郡县，有坊民正俗之功，程子之言有影响于后世，要为历史上不可诬之事实。尝观汉时诸王多淫佚之行，与春秋时之诸侯无异，此乃封建之余弊也；后世封疆大吏威权远过于昔日之诸侯，而闺门清肃无敢有荡检逾闲之事，斯则食郡县制度之赐也。中国重男系，同姓之兄弟姊妹百世不通婚，此中国家族制度之特色也；日本西洋，则从父兄弟姊妹可以结婚，中国人或闻之而骇然，然中国人中表姨表兄弟姊妹亦可结婚，其实与从父兄弟姊妹无异；惟其重男系而不重女系，故同姓不可结婚，而异姓则可以结婚，此则中国结婚之习惯所由来也。同父兄弟姊妹结婚之事，乃人类全体之所避忌，此俗不知其所自来。说者谓人类自觉与同产结婚为可耻，此人类

之所以异于禽兽也。从父兄弟姊妹与中表姨表兄弟姊妹之不宜结婚，则自兄弟姊妹不可结婚之义而推广之。余观清律有不许中表姨表兄弟姊妹结婚一条，违者杖八十，离弃，乾隆时乃以上谕准民间之自由。要之近亲不宜结婚，乃人类学之所示：“男女同姓，其生不蕃”，吾国古代之人已发明此理矣。中表姨表兄弟姊妹之不宜结婚，亦根据此原理；但问血族之有无关系，不问其为男系与女系也。据人类学者之所言，谓近亲结婚者其所生子女多发癫痫之病，与中人所言男女同姓其生不蕃之说相合。中国人以娶外孙女为孙妇者为“骨肉还乡”，亦颇以为嫌，谓其不利于生育也。又有甲家嫁女于乙家，而乙家复嫁女于甲家者，在甲家则甲家之女为姑，而乙家之女为嫂，在乙家则乙家之女为姑，而甲家之女为嫂，俗谓之为对门亲，亦有人谓其不利者。大抵结婚以择新为善，可以增阅历而联社交；电学公例同极则互相拒斥，异极则互相吸引，物理有之，人道亦然，此理甚长，请更端以申其说。

**三十一日** 农业之国易于发生家族主义，工业之国则易于破坏家族主义，盖务农者多土著，“死徙无出乡，出入相友，守望相助，疾病相扶持”，此同宗之人所以能永久相亲也。务工商者轻去其乡，同宗之人天各一方，会晤少而音问稀，情自同于陌路，此比较中国家族制度与西洋家族制度者所不可不知也。

余屡言中国家族主义之有利有害，今将复纵论之。周官曰：宗以族得民，相生相养，相维相制，民情乃不涣散，而有安居乐业之风，此中国家族主义之长处也。人各私其亲，驯至以私灭公之弊，家族主义过重，则国家主义社会主义因之而有所妨害，此中国家族主义之短处也。恃有同宗之助，长族人倚赖之心，使民性堕落，国力减损，此又中国家族主义之短处也。无赖之人，以亲亲之大义强索同宗之救助，使个人不能自由享受其财产；良善者受其蹂

瞞，不肖者肆其凶橫，此又中国家族主义之短处也。聚族而居，自为风气，难于进化，此又中国家族主义之短处也。此事可以余族之事实证之：余家来自蒲塘，现在族人仍以聚居蒲塘者为最多；然彼处之人务农者多，读书者少，余族人之能读书明理者，多为迁徙异地离隔本宗之人，此则由于与异姓接触，得新感化，又与同宗隔离，脱旧思想之故。此理与余昨日所论结婚以择新为贵之理相同，亦论家族主义者所不可不知也。

## 八 月

一日 合众家族而成一部落，合众部落而成一国家，广西福建等处，众家族各聚族而居，名之曰张村李村，俨然一部落也。时时有两姓械斗之事，官法难行，羈縻而已。号称能吏者则或举兵剿洗，全村为墟，不谓此等地方立郡县者二千年，而文化犹不得比于内地；盖五岭限隔地理之影响，其大如此。

二日 余久知家族主义之弊，故族人欲办族学，余不愿与闻，盖家族团体与普通团体异：派有尊卑，尊者多以私害公，正义不得而伸也；各亲其亲，私本房而疏他房，公平不得而保也。门内之治恩掩义，门外之治义断恩，诸事徇情，诸事不能认真；故家族团体，共同祭祀，联络情谊，如是止已；欲以家族团体办事，难于收效，不如其已也。

族人公共财产，易生嫌隙；管理之人多侵吞，困窘之人多强索；如投骨于地，适以召群犬之争，不如无此争端，反足以保同宗之和气也。

四日 凡宗族亲戚朋友之间，勿轻于交财，多有以索债成讎者；有田地者不宜与族人亲戚承佃，无赖者或恃亲而租数不清，

或不肯退庄，多有以此伤和气者。

长沙之习惯，卖田立契或载明“尽问亲房伯叔人等，俱称不接”字样，盖因亲房伯叔有买其田之优先权也；此亦家族主义使然。又有兄弟之贫而无赖者，以田产逼令兄弟之富者承受，而强索其善价者，此则家族主义之弊；强暴者恃有亲亲之义而敢于欺凌良善者，论者或专责良善者，使忍气吞声为死不甘心之让步，曰以全亲亲之大义也。噫！此养恶之道也。

尝闻父老言有三种事不宜劝：一不劝兄弟同居，二不劝寡妇守节，三不劝送子读书；此皆阅历甘苦之言也。二女同居其志不同行；兄弟同居，妯娌之间易生嫌隙。且常人难免私心，公事则惟恐所任过多，互相推诿；公财则惟恐所用独少，竟为消费；兄弟同居，其名似甚美，而实则酿种种争端，使全家失其幸福，不如分居之各得其所，反以善保其爱情也。子妇孝事翁姑，乃吾国特有之美风，固不必悉改从西俗；然若姑妇不和，时起冲突，则亦不必勉强同居；以终年吵闹，全无好处也。寡妇守节，必发乎本心乃克有终，劝人守节而非其自愿，或至于丧节败名，则不如改嫁之为愈。子弟有不能读书而可以习农工商之业者，勉强读书，用违其才，或至终身为无业之游民，故皆不可劝也。

一美国文学家著社交论，言“子之择职业与择配，当从其本人之志愿；此二事皆关系其子终身之幸福，不可以父命强之。寻常为父者往往不知此义，以为吾所要求者不过如此，子乃不我从，不孝甚矣；殊不知其所要求者乃其子切身之利害所关也”云云，深切事理，亦为人父母者所当深省也。宜兴黄君时俊为余言，渠初议婚之时，曾有欲娶之女子而其父不欲，乃为之别娶他氏女；渠勉从父命，然至今不喜其妻。其父徇于中国之习惯，破坏其子一生之幸福，恐至今尚不悟其非也。

一夫一妻乃人伦之正道，义宁陈氏有不娶妾之家风，予友陈君师曾，其原配范夫人逝后，遗有陪嫁丫环抚其二子，人以为陈君必纳以为妾矣，卒遣嫁之，亦为人妻，非作妾也。不以婢为妾，既合人道主义，又得齐家之道。二女同居，其志不同行，妻妾同居，难于和好，若买妓为妾，尤于家庭教育有妨。陈氏家风可以为法。

**五日** 结婚乃百年大事，不可不格外慎重；德性、才能、容貌、身体，均为择妇者之所宜注意，而家族之情形，尤宜深悉。性情不善，难与同居；理家无才，不能相助；容貌固不可太陋，身体尤不可不强。至门风根柢，不特有关于其自己之品性，实有关于子女将来之教育；甥舅之交际最密，若外家之风习不良，儿童富于模仿性，遂自幼习染而不自觉，是不可不察也。长沙俗谚云：“讨坏一堂亲，出坏三代人”；亦前辈经验有得之言，暗合遗传之学理；纳妓为妾之所以为不可者即以此也。

奉基督教之人民，一夫一妻，不许纳妾；奉回教之人民，一夫多妻，妻皆平等，不同居，并无嫡庶之别。中国人民可以纳妾，既非一夫一妻，又非一夫多妻；一夫一妻自是公平之制度。中国人重祭祀，重男系，有不孝有三无后为大之说；妻之无出者，或虽生女子而未生男子者，则纳妾以冀生子。今欲改制，必先顾虑此一层，此为保持旧制者最强之理由。人谁不欲延其血统，但势有不能，即亦当安之若命；西人宁无后而决不肯破坏其一夫一妻之主义，因此事大有关于人道也。人皆平等，社会中不应有奴隶一种人；妾亦奴隶之一种也，在社会交际之间，其人格不完全，社会中有纳妾之制，则已剥夺社会中一部分之人权，观俗者所宜深省也。为人妾者多出身微贱，大不合于择妇之标准；且纳妾则对于妻之爱情不专，亦笃于夫妇者所不忍出也。女子则只许一夫，



男子则三妻四妾，已薄待女子矣；甚至有宠妾而灭妻者；夫妇之道苦，亦制度不良之故也。故此制宜改，当此制未改之前，吾人亦宜各守道德，无为此违反人道之事，若义宁陈氏之所为则得之矣。

**七日** 余既言不纳妾之义，又有人丧偶。因既有子女而不续娶者。后妻对于前妻之子女往往缺乏爱情，幼弱之子女受继母之虐待者世多有之。昔范伯子修湖北通志，览节妇之行状，深叹男子能守义者甚少；会丧偶，欲实行此主义，以吴挚甫力劝，乃续娶桐城姚倚云。姚夫人待前妻之子女甚有恩意，并追原配之遗志，善事其穷愁之老父兄，此固家庭之乐事也。若继娶不得其人，则不如不娶之为愈，已有子女亦无续娶之必要矣。又有人主张终身不娶者，如康德即其人也。中国之僧尼道人道姑，西洋之神父，乃实行此主义之宗派。斯固非可以例诸普通之人者。然择配不良，如附骨之疽，貽累终身，则犹不若独身之为愈也。昔有二三士人与一禅僧共话，相嘲以惧内，禅僧曰：座间惟小僧最为惧内，众讶其言之无据，禅僧笑曰：“余惟惧内之甚，故不敢有妻。”此言虽谑，实具妙理矣。

**八日** 借书不还，乃士人之通病；此事似小，实有关于道德甚大。李肖聃借钱硕人书共二本，为友人借失一本，久不能还；去岁在北京琉璃厂购得一部，板本纸张悉如其所借者，乃以还之，已经过十年矣。自谓平日守矜矜之节，幸不以此事坏之。余前在宗祠，有一族长年80还水浒传，云已借去二三十年。前辈作事周匝，有终始，良可效法。

作外大母黄宜人行述，录稿于此。外大母长沙葛桥黄氏女，父澹斋公，以博闻强记著称，长于数学。外大母以前清嘉庆癸酉八月二十一日卯时生，岁壬辰，年二十，适平江石洞向氏，外大



父讳某，字肇昆，乡贤鲁斋公之孙，而永州府儒学教授晓渠公之长子也。外大母于归之后，随侍永州学署。岁丙申四月初七日生吾母。是岁九月，外大父偕二弟赴试岳州，舟过洞庭湖，猝遇狂风，波浪大作。公见前有无量船沉溺，泣曰：“使我兄弟三人俱死于水，父母闻之必将痛悼。”以此悲伤，呼天抢地，遂发心疾，战栗昏迷，长卧不醒，抵石洞旧宅数日而逝。外大父天资英敏，幼学能文，不幸早逝，士论惜之。后数月，外大母闻之，痛不欲生，以舅姑之劝慰，又顾恋吾母，忍死抚之。后自永州归住石洞旧宅，久之乃立夫弟 亭公次子泰椿为嗣，即吾舅父寿吾先生也。外大母上则孝养翁姑，下则爱抚孤女及嗣子，贞固之节，久而弥坚，哀慕之诚，老而犹笃。鲁斋公固理学名儒，继起者守寒素之风，尚诗礼之教；外大母精勤节啬，有艰苦卓绝之行，早眠早起，终身不暮食。少壮之时，夜不点灯，早携吾母就寝，所节油资并积贮之。勤于纺绩，常服嫁装皆取给焉，有余布则复售之。吾母幼时仅有外衣一袭，时或浣洗，则棉袍单露，瑟缩可怜。方吾母之于归也，新春归宁，吾父偕往；入夜或煨薯芋以当晚餐，吾父怡然，顾甚乐之。凡此琐琐，昌济悉得之传说，即此可以想象外大母当年之状况矣。常训后辈曰：穿不穷，吃不穷，没盘算一世穷。此外大母立身治家经验有得之言。其母家之弟妇儿女有秉承懿训，因知作苦之道者。外大母初承受遗产之时，岁入谷仅数十石，经数十年之辛勤储积，后乃岁入谷三百余石，所以资遣吾母者又甚丰，呜呼难已！外大母与吾大母本为同胞姊妹，吾父讳某，字书樵，廉直温厚，积学不第，外大母爱重之。吾母恭让仁慈，孝友勤俭，天性之厚，里党同钦。生吾兄昌运、吾姊与吾及吾弟昌恺。会以痰厥逝，吾外大母哭之；舅父始娶郑孺人，生四女而卒，吾外大母又哭之；后吾父以肺病逝，吾外大母又哭之，而其悲吾母

也尤至。幸舅父续娶童孺人，生三子一女，含饴弄孙，足娱暮景。外大母素康强无病，以光绪丙申十月十九日卯时无疾而终，时年八十有四。先是同治时，舅父已为外大母诰封宜人旌表节孝如例。童孺人已前卒，郑孺人所生四女，长适平江锺氏，次归于我，三适平江江氏，四适长沙黄氏。童孺人所生三子：某、宗武、某，某出继，均已娶妇能自立。舅父今年七十余，犹康健，有孙男女数人。昌济书外大母行述既，乃谨书其后。语云：节孝之后，必有达人，外大母苦节如此，舅父复以厚道承之，其子孙之方兴未艾，可豫卜也。昌济八岁失恃，十四岁失怙，幼承外大母之爱甚，至吾父母之恩又不待言，述吾外大母事，思慕亡者，不胜风木之感也。自省粗有知识，实本于家庭之教育，祖父之遗传，外大母之余泽，不独荣其本枝，且有以及其所出，可不念哉！吾考吾母之世系，上溯至鲁斋公，又以见君子之泽，源远流长也。书此以示二家子弟，俾于先世有所考焉，此则区区之微志也。民国三年甲寅八月，长沙杨昌济谨述。

**十八日** 连日患咳嗽吐痰，闭居静养，日记亦间断数日矣。在家常不外出，客至者亦甚稀，静中滋味甚长也。黄梨洲讥侯朝宗之不耐寂寞，盖不耐寂寞者无自得之乐，而有荣华之慕者也。王船山诗广传引申哲人之愚之义，而论魏无忌阮嗣宗诸人之不能自安其心，正得此意。

**二十二日** 昨日由乡间进城，居黄泥墩寓所。学校开讲之期尚未定，幸免旷课，可以无疚于心矣。

读曾文正公家书，言其所居之屋有房十八间，每月行佃京钱三十千文，每月用大钱十五千文，又银十一二两；即此可想象当时京官之生活程度。

**二十三日** 宾客稍众，便有厌烦之心，此是涵养有未至处。

**二十五日** 自明卿处取到新购之东文教育心理书，大可研究，以后拟逐一细心阅览一过，现从槇山荣次教育教授之新潮看起。

余留学英国，槇山氏则留学德美二国，其所考察可以补余之所不及。余留学欧洲四年，槇山氏留学欧美仅二年有半，而其所得较余为多，使余滋愧。盖槇山以学成之人留学，其所得自宜较多也。

槇山氏言德国教育学说甚盛，然实际从事教育者则颇慎重，不轻于采用新学说；美国人则采用新学说过于勇往，两皆有弊，日本则似美国云云。余在英国，观其实际之教育亦甚为保守；窃意德国新兴之国富于进取之气象，当不如是；阅槇山氏所言，乃知英德亦颇有相同之处也。

**二十六日** 昨日仅看教育教授之新潮二章，仍抄曾文正日记，欲在一月以内抄完，亦文正一书不完不看他书之意也。

修身讲义乙一从达化斋日记讲起，乙二从吕新吾呻吟语天下事只怕认不真起，丙一从吕新吾呻吟语天下无难处之事起，丙二从吕新吾呻吟语今之人只是将好名二字坐君子罪起，丁一从卫生余近阅日本医学博士北里柴三郎肺之健康法起，丁二从卫生又有一友人既不能节劳又不能忘忧起，豫二豫三从达化斋日记物之轻重起，豫一从达化斋日记起。

**二十七日** 从二十四日起，始教开慧读唐诗三百首。

**三十日** 明日即将开讲，当提振精神，力求教授之有效。

**三十一日** 有所爱则有所不爱，意在施爱于一人而反以结怨于他人，此不可不加深察也。吾本欲施爱于一人，而其人或滥用吾之爱情，致使我灰心而减其爱，则施爱反以减爱，故君子重用其爱情也。

## 九 月

**一日** 此后仍当以运动深呼吸不偃卧为功课。

刘少少新解老曰：天之常理在于救物，而欲救之根必发于慈；诚思天下众生皆在我卫救之中，是其大勇之慨，岂区区拔山盖世之比哉！余尝有言，世间能行道德者，人类之至强者也，即是此义。盖能杀人者非真勇，能救人者乃真勇也。

**二日** 新解老曰：民至老死不相往来，或有诘余者曰：如此国与民简陋太甚，有何益处？余应之曰：如此国与民简陋虽甚，有何害处？依老氏主旨，凡事无求有益，但求无害；须知地球没日，简陋繁盛同归澌灭，今之轮舟电车气球飞机者，亦徒供地球破灭时之尘末耳。物质文明又焉足以吓我？更安足以吓老子哉！余批云：此可见著者之怀抱。

昨日复续抄曾文正公家书。已间断者数日矣。颇以自喜。

**三日** 新解老曰：无为无不为一语，乃老氏之真谛；浅薄者解释黄老家言，大抵仅发挥无为一面。不知无为二字，不善体会，便流入废弛疏懒之弊；必得无不为三字，其义方足。盖无为即不自造作，无不为即不自退避；若寻常隐逸之徒刻意退避，不独不合无为之旨，且自心刻意不为，即属有为，并非无为矣。如土地然，自然之道在平而已，使用力掀土如坟固属有为；倘用力掘之成阱，亦非无为；惟贵复其自然之平而已。

**四日** 新解老曰：待人惟贵恭己无为，而绝对因物，最忌交互施报，计锱量铢。

又云：可知宇宙大原理，凡属有为者皆其自惹困难者也；人苟任天顺物以为生活，不汲汲为此谋生，斯利亦无贪，欲亦无殉，

必无轻死之患，而有乔松之寿。

又曰：不敢亦必须勇为之，即上文果而勿矜之意，即此可知懦弱之无为，非老氏学也。余批云：余尝写日记曰：不任则不能因也，不断则不能留也；正是此意。

又曰：人各有常居处，幸无狎轻其常居；人各有常生活，幸无厌恶其常生。常居常生即分也，狎之厌之即不安其分。不安其分，斯必外犯矣。夫惟安常而不厌，斯常亦自安而无可厌。圣人自知不自见者，即自知而不求他知；自爱不自贵者，即自爱而不求他爱。自知与自见，自爱与自贵，虽似一心，然一则保之分内，一则务之分外；一则守我，一则及人；彼此之分即祸福之别，是宜自知去取也。余批云：此修身之格言，儒家亦无异，此即安土乐天之义也。孔子曰：“好勇疾贫乱也。”所谓不安其分，斯必外犯也。

**六日** 新解老曰：凡事但当消极守其基本之地，决不可积极作其枝蔓之繁。

又曰：人亦知失败何由起乎？有败必由于有为，为多即败多；有失必由于有执，执多即失多。惟圣人知此理，无为则无由有败，无执则无由有失。人纵不能尽如圣人，然为与执亦当力求减少。余批云：以约失之者鲜矣。

又云：圣人以辅相自然为人类最当之天职。

**七日** 甲寅杂志第一卷第三号自觉云：民利不张，国利胡有？民力不坚，国力胡生？民求民利即以利国，民济民力即以卫国；凡言毁民而崇国者，皆伪国家主义也。政力向背论云：二力相排，大乱之道；二力相守，治平之原。

**九日** 余作余归国后对于教育之所感，中有云：欲学生程度之齐一，必自学生自重，不妄干求，学校秉公不徇情面始。余以

投考学校送名条为不合法之事，故于余堂外甥彭家煌考试第一师范学校不为之送名条，幸获取录，余固甚喜。余子开智投考长郡中学校，主试者多为余相知之人，余未曾开口求之，乃竟未蒙取录，或者该校秉公能如余之所希望乎？余固安之，不必为意也。

十日 王壬老此次出山，颇为报纸所攻讦，以其带一仆妇，大肆讥评。王先生容有可议之处，诸报纸亦自低其品格。诗曰：“中冓之言不可道也。”此等事言之亦丑，乃誉之报章，徒使人作三日恶。新闻记者浮薄之习，良可叹息。昔朱晦庵以挟妓事讦唐仲友，至刑讯妓女而不得供词，王船山深不以为然，此君子之所宜痛戒也。

读唐书陈子昂传、裴行俭传、狄仁杰传。县令段简贪暴，闻其富，欲害子昂，家人纳钱二十万缗，简薄其赂，捕送狱中。自箠，卦成，惊曰：“天命不佑，吾殆死乎！”果死狱中。

先是，嗣业馈粮，数为虏钞，军馁死。行俭曰：“以谋制敌可也。”因诈为粮车三百乘，车伏壮士五辈，赍陌刀、劲弩、以羸兵挽进，又伏精兵踵其后。虏果掠车，羸兵走险。贼驱就水草，解鞍牧马。方取粮车中，而壮士突出。伏兵至，杀获几尽。自是粮车无敢近者。

李敬玄盛称王勃、杨炯、卢照邻、骆宾王之才，引示行俭，行俭曰：“士之致远，先器识，后文艺，如勃等，虽有才，而浮躁炫露，岂享爵禄者哉？炯颇沈默，可至令长，余皆不得其死。”

尝赐马及珍鞍，令史私驰马，马蹶鞍坏，惧而逃。行俭招还之，不加罪。初，平都支遮匐，获环宝不贖，蕃酋将士愿观焉，行俭因宴遍出示坐者。有玛瑙盘广二尺，文彩粲然，军吏趋跌盘碎，惶怖，叩头流血。行俭笑曰：“尔非故也，何至是？”色不少吝。帝赐都支资产皿金三千余物，囊驼牛马称是，行俭分给亲故洎麾

下，数日辄尽。

裴行俭字守约，绛州闻喜人。

狄仁杰字怀英，并州太原人。为儿时，门人有被害者，吏就诘，众争辨对，仁杰诵书不置，吏让之，答曰：“黄卷中方与圣贤对，何暇偶俗吏语耶？”

荐授并州法曹参军。亲在河阳，仁杰登太行山，反顾，见白云孤飞，谓左右曰：“吾亲舍其下。”瞻怅久之，云移乃得去。

武后谓曰：“卿在汝南有善政，然有谮卿者，欲知之乎？”谢曰：“陛下以为过，臣当改之；以为无过，臣之幸也。谮者乃不愿知。”后叹其长者。

同府参军郑崇质，母老且疾，当使绝域。仁杰谓曰：“君可贻亲万里忧乎？”诣长史蔺仁基请代行。仁基咨美其谊，时方与司马李孝廉不平，相语曰：“吾等可少愧矣！”则相待如初。每曰：“狄公之贤，北斗以南，一人而已。”

**十一日** 余拟择二十四史中名人列传读之，日阅一二人，用墨笔点一过，其嘉言懿行可为修身科之材料者，则录登此本，或有所感触亦记之于此本。

裴行俭乃唐代之班超。

裴行俭狄仁杰皆山西人，足征山西古来之多人才。

狄仁杰为来俊臣所构，其属王德寿以情谓曰：“我意求少迁，公为我引杨执柔为党，公且免死。”仁杰叹曰：“皇天后土，使仁杰为此乎？”以首触柱，血流沫面。德寿惧而谢。其义烈殊可感矣。昔贼执王船山之父而胁之从逆，船山以刀自伤其肢体，异往易父，遂得俱免，亦其义烈足以感人也。

**十二日** 昨日将曾文正公家书钞完，颇自以为喜，已做成一事矣；此后仍当节钞其家训与日记，拟合刻之，名曰曾氏嘉言。



闻生徒之言似有谓我之教授无味之意，不可不力求进步。

今日看郭元振传、张九龄传、姚崇宋璟传。郭震字元振，魏州贵乡人，以字显。长七尺，美须髯，少有大志。十六，与薛稷赵彦昭同为太学生，家尝送资钱四十万，会有缣服者叩门，自言“五世未葬，愿假以治丧。”元振举与之，无少吝，一不质名氏。稷等叹骇。

**十三日** 姚崇徙同州刺史，先天二年，玄宗讲武新丰。故事，天子行幸，牧守在三百里者，得诣行在。时帝亦密召崇，崇至，帝方猎渭滨，即召见，帝曰：“公知猎乎？”对曰：“少所习也，臣年二十，居广成泽，以呼鹰逐兽为乐。张憬藏谓臣当位王佐，无自弃，故折节读书，遂待罪将相。然少为猎师，老而犹能。”帝悦，与俱驰逐，缓速如旨，帝欢甚。此可见唐人有尚武之风，故能控制外族，为汉族极盛时代。程明道少好猎，后乃弃去不为，自谓已无好猎之心，以之自喜，而宋之国势乃弱于唐。立国不可无野蛮之精神，即此可见。美前大总统卢斯福好猎，手杀猛兽至万余头；余游柏林德皇所居宫，廊壁多以鹿头为饰，皆德皇游猎时所手杀也。此可见条顿民族尚武之精神矣。

姚崇析资产，令诸子各有定分。治令曰：比见达宦之裔多贫困，至铢尺是竞，无论曲直，均受嗤诋。田宅水碾既共有之，至相推倚以顿废。陆贾、石苞，古达者也，亦先有定分以绝后争。按英人皆以遗嘱处分后事，律师为执行之；余前言不必慕兄弟同居之美名，即姚公之意也。

崇尤长吏道，处决无淹思。三为宰相，常兼兵部，故屯戍斥候，士马储械，无不谙记。此诚留心时务，不愧为大臣。唐多能臣，此其势之所以强也。姚崇无迷信，此其大过人处。开元四年，山东大蝗，民祭且拜，坐视食苗不敢捕。崇力主捕蝗，患乃息。



帝将幸东都，而太庙屋自坏，宋璟苏頔请停东巡；崇谓坏与行会，不缘行而坏，请车驾如期行。又不以缘死丧造经象以为追福为然；卓然不惑，可谓有识。其遗令又曰：昔杨震、赵咨、卢植、张奂咸以薄葬，知真识去身，贵速朽耳。夫厚葬之家流于俗，以奢靡为孝，令死者戮尸暴骸，可不痛哉！死者无知，自同粪土，岂烦奢葬；使其有知，神不在柩，何用破货徇侈乎？吾亡，敛以常服，四时衣各一称。性不喜冠衣，毋以入墓。紫衣玉带，足便于体。此亦其无迷信之一端。

张易之诬御史大夫魏元忠有不臣语，引张说为验，将廷辩，说惶遽，宋璟谓说曰：“名义至重，不可陷正人以求苟免。缘此受谪，芬香多矣。若不测者，吾且叩阁救，将与子偕死。”说感其言，以实对，元忠免死。此事与狄仁杰不肯引杨执柔为党正同；仁杰自为之，璟则劝人为之，其义烈之足以感人一也。

宋璟徙广州都督，广人以竹茅茨屋，多火。璟教之陶瓦筑堵，列邸肆，越俗始知栋宇利而无患灾。此亦言中国文明史者所当留意之事。

曾文正谓经济之学，当以能树人能立法为主。余谓改良社会之物质生活，能为百年之计者，乃是真人才。英人用刀叉之习，与壁间安火炉之制，始于女王伊利查白时代，此亦谈文明发达史者之所当注意也。平江昔年有一县令，福建人，始教其民种薯，开后世无穷之利，县人立庙祀之，号曰薯老爷。其称号鄙俚可笑，然其人实可敬服。

闻湘阴统领颢文，喜修道路，带兵驻一地，则督兵修路，环近数十百里之路皆为所改良。现在家居，乃将湘阴之道路修好，此乃真能改良社会之物质生活者。

姚崇字元之，陕州硤石人，宋璟邢州南和人。

姚宋郭皆生于黄河流域，惟张曲江生于珠江流域。

**十四日** 昨夜看郭子仪传、李泌传。

李泌七岁知为文，玄宗开元十六年，悉召能言佛、道、孔子者，相荅难禁中。有员俶者，九岁升坐，词辩注射，坐人皆屈。帝异之，曰：“半千孙，固当然。”因问：“童子岂有类若者？”俶跪奏：“臣舅子李泌。”帝即驰召之。泌既至，帝方与燕国公张说观奕，因使说试其能。说请赋“方圆动静”，泌逡巡曰：“愿闻其略。”说因曰：“方若棋局，圆若棋子，动若棋生，静若棋死。”泌即答曰：“方若行义，圆若用智，动若骋材，静若得意。”说因贺帝得奇童，帝大悦曰：“是子精神，要大于身。”赐束帛，敕其家曰：“善视养之。”张九龄尤所奖爱，常引卧内。九龄与严挺之、萧诚善，挺之恶诚佞，劝九龄谢绝之。九龄忽独念曰：“严太苦劲，然萧软美可喜。”方命左右召萧，泌在旁，帅尔曰：“公起布衣，以直道至宰相，而喜软美者乎？”九龄惊，改容谢之，因呼“小友”。

德宗嗣位，罢内道场，除巫祝，代宗将葬，帝号送承天门，而辇车行不中道，问其故，有司曰：“陛下本命在午，故避之。”帝泣曰：“安有枉灵驾以谋身利？”命直午而行。

郭子仪华州郑人，李泌京兆人，皆黄河流域之人才也。

**十五日** 昨日看段秀实传，义烈之气，直逼狄仁杰与宋璟。

段秀实事高仙芝，仙芝讨大食，围怛逻斯城。会虜救至，仙芝兵却，士相失。秀实夜闻副将李嗣业声，识之，因责曰：“憚敌而奔，非勇也，免己陷众，非仁也。”嗣业惭，乃与秀实收散卒，复成军。

肃宗在灵武，诏嗣业以安西兵五千走行在，节度使梁宰欲逗留观变，嗣业阴然可，秀实责谓曰：“天子方急，臣下乃欲晏然，公常自称大丈夫，今诚儿女耳。”嗣业因固请宰，遂东师。

此二事皆其义烈足以动人处，正如宋璟之大义责张说也。

李嗣业卒，众推荔非元礼代将其军。俄而元礼为麾下所杀，将佐多死，惟秀实以恩信为士卒所服，皆罗拜不敢害。至诚动物，乃可以驯悍卒，可感也。

孝德荐为泾州刺史，封张掖郡王。时郭子仪以副元帅居蒲，子晞以检校尚书领行营节度使，屯邠州，士放纵不法，邠人之嗜恶者。纳贿窜名伍中，因肆志，吏不得问。白昼群行丐颡于市，有不赚，辄击伤市人，稚釜鬲瓮盎盈道，至撞害孕妇。孝德不敢劾，秀实自州以状白府，愿计事，至则曰：“天子以生人付公治，公见人被暴害，恬然，且大乱，若何？”孝德曰：“愿奉教。”因请曰：“秀实不忍人无寇暴死，乱天子边事。公诚以为都虞侯，能为公已乱。”孝德即檄署付军。俄而晞士十七人入市取酒，刺酒翁，坏酿器，秀实列卒取之，断首置槩上，植市门外。一营大躁，尽甲，孝德恐，召秀实曰：“奈何？”秀实曰：“请辞于军。”乃解佩刀，选老蹇一人持马，至晞门下。甲者出，秀实笑且入，曰：“杀一老卒，何甲也！吾戴头来矣。”甲为愕眙。因晓之曰：“尚书固负若属耶，副元帅固负若属耶？奈何欲以乱败郭氏！”晞出，秀实曰：“副元帅功塞天地，当务始终。今尚书恣卒为暴，使乱天子边，欲谁归罪？罪且及副元帅。今邠恶子弟以货窜名军籍中，杀害人，籍籍如是，几日不大乱？乱由尚书出。人皆曰尚书以副元帅故不戢士，然则郭氏功名，其与存者有几？”晞再拜曰：“公幸教晞，愿奉军以从。”即叱左右皆解甲，令曰：“敢灌者死！”秀实曰：“吾未哺食，请设具。”已食，旦，“吾疾作，愿宿门下。”遂卧军中。晞大骇，戒候卒击柝卫之，且与俱至孝德所，谢不能。邠由是安。此事较前二事尤难。

初，秀实自泾州被召，戒其家曰：“若过岐，朱泚必致赠遗，慎毋纳。”至岐，泚固致大绫三百，家人拒，不遂。至都，秀实怒

曰：“吾终不以污吾第。”以置司农治堂之梁间。吏后以告泚，泚取视，其封帕完新。

余读狄仁杰与段秀实传而深有感焉。两公皆直道而行，毫不委曲者也。唐世亦非有道之世，乃皆能行得去，则俗所云“社会太坏不得不委曲求全”者，亦只因自己无本领之故，非果势有不得已也。曾文正谓己常守一硬字诀，吾视狄段二公皆能守硬字诀者也。

**十六日** 初，秀实为营田官，泾大将焦令谌取人田自占，给与农，约熟归其半。是岁大旱，农告无入，令谌曰：“我知入，不知旱也。”责之急，农无以偿，往诉秀实。秀实署牒免之，因使人逊谕令谌。令谌怒，召农责曰：“我畏段秀实耶？”以牒置背上，大杖击二十，輿至庭中，秀实泣曰：“乃我困汝。”即自裂裳裹疮注药，卖己马以代偿。淮西将尹少荣颇刚鲠，入骂令谌曰：“汝诚人乎！泾州野如赭，人饥死，而尔必得谷，击无罪者。段公，仁信大人，惟一马，卖而市谷入汝，汝取之不耻。凡为人傲天灾，犯大入，击无罪者，尚不愧奴隶邪！”令谌闻，大愧流汗，曰：“吾终不可以见段公。”一夕，自恨死。令谌之悍颇出人情之外，乃愧见段公，自恨以死，亦其天良之不泯处。然欲驯悍将，非至诚不能也。建中初召为司农卿，朱泚反，以秀实失兵，必愤恨，且素有人望，使骑往迎。秀实与子弟诀而入，泚喜曰：“公来，吾事成矣。”秀实曰：“将士东征，宴赐不丰，有司过耳，人主何与知？公本以忠义闻天下，今变起仓卒，当谕众以祸福，扫清宫室，迎乘輿，公之职也。”泚默然。秀实知不可，乃阳与合，阴结将军刘海宾、姚令言、判官岐灵岳、都虞侯何明礼，欲图泚三人者，皆秀实素所厚。会源休教泚伪迎天子，遣将韩旻引锐师三千疾驰奉天。秀实以为宗社之危不容喘，乃遣人谕大吏岐灵岳窃取令言印，不获，乃倒

用司农印追其兵。旻至骆驿，得符还。秀实谓海宾曰：“旻之来，吾等无遗类。我当直搏杀贼，不然则死。”乃约事急为继，而令明礼应于外。翌日，泚召秀实计事，源休、姚令言、李忠臣、李子平皆在坐，秀实戎服与休并。语至僭位，勃然起，执休腕，夺其象笏，奋而前，唾泚面大骂曰：“狂贼！可磔万段，我岂从汝反邪？”遂击之。泚举臂捍笏，中颞，流血蔑面，匍匐走。贼众未敢动，而海宾等无至者。秀实大呼曰：“我不同反，胡不杀我！”遂遇害，年六十五。海宾、明礼、灵岳等皆继为贼害。文信国公正气歌曰：“或为击贼笏，逆竖头破裂”，即指此事。与子弟诀而入，盖欲乘机救正，追还韩旻之兵，功实不小，若自始即不肯入，则不能救此急著，舍身入险，忠诚可感。击朱泚而贼众不敢动，其神威足以摄人之魂魄也。庚子年义和团围攻使馆，时端郡王主政，谕各省尽杀外国居留人，许景澄当发行此谕时，易为保护外国居留人，事觉，被杀。其舍身救国，与秀实以诈符追还刘旻之兵相同。余在英国泥北淀时，一英友读许景澄事，未尝不感服也。

**十七日** 闻水口山安源二处习惯皆不好：办事人与矿丁皆以打牌赌钱为乐，鲜能贮蓄者。凡吾国多人聚集处皆如此，如长沙高桥地方，每年做红茶，四乡妇女群集选茶，而淫风颇甚，此家族主义之势力有时而穷也。余因此颇感中国人缺乏宗教，于兴实业亦大感不便也。

省城亦有济良所，收养孤贫堕落之女子而教之；在西人则必以宗教感化之。中国人不重用宗教，觉感化之力亦有所不足也。

### 读李光弼传

李光弼，营州柳城人，父楷洛，本契丹酋长，光弼亦北方人物，其父为契丹酋长，乃大可注意之事。北方民族入中原后，多为汉族所同化，李光弼乃中国历史上有名人物，若不考其世系，

谁知其出自他族哉？李光弼谥武穆，与岳飞同谥，亦有趣味之事。赞称其终父丧不入妻室，位王公，事继母至孝，好读班固汉书，可见豪杰之有资于修养也。尽丧尽礼，乃儒家之所教；光弼以外族之裔，而其实行乃足以愧我种人。余尝谓东西各新兴之国，皆新自野蛮进于文明，故有朝气；中国文化深而腐败甚，反末由力自振拔，正如老世家之子弟气象衰微，反不如拔起孤寒者精神百倍也。呜呼，此可以观世变矣。

**十八日** 英人那尔曼安接尔著一书，言战争之无益有害，其书名曰：“大幻觉”，以常人之论，每曰商务不可无兵力以为后盾，乃幻觉也。其言亦多含真理，今摘译之以充我日记。

“常人每曰日俄战争之结果，日人得利而俄人受损，事实乃反之。日本因战争之结果，乃课国民以重税，日本人须纳其收入三分之一于国家，此为世界从古所无之重税，欧洲各国民所必不肯承认，朝课此税，夕必革命者也。俄国挫败之故，缓其军事上之经营，而用力于财政民政，国富反以稍增；故常人之言皆皮相之见也。”

**十九日** 大幻觉又曰：“普法战争之后，十年之间，法国国富增进，而德国国富倒退；战胜之国，有何益哉？”

常人动曰陆海军强则海外贸易隆盛，然瑞典、挪威、瑞士、比利时，陆海军皆无可言，而海外贸易甚盛，以人口之比例言之，挪威之商务过于英国者三倍，英国在坎拿大地方之商务几全为瑞士人所夺；海外贸易不必陆海军保护明矣。今日之世界，仍是力征经营之世界，但所谓力者乃经营事业之腕力智力，非巨炮与战船之力也。德人多移住于合众国与澳洲，此乃英人之所畏，因其夺英人之职业也（英本国亦为德人所侵入）。

**二十日** 损己而有益于人之事，有时亦可为之，若损己而无

益于人，则智者所不为也。

**二十一日** 余发布“论教育上之养护”一篇于湖南教育杂志，痛言学校饭菜不洁之弊。昨闻长郡中学校校长彭君泉舫颇注意于此事，请一人专任检查食物，时或躬自检查之，此诚吾理想上校长所应为之一事也。闻之甚喜。

德国交通机关之整备，较胜于法兰西与日本，如日本东京京桥之火车站，德国乡僻之地处处有之，一时可运兵二十万人。此次欧洲战争，俄法英皆先发布动员令，德国独后。发动员令58点钟后，即有兵百万运至德法境上，其办事之迅速诚可惊也。德国军用基金均系每年存贮现金，备有事时即日成军之用；法人则皆存于银行，一时收集不来；可见德人处心积虑，无一日不预备战事，故能守如处女，出如脱兔也。

**二十三日** 长郡中学校于每日上午第一次整队时，令全体学生行深呼吸，此诚与鄙见相合。

**二十五日** 日本近日新出之学者有二人：一为浮田和民，一为新渡户稻造。有人谓新渡户氏乃俗学，浮田氏则真有学者之价值，其学说将来必为日本社会中之一大势力。余得其新著之书名曰“新国民之修养”，观其题目，皆余所欲研究之事，想阅之必有心得也。

**二十六日** 感于午亭之言，现在每日早起厉行运动与深呼吸，因思从明年夏天起，当厉行冷水浴。

浮田和民极言日本现在之教育制度断丧人才，其弊在于偏重注入智识主义与画一主义。谓学校之试验，其弊较中国从前之科举更甚；盖科举仅害一部分欲为官吏之士人，日本今日之学校试验则遍害社会中各种类之人也。其持论谓青年处于此恶制度之下，当不以试验之分数为意，课之可缺者缺之，可以迟刻者则不妨迟



刻，省出精力独自研求，务求实益，能不入学校更善。美国现有一种新教育之学校，每点钟教员仅讲十数分钟，而其余则任学生之自修。又有分一班为二组者，上午甲组听讲，乙组自修；下午则乙组听讲，甲组自修，要以养成生徒独学之习惯为主（按长沙之雅礼学校颇得此意）。

**二十七日** 昨日早起行深呼吸较久，写日记乃较平日略长，此便是见效处，此后当厉行之。浮田和民谓发愤做己之所不愿做者，乃锻炼意志之良法，大为有见。

浮田和民曰：“日本之富，每人平均五十元，美国每人平均二千元，英国每人平均三千元。日本外国贸易之总数约为亿五千万元，英本国则为其百零九倍，德国八十倍，法国美国六十倍。比利时人口七百万，面积一万七千方哩，可比日本之九州，而其贸易总额达日本之四倍。瑞士人口不过三百万，而其贸易额比日本多二亿元余，可见日本富力低微。”

又曰：日本现在之政界腐败已极，选举民殆公然为投票之买卖，欲为议员者无论如何要万元以上之运动费。议员岁费二千元，任期四年，仅有八千元之收入，故不能不为堕落政治家。余在英国渥北淀大学习英国宪法，乃知英国从前亦有收买投票权之习惯，一议员须费五万元；近来法度修明，乃禁止之。欲为议员者仅能以演说发表政见，是为其可用之运动手段，而不许贿买威胁。其用于选举运动之用费亦有限制，由运动议员者请一律师支給之，律师负其责任；若有不经由律师之费用，则认为违法。如有贿买威胁情事而得被选为议员者，事发则褫革其议员，且以后七年之内不得再任议员。吾归国后，闻吾国人运动议员之情状，甚为寒心；读浮田和民之所言，乃知其所取法者为日本人。吁！可忧也。

**二十八日** 今早始行冷水浴。



今日文庙丁祭日，邑人相邀前往，以学校有课未往。此事含有三种主义：一则不重宗教之仪式而重宗教之精神也；二则重职务也；三则不愿意去则不勉强去，重自由，贵独立，而戒伪善也。然待邑人似太冷落，此则吾心有未能释然者。

叶焕彬29岁丧偶，未续弦纳妾，独宿至今。

余昨言英国议员事，又有一事可注意者，则英国国会议员从前并不支岁费是也。近日以工党议员之故，给与岁费，然殊不足供其费用，非家有余裕者不能出为议员，工党所选出之议员，则工党补助之。余在滬北淀时，与经济学教习谈及此，渠言议员若给费太多，则将生以议员为生活之思想，竞争因而益烈；不如少给岁费，使为议员者无利可图，庶能得真热心政治之人也。英国地方自治所选举之人，皆尽义务，无支薪俸者，略与吾国之都总团总相同；因其有勤俭贮蓄之美风，故殷实之家多；因其大学发达，学问普及，故晓事之人多；又因其笃信宗教，贵重人格，故正直之人多；选举之不腐败实由于此。历史家谓健全之中等社会，乃国家之柱石，诚哉是言也。

昨日读陆贄传未终，今日乃毕。陆贄苏州嘉兴人，读唐名臣数人之传，至此乃得一长江流域之人才，特表出于此。

陆贄十八第进士，中博学宏辞，调郑尉，罢归。寿州刺史张鑑有重名，贄往见，语三日，奇之，请为忘年交。既行，餉钱百万，曰：“请为母夫人一日费。”贄不纳，止受茶一串，曰：“敢不承公之赐！”此见其少年早达，有节操。

陆贄以丧解官，客东都，诸方赠遗一不取，惟韦皋以布衣交，先以闻，故所致辄称诏受之，此亦其有节操处。

**二十九日** 行体操但须运动筋肉，不必太用力，但轻轻缓缓运动，稍久则感血脉之流通。余今早行体操，试行种种新运动，

觉全身均得运动之机会，较常实有进步也。冷水浴后行深呼吸更好，因浴后则血脉之流通速，而需养素更多也。今试将今早所行之新运动述之于此：一为手指伸缩之运动，二为肩胛骨之运动，三为左右斜向后反身之运动，四为左右斜向后坐之运动，五为足尖画圈之运动，六为跳跃之运动，七为运目之运动。

**三十日** 闻人有不幸之事，拍案称快，此足见其性情之薄。

流水不腐，户枢不蠹，人常劳动则身体健康。晋陶侃为广州刺史时，朝运百甕于斋外，夜运百甕于斋内，正得此意。人有患虚弱之症者，其友人教以玩花百盆，朝夕自运之，不久病遂愈。吾乡陈季原先生曾患弱症，乃每日往山中掘树蕈一个，病亦愈。言及此，又令我联想英国大宰相格拉斯顿之事：格氏每日午时伐树一棵，说者谓此不独有运动身体之效，并有离人独立，休养精神之效也；且每日作一定之事，亦是最好之习惯。

## 十 月

**一日** 袁大总统生日自作一联云：制治保邦，匹夫有责；亡国灭种，时予之辜。

昨日读柳公绰传，始加圈批。

近世汉学家言，薄虚悟而尚实证，夫其尚实证是也。然但求实证于古而不求实证于今，但求实证于文字而不求实证于事物，又岂得谓实哉？此予壬寅年考出东洋试卷中语，今录存之于此。

**二日** 李质卿勤学，客至寒暄数语，即归位用功如故，客去亦不送。马君武亦对客看书。中国闲人太多，造访无时，非如此则不为学。余在省不常赴席，不回看，他人或不能相谅，亦不能顾也。今日读柳仲郢传。

京兆狱有姑鞭妇至死者，府欲杀之。柳公绰曰：“尊殿卑，非斗也，且子在，以妻而戮其母，不顺。”遂减论。柳公绰徙鄂岳观察使，时方讨吴元济。军出，公绰数省问其家，疾病生死厚给之。妇人敖荡者，沉之江。军中感服曰：“中丞为我知家事，敢不死战！”故鄂军每战辄克。中书舍人纆于曩，诉甥刘诩毆其母，诩为禁军校，仲鄂不待奏，即捕取之，死杖下。

姑鞭妇至死而减论，妇人敖荡者沉之江，子毆母而死于杖下，此皆过重伦理而轻视民命，不可为典要者也。西人迷信宗教，焚杀异教徒，亦同此弊。

三日 北京阴沟为明永乐时姚广孝所造，称为世界第一；宽五尺，深八尺，皆以平砖砌成。

浮田和民谓英德争霸，最后之胜负决于扩张军备之实力，即决于国民之生产力，决于国民之道德力。余谓英国民之道德力，生产力，今实有胜于德者，但未知究竟如何耳。浮田和民又谓英德二国皆可云学问独立，英有英之文学哲学科学，德有德之文学哲学科学；世界各国重要之书皆有英文与德文之译本，此乃国家独立之一大要素；如日本，今日尚不得云学问独立也。

柳玘家训曰：“董生有云：‘吊者在门，贺者在闾’。言忧则恐惧，恐惧则福至。又曰：‘贺者在门，吊者在闾’。言受福则骄奢，骄奢则祸至。”又曰：“东都仁和里裴尚书宽子孙众盛，实为名阀。天后时，宰相魏玄同选尚书之先为婿，未成婚而魏陷罗织狱，家徙岭表。及北还，女已踰笄。其家议无以为衣食资，愿下发为尼。有一尼自外至，曰：‘女福厚丰，必有令匹，子孙将遍天下，宜北归。’家人遂不敢议。及荆门，则裴赍装以迎矣。今势利之徒，舍言誓如返掌，则裴之蕃衍，乃天之报施也。”

今日读柳玘柳公权传，又读杜佑杜惊杜牧传。

杜佑迁岭南节度使，佑为开大衢，疏析廛阓，以息火灾。按此与宋璟事相类，但璟功较大耳。

杜佑节度徐泗，决雷陂以广灌溉，斥海濒弃地为田，积米至五十万斛，列营三十区，士马整饬，四邻畏之。

杜惊尚歧阳公主，公主为宪宗爱女，薨，惊久不谢，文宗怪之。户部侍郎李珣曰：“比驸马都尉皆为公主服斩衰三年，故惊不得谢。”帝矍然，始诏杖而期，著于令。

**四日** 君为臣纲，父为子纲，夫为妻纲。此中国古昔礼教之精神也。一、驸马为公主服斩衰三年。此尊君之义。二、姑杀妇减死。三、子殴母，死杖下。此尊父之义。四、妇人傲荡者沉之江。此尊夫之义。又有故事可以见尊父之精神者：五、有人以官名音同父名，遂辞其官。六、有人以杜佑以前任官因母丧去职，而已有母，遂辞其官。七、有人(李光弼)服亲丧三年，不入妻室。八、有人服柳公绰亲丧三年，不澡沐。九、此皆唐代之风习，以今日之眼光视之，均觉有未安者也。十、后二事乃苦行。十一、人所难能固不能以之为非，然非必如此然后为孝也。十二、佛教罗马教亦多为苦行，乃宗教家之迷信，不足法也。

**五日** 读书如耕种，钞书如收获，日记如春煮。日记乃造观念之联合之功夫，以新观念引起旧观念，合无数旧观念与新观念而成一团，则事理明白而便于记忆。如昨日之日记，所举者凡十二事，而合成一条，即其例也。

**六日** 东西各国语言皆用多音字，中国语言则用单音字。惟其用多音字也，故可以音拼之；惟其用单音字也，故不可以音拼之。中国语言同音之字太多，复有平上去入四部，若以音拼之则易于混惑。故昔人制字兼用形声，亦自然之势也。今人不知此理，或有主张废形声之字而专用音符者，余不以为然。阅耶教徒所著

圣德管窥，文字颇雅驯，知耶教之行于中国颇有进步，予编论语类钞，本欲钞圣贤气象一类，拟仿其编辑之法。

**七日** 兹将圣德管窥之德目录之于此：勇敢、坚忍、温和、愉快、智慧、真诚、谦卑、仁爱、敬虔、圣善、赦罪、大任。

**八日** 阅张生超所钞修身口诀，录一二条于此：自彼达此，必有媒介，声浪以空气，光线以以太，乌合之政党无益于国，只增祸耳。

**九日** 作王君传，录之于此：王君执门名湘珪，湖南宁乡人，年九十，卒于民国纪元前五年。君三岁失恃，为庶母所虐几危，君父鞍掌地方公务，不暇问家事，未察也，赖姑母左右之，得无恙。后君父续娶继母李，性仁厚，抚君如己出，君亦奉之如所生。弱冠娶于黄氏，壮年失怙，君上奉继母，内治家政，外应世变，艰苦乃万状。族人见君终鲜兄弟，晚有子息，以为可鱼肉，与为难，君力不敌，奉母避地，讼三年，得直，乃复归。族人犹时时伺隙寻讎，君一以柔道行之，犯而不校，岁时资给之，族人化于其德，乡党咸服其量。年三十始育一女，三十八乃生子□□，字次仙，时遭家多难，产益薄，君夫妇力作仅能卒岁，而课子读书，不少吝。其后家稍丰，次仙亦成名，且授室矣。君以家政委子妇，优游林下，专以事亲为务。膳必精，衣必美，昏定晨省，先意承志。君继母治家严，偶有小失，督责不少贷；君夫妇拱立俟命，怒霁而后已。有疾则侍奉汤药，不离床侧，自少壮迄白首，数十年如一日。君居继母丧，哀毁骨立，乡邦称之。年六十始抱孙，长孙锡龄，幼聪敏，学蚤成而夭；会君又新丧偶，甚伤之。后又得孙世珍，始稍慰。君年八十余时，精神犹矍铄，如四五十许人，行不须杖，健饮啖，日手一卷，披阅甚速。幼孙每从游，须力驰乃及。是时家道颇裕，君安享天伦之乐，众方冀其寿及百龄也。

岁丙午，次仙不幸先君逝，君悲伤憔悴，次年亦卒，时丁未正月十六日也。前晚犹凭几看儿童放花爆，顾而乐之。清晨集家人病榻前，处分后事甚悉，并力疾书勤俭孝友力田读书八字，掷笔而逝。君素慷慨，喜济人之急，贷券盈篋，临终时命取篋至，择其无力偿还者命焚之，恐留为后累也。呜呼贤已！君孙世珍肄业省立第一师范学校，以行述来属为之传，将以刊之谱牒，故为传之于此。

论曰：吾泛览东西各国，还观吾国族制甚为特异，或者深慨其弊，欲有所变革，如王君之所遭，宁他国人之所能任受耶？或曰：家族制度乃维系人心之具，可代泰西之教会，是又未可决然弃之也；要在去其弊，存其利而已。观王君之行事，可谓敦笃，此后生之良范也。根本深厚，神明不衰，呜呼！可感也夫。

文生士员修身笔记，录数条于此：人须模仿自然，应用物理以利人事，仪礼有士相见礼，古人交友郑重可知。英人权利思想发达，视己屋如城，非有邀请及介绍不得入其门，警察亦无故不得入其门也。吾人抱实用主义改良物质生活，庶可救空疏之弊。火车行时不可自窗抛物于外，盖虽微物，若抛于地，亦必传火车之力以坠下，或至伤人。有力不患不发达，如竹长而破岩石，其力为何如也？人生不能无体欲，然有理性，不以耳目口体之欲丧其仁义礼知之心，则大矣。宇宙内事皆吾性分内事，则自我大矣；非争权攘利之自我，乃济物利人之自我也。佛面壁十年，始有所悟；摩西独游沙漠十余年，创犹太教，为耶教之预备；王阳明谪黔边，始悟良知之旨。科学通显，哲学通微，超现象之外而研求本体；孔子传六经，汉儒守师说，宋儒反动，以良知判断，如路德之创新教；宋儒之大有发明，佛学之功也。盖佛理广大精深，所谓深思者也。至元明墨守宋说，言心言性，弊在空疏，始有顾

亭林之反动。亭林之言曰：“博学于文，行己有耻。”（博学、力行均备，但无深思）又曰：“子罕言命与仁。”“夫子之言性与天道不可得而闻。”诋宋儒之末流，但言允执其中，而不言四海困穷；或者则诋宋儒之面壁虚造，而汉学又兴，似西洋之文艺复兴。然汉学之弊在于琐碎，宋学按之宇宙公理，本之良心断断，非无证也。博学（包审问）深思（包明辨）力行三者不可偏废；文学有益于修养，通科学可以扫古代之迷惑，书报可拟望远镜。道德之原则，一弃小全大，二克己爱人，社会进化为螺旋的，若人我利益平等，不可损己益人以养奸。

#### 今日读裴度传

都城东西冈六，民间以为乾数，而度第平乐里，直第五冈，张权舆（李逢吉党）乃言：“度名应图讖，第据冈原，不召而来，其意可见。”欲以倾度。天子独能明其诬。

汴宋观察使令狐楚言亳州圣水出，饮者疾辄愈。度判曰：“妖由人兴，水不自作。”命在所禁塞。

帝纵弛，日晏坐朝。度谏曰：“道家法：春夏蚤起，取鸡鸣时，秋冬晏起，取日出时。盖在阳，胜之以阴；在阴，胜之以阳。”

上所录前二事，可见吾国人之多迷信；后一事则可见道家言于唐代甚流行也。

裴度河东闻喜人，亦北方之豪杰也。溢文忠。

十一日 读嘉纳治五郎中学修身书，摘录其精语于此：学校之规则云：虽不存于规则中之事，苟为学校之习惯，亦当重之。日常之规律云：达尔文少年在学校寄宿舍之时，外出惟恐误门限。受教与自修云：富兰克令受学校之教育者仅二年，自8岁至10岁。读书云：食物不消化无其益，初学者宜熟读少数之良书；多读而流于浅薄，易乱精神。饮食云：宜为生而食，勿为食而生；饥死



者少，饱死者多。饮食之时，宜慎礼仪，饮食宜有节制，此人之所以异于禽兽也。人品可于饮食之时验之。山崎暗斋幼时，受“鹰饥不摘穗”之庭训，持志至高，尝于游戏之际泣云：糖食非所欲，无艺乃可悲。运动云：有规律之运动之永续强壮长寿之基也。清洁云：清洁与华美异。

今将嘉纳氏修身教科书目录，钞之于此。第二本未在此。

第一本 立志 学校之规则 日常之规律 受教与自修 读书 饮食 运动 清洁 起卧 身体 服装 物品 金钱 容貌 动作 言语 娱乐 父母及祖先 兄弟姊妹 师长 朋友 学校 社会 皇国

第三本 人生 身体之修养(上下) 智能之修养(上中下) 德性之修养(上中下) 恭俭 勇气 忍耐 克己 诚实 宽恕仁慈博爱 正义 节操 敬爱 公共心 目的 事物之判断 平时与变时

第四本 皇位 皇室 皇祖皇宗 国 国体 臣民 家 祖先 亲 兄弟姊妹 夫妇 亲族 合同之精神 秩序 风俗 公益 职业 财产 名誉 权利义务 人格 国交 与外人交际

第五本 国民生活 国性 我国性 我国性之由来 敬神皇德 忠孝(上下) 忠君与爱国 忠君之要道 爱国之要道 我国性与立宪政体 国运之发展 武勇 仁爱 清洁 廉耻 外国文明之同化 关于教育之敕语 现代国民之任务

第二本 志气 志气之养成 谨慎锻炼 勤勉 勤勉之工夫 完成素质 节制 廉耻 自赖自立 自重 服从 礼仪 信实 责任 报恩 亲切 协同 孝行 友爱 忠君 爱国

**十二日** 与多数人家共住一大宅，因各有婢仆，易生弊端。

**十三日** 为生徒言，余往年曾作静坐工夫，始则数息，继则



以心随息出入，终则以心游于四体之中，想象血脉流动之乐；因引心要在腔子里，主人翁在室否，以证将心收于身内之说。

**十四日** 昨为生徒讲孝友睦姻任恤之风，乃社会之元气，因言近人夫妇之爱亦薄，有在外国留学与外国女人结婚而弃其室家者，此皆浇薄之风，不可为训。昔汉光武欲令宋弘弃其妻而尚长公主，弘以“贫贱之交不可忘，糟糠之妻不下堂”对，可谓丈夫。黄永歆于富贵，欲弃其妻而另婚高门，其妻乃对客尽发其隐恶而去，永由是坐废。亦后世之炯鉴也。

**十五日** 为生徒说达化斋日记天地之大德曰生一段，因言戊戌岁曾在南学会发一问，谭复生答云：“于圣贤微言大义晦盲否塞之秋，独能发如此奇伟精深之问，此岂秦汉以下之学者胸中所能有哉？兹事体大，余亦何敢论断；总之以民为主，如何可以救民，即以如何为是，则头头是道，众说皆通矣。”以民为主，乃余记此段之主旨。梁任公保教非所以尊孔论，谓教不须人保；谭复生仁学言教不得亡，教而果亡，即亡亦无足惜，皆透辟之语。又云：章太炎于民报曾作一文，力主排满之义，谓义应如此，不当复计利害；最后二语云：划类赤族，竟伸其志可也。可谓壮烈！不必有是事，不可无是言。昔荷兰为敌所攻，欲决堤自沉其全国，敌军为之退却，此历史上之美谈也。迦尔达俄为罗马所灭，无一降者，遗民尽为奴隶，史家谓为名誉之灭亡。读湖南公报明耻篇，不禁慷慨太息。

#### **十六日 十七日 读韩愈传**

愈邓州南阳人，乃中原之产。

愈生三岁而孤，随伯兄会眨官岭表。会卒，嫂郑鞠之。后嫂郑丧，为服期以报。凡内外亲若交友无后者，为嫁遣孤女而恤其家。与人交，始终不少变。此可见其性情之厚。

愈曾为袁州刺史，袁人以男女为隶，过期不赎则没入之。愈至，悉计庸得赎所没，归之父母七百余。因与约，禁其为隶。按昌黎作柳州罗池庙碑，述柳宗元治柳州时事，近与此类，今附录之于此。碑文云：“先时，民贫以男女相质，久不得赎，尽没为隶。我侯之至，按国之故，以佣除本，悉夺归之。”又昌黎柳子厚墓志铭亦载此事，其文稍详，云：“子厚得柳州，其俗以男女质钱，约不时赎，子本相侔，则没为奴婢。子厚与设方计悉令赎归。其尤贫力不能者，令书其佣，足相当，则使归其质。观察使下其法于他州，比一岁，免而归者且千人。”放免奴婢，为近世人道主义论者所极力提倡之事；北美合众国因解放黑奴之故，致惹起南北战争，此近世一大进步也。韩柳二公同为唐代古文大家，生时交谊甚笃，而其莅官治民，各有此有益人道之举动，此亦可注意之事也。

柳州罗池庙碑，记子厚柳州之治迹有足观者，如云：“凡令之期，民劝趋之，无或后先，必以其时。于是民业有经，公无负租。”又云：“嫁娶葬送，各有条法。”又云：“大修孔子庙，城廓巷道，皆治使端正，树以名木。”又云：“柳侯为州，不鄙夷其民，动以礼法。”柳子厚墓志铭亦云：“因其土俗，为设教禁。”此皆儒家作吏之良范也。能养成民间守时之习惯，能使民间生业有经，能注意于风俗习惯，以礼让为教，能尊崇孔子以端风化，能修道树木改良物质生活，如此方不愧为民之父母。在唐时如袁州柳州等处，风化皆不甚良，能民间风俗进步则有益于社会进化者不少，此皆可录之事也。

**十八日** 昨至长郡中学校校董会。闻长郡旧有书院在天心阁下，亦名城南书院，后移至现在之第一师范学校，乃改为省书院，后改城南书院为中路师范学堂，长郡旧书院之产遂归之于长郡中

学校。

镇州乱，杀田弘正而立王廷凑，诏韩愈宣抚。愈至，廷凑严兵逐之，甲士陈廷。既坐，廷凑曰：“所以纷纷者，乃此士卒也。”愈曰：“天子以公为有将帅材，故赐以节，岂意同贼反邪？”语未终，士前奋曰：“先太师为国击朱滔，血衣犹在，此军何负，乃以为贼乎？”愈曰：“以为尔不记先太师也，若犹记之，固善。天宝以来，安禄山、史思明、李希烈等有子若孙在乎？亦有居官者乎？”众曰：“无。”愈曰：“田公以魏、博六州归朝廷，官中书令，父子受旗节，刘悟、李祐皆大镇，此尔军所共闻也。”众曰：“弘正刻，故此军不安。”愈曰：“然尔曹亦害田公，又残其家矣，复何道？”众灌曰：“善。”廷凑虑众变，疾麾使去。因曰：“今欲廷凑何所为？”愈曰：“神策六军将如牛元翼者为不乏，但朝廷顾大体，不可弃之。公久围之，何也？”廷凑曰：“即出之。”愈曰：“若尔，则无事矣。”会元翼亦溃围出，廷凑不追。愈归奏其语，帝大悦。按此事可见昌黎之有胆有识，义烈感人，不愧段秀实也。

韩愈因谏迎佛骨贬潮州刺史，既至潮，以表哀谢曰：“单立一身，朝无亲党，居蛮夷之地，与魑魅同群，苟非陛下哀而念之，谁肯为臣言者？”马援因求见光武言图隗嚣之策，上疏曰：“臣援自念归身圣朝，奉事陛下，本无公辅一言之荐，左右为容之助；臣不自陈，陛下何因闻之？”此二事皆可见古人特立独行之气象。

方叔章送汤公介南归诗云：世乱谁相恤？怜君拟暂归。十年成断梦，九月尚单衣。老树乌号急，西风雁影稀。犹余双鬓绿，好更惜芳菲。

**十九日** 阅熊萧二生日记，知船山学社切实讲船山所著之书，此事深惬鄙意。刘艮老之绪论亦甚平实，青年肯往听讲，必有益也。

二十日 梁碧园丁母忧，其哀启云：先母平时之教不孝兄弟也，随时随地不易其方，万绪千端难以悉数，大要不外平实二字，而尤以不妄语为本。尝曰：“自己受不得的总不教他人受。”又曰：“凡事做不到的就不要说。”对三四龄小儿皆曰：“不要说谎。”其施教之法，于最幼者主奖励不主束缚，于稍长者主感化不主督责。

又曰：先母性好佛学，而不以流俗迷信为然，日持金刚经准提咒。尝曰：“佛学术真如，真如者吾心之虚灵而已。”每日焚香静坐，收摄心神，敬畏生而妄想灭，即是佛学；膜拜求福无益也。与不孝等言，常有禅理。见不孝等阅小说书，曰：“世界非真，何为更假？”有病，见不孝等以为虑，则曰：“病者非我。”其解悟多类此。

二十一日 孙尧卿漫游欧洲，归至上海，语人曰：“人第知德国陆军之强，而不知其所以强；盖军人之大忌在于骄，德国训练陆军，无在不欲减除其骄气。他姑无论，即以最小之事证之：幻灯之戏各国靡不有之，然各国影片关于战争之事咸饰以本国胜而他国败，德则专演本国之败状，使军人祛骄矜之气，有警束之心。无论何国军官，凡服军服者途遇士兵无不立即行军礼，故甲营之长官可以指挥乙营之兵士，指臂相连，不分畛域。今日以甲统驭之可，明日以乙统驭之亦无可，盖兵士咸以国家为前提，只知道有国，不知其他。此次战端一开，政府动员令甫下，一星期间，即召集560万人，行动之敏捷，诎不可惊乎！大炮一项，经60余次之改良；火药一项，经80余次之改良。其枪炮厂官办者固多，私办者尤见进步。现在每月全国可造枪五百六十万支，如克虏伯厂每月出炮四万尊，飞行机每月可出一百只；盖枪炮厂中所雇请专门技师，皆在士官学校毕业。

德首相致美国报馆书曰：“比利时平民遇见德兵，假意款待，

而后用枪刃阴为谋害。比之妇女所居房屋让于德军歇宿，然待其睡熟，即将咽喉割断。甚至德国受伤之兵，身卧疆场不能转移，有眼目被挖之事。”

### 今日读李德裕传

李德裕为浙西观察使，南方信祝巫，虽父母病疾，子弃不敢养。德裕择长老可语者，谕以孝慈大伦，患难相收不可弃之义，使归相晓敕，违约者显寘以法。数年，恶俗大变。又按属州非经祠者，毁千余所，撤私邑山房千四百舍，寇无所庾蔽。改良风俗。

自元和后，天下禁毋私度僧。徐州王智兴给言天子诞月，请筑坛度人以资福，诏可。即显募江淮间，民皆曹辈奔走，因牟擷其财以自入。德裕劾奏：“智兴为坛泗州，募愿度者人输钱二千，则不复勘诘，普加髡落。自淮而右，户三丁男，必一男剔发，规影徭赋，所度无算。臣阅度江者日数百，苏、常齐民，十固八九，若不加禁遏，则前至诞月，江淮失丁男六十万，不为细变。”有诏徐州禁止。此可以考唐代佛教徒之情形。

时亳州浮屠谎言水可愈疾，号曰“圣水”，转相流闻，南方之人，率十户僦一人使往汲。既行若饮，病者不敢近荤血，危老之人率多死。而水斗三十千，取者益它汲转鬻于道，互相欺诘，往者日数十百人。德裕严勒津逻捕绝之，且言：“昔吴有圣水，宋、齐有圣火，皆本妖祥，古人所禁。请下观察使令狐楚填塞，以绝妄源。”从之。此可见唐代之多迷信。

蜀人多鬻女为人妾，德裕为著科约，凡十三而上，执三年劳；下者，五岁。及期则归之父母。毁属下浮屠私庐数千，以地予农。蜀先主祠旁有獠村，其民鬻发若浮屠者，畜妻子自如，德裕下令禁止，蜀风大变。此与韩愈柳宗元事相类，能重人道主义。

宣宗即位，德裕奉册太极殿。帝退谓左右曰：“向行事近我者，

非太尉邪？每顾我，毛发为森竖。”此与霍光骖乘事相类。

德裕性孤峭，明辩有风采，善为文章。虽至大位，犹不去书。其谋议援古为质，袞袞可喜。元和后数用兵，宰相不休沐，或继火乃得罢。德裕在位，虽遽书警奏，皆从容裁决，率午漏下还第，休沐辄如令，沛然若无事时。

李德裕在蜀建筹边楼，所居安邑里第，有院号起草亭曰精思，每计大事，则处其中，虽左右侍御不得豫。此可以想伟人之风度。

李卫公贬崖州司户参军处，寇莱公亦贬崖州，人有诗曰：“八百孤寒齐下泪，一齐回首望崖州。”两公才识不相上下，乃同遭此祸，可叹也。精忠二字，又使人联想岳武穆。

**二十三日** 以焚淫祠著名者二人，唐则狄仁杰，清则汤斌。读李德裕传，乃知德裕亦有毁祠之非经者千余所之事；德裕虽至大位，犹不去书；豪杰之能有所立于世者，未有不自好学者也。

拿破仑有军用图书馆，行军时犹挟书籍自随；欲攻何国，则先取关于该国之书籍观之；故侦探其所阅之书籍，可以揣其兵锋之所向，亦伟人之美谈也。

曾文正在营中读书如常，云借此以养心；胡文忠在军中每夜会讲论语，虽病不辍；刘毅斋为新疆巡抚，请湘潭郭伯庚讲资治通鉴，以师礼事之；此皆近事之可传者。至石勒听讲汉书，又历史上之遗闻也。

**二十五日** 昨读楨山荣次教育教授之新潮，记其所得如此。美国学校重个别教授；德国学校不用瑞典式体操，美国学校则盛行瑞典式体操，亦用德国式体操，德国有特为矫正脊柱弯曲之二分时体操。体操不可连续行之太久，以日中随时行二分钟体操为善。德国学校有矫正吃音之事，于课余为之。美国学校行个别教授之法，以二教员担任一级，一级分为二组，一组受通常之教授，

一组同时受个别之教授。施通常教授之后，教师以问答法试验其理解与否，不能理解者则记其名于纸，而交与担任个别教授之教师。德国学校重练习，不多写黑板，惟以口耳传达知识。

日本陆军方面消息，称德国置于前敌之炮，口径有四十二生的迈当，每一炮弹重九百基罗，每炮服务之人需四百名之多，击远可及二十八基罗迈当(合五十余中里)。

**二十六日** 阅陈生昌日记，载有萧生旭东数语云：“不为我造就我，而为国家造就我；不为我求学问，而为学问求学问。”颇有所见，故录之于此。张子正蒙言道能物身，故大；又言君子之大也，大于道。正是此意也。

某德人自青岛出，言曰：“今在青岛坚留不去之德妇，大抵因其夫从军杀敌，保护城市，不忍独去。迨至今日二军交战之际，到处有用，事事有益。盖彼等妇女治事勤苦，毫无倦容，而又慎密；故无论营中或医院，凡有彼等治事之所，即无可指摘。若以彼等经手之事论，则又不啻兵士之慈母，自调护一切，使无日战沙场之感，而德妇亲手烹调饮食，以飨兵士，尤令人于酒余饭后思之，如在家中随老母饮食焉。”

此外有令人啧啧叹赏不已之事，即德国自愿留居青岛，生死凭天，绝不肯去之幼童也。大者十四五岁，小者不过十岁；传达关系重要之命令，投递信件，司发旗语信号，几无地无事不受其益。近且驾驶汽车迎送将校于前敌矣。呜呼！似此出生入死之少年，不顾性命，专为祖国；凡其所为，皆举世罕见罕闻之事，岂非忠勇可嘉乎！而观其躬临前敌，凛然不可犯之气概，不禁凛然而钦敬焉。

拿破仑一世尝谓恩德华落于敌人之手，即不啻以手枪拟英国之胸，惟恩德华今日尚不得为德海军之根据地，何则？斯歇尔特



河口在荷兰境内，德非侵犯荷之中立，不得使用此河口故也。上三段录之湖南公报。

**二十七日** 余读儿童侦探，中载英国某殖民地为土人所围，儿童亦能助战，此儿童侦探所以当豫教之于平日也。今观青岛儿童所为如此，不知德国平日儿童侦探之教育事业若何，此事尚待调查。

**二十八日** 郑惕予言曾在神户见康南海，时座客二三人，南海方写回信，发回电；然令客各述其意见，勿以其有事而中止。及事毕接谈，则客所言渠已一一听之矣。盖五官并用也。渠深感张文达之知己，云无以报之，拟为作传及墓志铭。惕予谈及张文达生时曾怪其未致一书，南海云：彼时余乃罪人，恐以书贻累文达，故不敢寄书也。惕予又言彼时梁任公亦在座，循循执弟子礼，盖犹前日亲受业时。南海信电稿拟成，即交任公令誉之。

**二十九日** 德军现有四十三生的炮，为以前所未闻，想系开战前临时制造者。其大口径炮之容积，较之普通野炮实有五十倍之大；一弹之价，即普通制品亦须八百元乃至千元。现各国要塞，大概能抵拒二十七八生的之攻城炮。德军中三十二生的之克虏式榴弹炮所蓄甚多，至四十二生的则至多不过五门，此种大口径炮发弹之距离现尚不悉，然三十生的炮已能命中一万三千密达之远距离；以此类推，可以得其近似矣。德军此次所用十六寸口径大炮弹，每枚约重九百基罗格兰姆（约合英国一千九百八十磅有奇），其致远力可及十七英里有奇（约合中国五十六里有奇），炮手须与火炮距离一基罗米达之遥（约合中国二里）。

俄国自与日本战后，颇重视国民教育。现今无论山村僻野，皆有所谓一年学校者，利用农家之闲暇，教彼等至能记姓名，能读新闻之程度为止。自俄德开战后，俄国将俄人所最爱之阿资家



酒及威斯奇酒绝对禁止贩卖；虽每年减少四亿卢布乃至六亿卢布之酒税，亦不之顾。

**三十日** 德奥与俄将有大战，德奥有三十七八军团，俄国约有四十军团。日本人占据山东铁道，并□黄山、博山、坊子三大煤矿。此三大矿皆在山东铁路沿线，坊子一矿沿潍县东方四里之本线，黄山则沿张店分歧之支线；由此分歧点起约五里许即为支线终点，此处即博山矿也。博山与坊子为山东煤矿公司投有资本一千二百万马克，十六年前即已经营业。坊子一矿有一亿吨以上之蓄积，从事员德人三十名，中国人一千五百名。博山矿南北13英里，东西7英里，一日所出之煤有一千五百吨，从事员德人四十名，中国人三千名，合计二矿每年所产在一百万吨以上。

读大幻觉，言主战者谓人性好战，自古至今无变，战争与国民以好教训。其实不然，人性自太古以迄今兹实有日进于善之势，如决斗之恶习，英美人已除之；从前因宗教之故杀人，今则不然；可知世界进化则战争可以消灭。若云战争与国民以好教训，则南美各共和国如委内瑞拉等，无岁不战，其国当大有进步，何以毫无足观（委内瑞拉自独立后已经百二十回之大战）。

## 十 一 月

**一日** 苦鲁得人乃土耳其之东北与波斯接境之苦鲁基斯恒山地中土著之蛮族，称为小亚细亚最古之民族。在太古时代以勇知闻于四方，当十字战争之际，曾固守耶路撒冷，其英勇强悍，足使白人威服不置也。

德国前皇威廉第一在位时，有一离宫在坡疵坦地方；离宫之前有磨房，欲登高远览一切景色，为所障碍。德皇心厌之，传语

磨房主人曰：此房价值几何，汝自言之，可售之于我。孰意磨房主人殊强项，应之曰：我之房基无价值可言。德皇闻之赫然怒，令人将磨房毁去，磨房主人袖手任其拆毁，从容曰：为帝王者或可为此事，然吾德国尚有法律在，此不平事我必诉于法庭。彼竟与德皇构讼，法庭依法判决德皇重将磨房建筑，又赔偿其损失。德皇为法律屈，为人民屈，竟如法庭所判。事后且语人曰：吾国法官正直如此，我之大错，彼竟有胆识毅然判决之，此吾国至可喜之事也。及威廉第一逝世，磨房主人亦歿，其子孙竟致破产；乃上书今皇维廉第二自述拮据，愿将房基售与德皇，并述其先人与先皇之交涉。德皇览之，因手书答之曰：“吾可爱之邻人鉴之：吾何忍使汝弃去此产？汝当竭力保守，传之子孙，使世世常在汝家主权之下。此事与吾国家极有关系，当长留之以为吾国司法独立及裁判公正之纪念。汝今穷乏，我甚矜怜；今赠汝六千元，俾汝偿债。汝亲爱之邻人维廉复。”竟签字付以六千元，此磨坊至今日尚属诸强项者之子孙。录自湖南公报。

余在德国游坡疵坦时，曾见此磨房，时李侗君同游，为余述此事之概略，如上所述者。余因购一张花明信片，上绘磨房主人与德皇使者对答之状，旁并记其问答之辞，携归保存以为纪念。侗君又言：今德皇近岁以退佃构讼，因契约未滿，德皇遂败；可见德人尊重司法独立之精神也。又余在英国坎布立治大学游时，闻一事与此相类。前英皇义德华第七为太子时，曾在恶克斯佛某校肄业，以犯规则被逐；西人之尊重法则不屈于权势有若此者，乃东洋人之所未曾梦见也。余在英国苏格兰地方又闻一事，亦与此类。英国最重个人之权利，视其家如城池然，如属于一家之私道不许他人无故闯入，某地人家有一聚会，英皇太子无入场券而欲入之，竟为守门者所拒。又英文读本载有一事亦大相仿佛：慧

灵吞公爵曾率兵行乡中，欲行田间取捷径，为一农家小儿所拒，遂于道避之。英人之讲公德，不恃强欺弱如此，真可敬也。

今将明信片中的德语录之于此

Hriedaich A Gn

Ich frage hn of ar d e miihle welehe mich mit bram  
Gekrappeh Tach und Nacht Strt feitde hmeu Will Oder Weo  
Shtonstrdeich Gewalt anwenden Iaesen.

miiller

majestat vorzechen die miihre is tmir Wet und laut  
Nakunde Eqstiick meiner Forfchren au hginge es wohl Wenn  
Wis in Ceelin Rein Kammer gericht hatten.

又湖南公报载有欧洲归客谈云：德国此次战争所用军器，惊天震地。兹将其所有奇异军器分志如下：

1. 火车轴。各国路轨宽窄互异，甲国火车不能在乙国路轨上行驶；而德国此次交战，所有之火车车轴系属涨缩自由，无论路轨宽窄皆可行驶；故德军往来神速，每出英法俄意料之外云。2. 夜战炮。视察距离最远敌人之情形，普通以望远镜济目力之不及，然在白昼则善，至夜间则无所措手矣；此次德国对于夜间战争，每用一种夜战炮以补望远镜之缺点。夜战炮发弹时能自然生光，及落地后光明照耀，能继一小时之久云；故每逢夜战，英法俄联军即归失败云。3. 击飞艇炮。各国所用之击飞艇炮每苦于弹力之不及，而德国所用之击飞艇炮能增加其速度及弹力，故英法俄联军飞艇时被击毁云。4. 攻城炮。德国新发明之攻城炮为英法俄联军所未有，其炮高约六尺余，所用子弹异常重大，每丸约需80人之力方可移动；而德人全用机器，常以三人行驶此炮云。5. 战舰。英国于未开战以前，调查德国特别战舰仅十艘；及至开战，实有

70余艘，故海战德国亦占优胜云。6.商船。德国商船，普通上层纯系商船形势，下层皆有军用器械，与战舰无异；故德国此次开战，战舰实无确数云。

二日 槇山荣次教育教授之新潮云：温脱倡意的心理学，此说出于叔本华，而与海尔巴特派之心理学异。先温脱而倡之者则抛尔曾也。日本元良勇次郎译温脱之书，接门斯乃美国哈华德大学之名誉教授，又有德国闵斯特尔伯伯尔希，承接门斯之后，现为哈华德大学心理学教授，皆倡意的心理学。温脱主张类化说，然与海尔巴特之类化说稍异；对类化说者有联合说，而在类化说与联合说之中间者，更有活动说（暂记其名目如此，俟他日详之）。

四级一二班教育学拟分作三段试验：第一次试验绪论及目的论，第二次试验教授论，第三次试验训练论、养护论、附录；于试验之前先用问答法研究一次。

今自行研究一遍，拟问题如下：

- 1.卢梭分教育为三种，能列举之欤？
- 2.卢梭所谓自然之教育何也？
- 3.教育有三条件可得闻欤？
- 4.试举教育二字之定义。
- 5.启蒙派论国家及国家之法律及宗教何由而起，其说然否？
- 6.何谓理性的宗教，天启的宗教？
- 7.理性的宗教所信仰者二事，能言之欤？
- 8.启蒙派有三大主张，能言之欤？
- 9.理性果有最上权乎？
- 10.对于被教育者遗传之倾向，教育者宜如何处置乎？
- 11.遗传性与适用性？
- 12.后天的性质与先天的性质？
- 13.人为淘汰？
- 14.试言海尔巴特教育之目的。
- 15.海尔巴特道德之观念有五，能条举之欤？
- 16.何谓有内心自由之观念？
- 17.试言讲义所述教育之第一目的。
- 18.普通教育与专门教育？
- 19.试言讲义所述第二之教育目的。
- 20.科学之慰藉与美育。
- 21.成功者可不必用慰藉乎？
- 22.近日德国美育大兴，有

二理由，能言之欤？23. 哀弥尔果全不受社会之感化乎？24. 试言生存竞争与团体之关系。25. 试述霍布斯对于社会启源之意见。26. 若吾人所属社会与社会之间有冲突之时，则吾人当谋何社会之利益乎？27. 为人类全体需以国家为牺牲乎？28. 组织社会无意识的原因有二：一、为本原的原因，二、为派生的原因，能言之欤？29. 牺牲个人之利益与牺牲个人之主义？30. 个人主义与利己主义？31. 试言英人之性格。32. 英人之特长显于英人之教育制度，何谓也？33. 何谓社会的教育学与个人的教育学？34. 个人与社会之关系，果同于细胞与有机体之关系乎？35. 社会心果何物乎？36. 自古至今教育学说之中，偏重社会一方面者有几人乎？37. 海尔巴特亦置重于社会的方面乎？38. 主张极端之个人的教育说者何人乎？

三日 昔晋韩宣子欲买郑商人之环，商人不欲，乃商之于子产，欲以政府之力强迫之出售。子产拒之，谓其政府曾与商人有约，不得强贾也。此亦吾国历史上之美谈。此事含有二种主义：一则对于强国之要求不肯屈服也，一则对于国家之约法不敢违犯也。子产变政，本以专制之手段行之；然如不毁乡校，与不犯民约，可谓能得立宪之精神者。

今看教授论，拟问题于下：

1. 训练与教授有如何之关系乎？2. 何谓教授上之实质主义与教授上之形式主义？3. 试言教授之第一目的。4. 智之兴味与追求的兴味？5. 误解海尔巴特兴味之说而生之弊如何？6. 何谓多方之兴味？7. 海氏六兴味之外，更有何兴味宜养成者乎？8. 何谓直接的兴味间接的兴味？9. 教授之际，能绝不诉于生徒之名誉心乎？10. 为职业而为学问，果可贱乎？11. 教育的教授之批评？12. 何谓三科四科？13. 以外国语为教科始于何时？14. 七自由艺术，罗马时代与中世之时皆教之，但所重因时而异，能言之欤？15. 何谓七骑

士艺术?18.学者之教科与实际的教科?19.十九世纪所轻视者为何  
种之教科乎?20.何谓基础的教科、智识的教科、技能的教科?21.  
习字教授有如何之形式的价值乎?22.教授文法可养成何种之精神  
能力乎?23.学本国之古典,有如何之价值乎?24.作文谈话之形式  
的价值何在乎?25.国语统一之必要?26.学校教外国语之理由有  
二,能言之与?27.教英语法语德语于中学校,其理由果孰为重乎?

四日 家中每用一钱,必登之于簿,月终则总算一回,以知  
此月用去之总数;若用费过多,观此则自知警惕也。每年之终复  
总算一回,此治家理财之法也。余前在日本及西洋之时,每用一  
钱亦登之日记本,每月总计一次;盖理个人之财亦当如是也。

英国之军费仅于九月十六日发行一千五百万镑之财政部证  
券,其中七百五十万镑期限六个月,折算率为二镑十八先令六便  
士五五;他之七百五十万镑期限为一年,其折算率为三镑八先令  
三便士五八。当发行之时,对于一千五百万镑即有四千五百万镑  
之应募,其交纳期限一个月,而能呈如此之好况,可见其国民  
富力之大矣

英兵每人每日用度至十五元,德兵每人每日用度至九元。

湘省所产棉花每年出口,据长岳关成例在一百二十万上下。

湘省瓷器出口,向例征税百分之二五,现减为百分之一成五。

复看教育学,拟问题如下:

- 1.试列举数学科形式的价值。
- 2.试列举小学之修身教授当注意之事。
- 3.对于中学之修身教授其所当特别注意者为何事乎?
- 4.教育者对于生徒读正科以外之书,宜如何处置乎?
- 5.试言学校图书馆宜分设之理由。
- 6.教育界与学校对于青年读本宜如何处置乎?
- 7.历史事实,时与地之关系何以重要乎?
- 8.试言博物科形式的价值。
- 9.同时教科之数,宜少乎抑宜多乎?
- 10.试评开化史的段阶主

义。11.试评中心统合主义。12.试验段阶教案与图周教案之得失？13.何谓方法的单元？14.何谓专心的作用与致思的作用？15.试言豫告目的之益处与其当注意之点。16.试言五段教授法之大略。17.试言注入的教式与开发的教式之得失。18.试言课题式之利益与其注意。19.试举问答式之种类。

**五日** 郭之奇信言，东普鲁士人拒俄兵侵入之时，妇孺亦能助战，正与余前记青岛情形相同。

**六日** 欧洲战争有出人前日意料之外者：吾人前日以为英德如有战事，必先在海上决一雌雄，乃现在二国皆匿其海军舰队不用，盖有鱼雷而巨舰大炮不足恃也。吾人前日以为英国陆军不过十二万人，今已出兵二十万人，为联军之主力，此二事者皆变格也。

徐东海寿辰，袁项城送一联曰：华发共匡时，四十年金石结交，布衣昆季期偕隐；丹心同爱国，亿兆人钧衡系望，带砺河山祝大年。

**七日** 英人有著论言英助俄攻德为非计者，战国纵横家之所言，可适用于今日矣。

有旅英某君函述各国战争之主因，言除法国为复仇，比国为拒敌之应兵外，如德如奥如俄如塞尔维亚蒙的内哥，皆因欲争一海口，德欲由法境出海比境出海，奥俄亦为黑海之口相竞，塞尔维亚蒙的内哥则注目于奥领之巴斯尼西省，欲于此地求得一出海良港。

德国飞行机有一千八百乃至二千米突之高度。德国亡金之数远过于法。自战事开，德国国内交易除辅币外，主币悉变纸币，然而信用极强，故财政之地位甚固。据贩军火商人言：练最新军火，足可支持十五年之长期，而其水底潜水艇，再历二月能突过



英法所有之总额。又其新式炸药之炸力，亦非英法所能及，以炸药中需水银，现此物翔贵至数十倍。

德军现已占据比利时北海滨之哇斯丹及盎凡尔。哇斯丹至伦敦，轮舟航行十小时即达，实为比国至英伦最捷之径。德国飞船有名维多利亚鲁意士者，曾装载二万九千四百三十人，在八百三十二小时二十二分钟内航行二万九千四百三十海里。德国共有飞船十七只，英国则仅七只。列国飞行事业之发达以法德称最：法以双单翼飞机著，德以徐柏林飞船著。飞机借一种油质运转机器，飞行捷而不能载重；飞船借空气上升，能载重，能行远，然飞行极钝。

#### 八日 青岛以六日陷落。

当未开始攻击之时，闻英司令询问日军神尾将军，七星期攻下之约能否达到？神尾遂召问将官，有答不能如期者，连枪毙二人。续被召者答能如期，始各无言。神尾之决心亦可见矣。

九日 法国发明家奇埃尔明技师，新近发明一种炸药；自经此次试验以后，乃知填塞此药之新炮弹，其破片能化为细碎之片，散布于一千二百米突以内之地域。

军用品之最神奇者莫若法国军队所用发射端披尼特之新式炮；端披尼特乃一种物质，据云凡触之者立即殒命而毫无痛苦。玛恩河之战役中，德军全线之兵士因法军射击端披尼特之结果，均植立而死于濠沟之中，据云死后并未倒地，枪械亦依然在手。

日军此次攻青岛，用口径16英寸之攻城大炮。

十日 近日全未看书，思想界毫无启发；日记除钞报之外全无自己发论之时。昨日发愤看菲希特所演讲学者之天职，即摘译其要语于书之旁幅，因思钞登此本以充篇幅。

欲知何者为学生之天职，必先知何者为人在于社会之天职，



又必先知何者为人之绝对的天职。

纯粹之自我非非我之生产物，因有我与非我之界限，而自我之意识以生；纯粹之自我非与事物无关系，但与他人无关系。

人为理性的动物，彼乃彼自己存在之目的也。

人须常与己一致，纯粹之自我不至自相矛盾，经验的自我则有自相矛盾之时。

汝宜视汝意志之命令为永久之法律。

感觉不自由，然吾人当改变事物使从吾意志之形式，为此不但要意志，并要技能。吾人经验的自我，亦有不合于纯粹之我之形式倾向，亦宜去之；此亦须技能，如此之技能谓之修养。

至善不可分。

意志与永久之意志调和谓之善。

事物与意志调和谓之幸福。

非造成幸福者为善，惟善乃能造成幸福，快感非幸福。

使不合理的自然从己之法，乃人类终极之目的；不绝接近此目的，乃人之天职。完全乃人类最高而不可达之目的，而永远求完全乃人之职。（以上皆非希特学者之天职）

**十一日** 非希特学者之天职云：向一目的而活动，乃理性之标识，有一图案必有一作者，自然由必然之法而进行，理性以自由进行。

自由相互之活动，乃社会之积极的特质，此为彼自己之目的。

每有人对于普通人自己特别之理想；每人以己之理想试验他人；每人求他人合于己之理想。若见他人比其理想卑下，则务引之使高。

于心之竞争，最高者、最善者，恒胜。

由社会之观念而有人类全体之完全之观念，人类全体之完全，

乃一切社会之目的。

社会中之人，其互相需者乃协力而非奴役。自视为人之主者己乃奴也，侮鳏寡者必畏强御，真自由者恒愿他人之自由。人可用无理性之物以达己之目的，但不可用有理性之人。非由己之劳作与努力，无人能成为有德有智有福之人。

社会最高终极之目的，在其一切成员完全之调和与一致；欲接近此目的，非协力不可。使协力之中心愈坚，范围愈大，乃人在社会之天职也。取人为善，与人为善，乃人在社会之天职，无人能十分完全而可不受他人之益，无一有理性之人于我无益。（以上皆菲氏语）

**十二日** 菲希特曰：冲动由经验而始入于意识，又由反复之经验而发展乃成为欲望与要求，非我甚多，无全然同一者；人之品性由自然之影响而异，无二人全然相同之事。一切成员之全然平等，乃社会之目的，个人间接的自社会受完全之修养，此非能直接的受之自然者。人类智能之修养，其目的在使自然服从理性，理性与自然为不绝之奋斗。个人于一事能胜自然，而他事则不能，然社会结合各个人之能力，个人不能为者赖社会之力可以为之。人初但盲从自然而为特种之事，彼但能取自然所与而不能取自然所未与，彼能不失可以修养自己之机会但不能自造机会，尽汝力之所能为修养汝所有之能力，务求其完全而一致，征服自然使合汝之目的。无人宜被他人强迫为一职业或不许为一职业，无人能知他人之能力如彼之自知，强迫人为一职业，社会即失去此人之用，且如此之行为乃不公平之事。无人可仅为自己劳作而不与同胞相接，使己之修养无益于世。人惟在社会之中乃得此修养，此修养乃社会之生产物，乃社会之财产；人若不以其修养供社会之用，即盗去此社会之一部分之财产。我若能有益于社会，则我之

存在乃非枉然，非无目的。古之圣贤豪杰皆为我而劳作，我或能继其大业；若我开始此神圣之事业，则永无休息之时，死亦不能阻止我之活动；故我之存在不为时所限，我乃永生矣。

**十四日** 阅清圣祖庭训格言，钞数段于此：凡人孰能无过，但人有过多不自任为过，朕则不然。于闲言中偶有遗忘而误怪他人者，必自任其过，而曰此朕之误也。惟其如此，使令人等竟至为所感动而自觉不安者有之。大凡能自任过者，大人居多也。

以下汇钞庭训格言之关于满洲风俗者：

冠帽乃元服最尊，今或有下贱无知之人将冠帽置之靴袜一处，最不合礼。满洲从来旧规亦最忌此。

出外行走，驻营之处最为紧要；有人先曾止宿之旧基不可住，或我去时立营之处，回途至此亦不可再住。如是之类，我朝旧例皆为大忌。我朝先辈老人以行走回顾之人为大忌讳。我朝先辈有言老人牙齿脱落者，于子孙有益。太宗皇帝时曾借蒙古字以代清文，后来奉敕谕学士达海修饰蒙古字，加以圈点而撰清文。我朝先辈老者虽未深通书史，然所行奇处极多。即如古有结绳之政，我朝先辈奏事亦尝结带为记。曾有木简竹简书字，我朝今用绿头牌木牌。我朝满洲旧风，凡饮食必其均平，不拘多寡，必人人遍及，使尝其味。朕用膳时，使人有所往，必留以待其回而与之食。青海台吉来时，朕闲话中间问伊等旧风，亦云如是。我朝先辈常言勿轻取笑于人，取笑必然自招。素白之物最为吉祥，佛经中以白为净，故蒙古西番僧众，供佛见贵人，必进白绫手帕以为贽见之礼。且我朝一应嘉庆筵宴桌张亦必用素白布匹以为盖袱，此正古人绘事后素之义也。我朝旧制多合经书古典，满洲例，带马必以右手，牵犬必以左手，礼记即然，如斯类者尽有。满洲人最忌令人扶掖。

以下钞其有关于社会之进步者：

国初人多畏出痘，至朕得种痘方，诸子女及尔等子女皆以种痘得无恙。今边外四十九旗，及喀尔喀诸藩，俱命种痘，凡所种皆得善愈。尝记初种时年老人尚以为怪，朕坚意为之，遂全此千万人之生者，岂偶然耶？朕自幼喜观稼穡，所得各方五谷菜蔬之种，必种之以观其收获。朕丰泽园所种之稻，偶得一穗较他穗先熟，因种之，遂比别稻早收。今塞外之野茧大似山东之山茧，朕因织为茧轴，制衣衣之。外边水土肥美，本处人惟种糜黍稗稷等类，总不如种别样之谷，因朕驻蹕边外，备知土脉情形，教本处人树艺各种之谷。明朝末年西洋人始至中国，作验时之日晷，初制一二时，明朝皇帝自以为宝而珍重之。顺治十年间，世祖皇帝得一小自鸣钟，以验时刻，不离左右。其后又得自鸣钟稍大者，遂效彼为之，虽能仿佛其规模，而成在内之轮环，然而上昃之法条未得其法，故不得其准也。至朕时，自西洋人得作法条之法。

以下录关系洋人之事：

尔等惟知我算术之精，却不知我学算之故。朕幼时钦天监汉官与西洋人不睦，互相参劾，几至大辟。杨光先汤若望于午门外九卿前当面赌测日影，奈九卿中无一知其法者，朕思己不知焉能断人之是非？因自愤而学焉。

**十五日** 今又录庭训格言之关于西洋人者一条：朕虽于谈笑小节，亦必循理。先者大阿哥管养心殿营造事务时，一日同西洋人徐日升进内，与朕闲谈中间，大阿哥与徐日升戏曰：剃汝之须可乎？徐日升佯佯不乐，云：欲剃则剃之。彼时朕即留意，大阿哥原是悖乱之人，设曰我奏过皇父剃徐日升之须，欲剃则竟剃矣；外国之谓朕因戏而剃其须可乎？其时朕亦笑曰：阿哥若欲剃，亦必启奏而后可剃。徐日升一闻朕言，凄然变色，双目含泪，一言

不出。既逾数月后，徐日升独来见朕，涕泣而向朕曰：皇上何如斯之神也？为皇子者即剃我外国人之须，有何关系，皇上尚虑及未然，降此谕旨，实令臣难禁受也。厥后四十七年，朕不豫时，徐日升听信外边乱语，以为朕疾难愈，到养心殿大哭，自怨其无造化，随回至家身故。夫一言可以得人心，而一言亦可以失人心也。

作书与哲子，略：闻汉口商场借款已成，开办在即，此举将为全国市政改良之模范，望以全力注之，勿以为事小不足为也。愚观中国古代政治家如管仲、子产、商鞅皆能经营市政；孔子为中都宰，为鲁司寇，亦注意于市政之改良。而此事却大不容易，非真有本领人无能为力也。愚尝谓能改良物质生活者乃不愧为办事之才，吾兄办事此为第一遭，望努力立千秋之伟业，千万千万。办事须专精须坚忍，目无旁视，耳无旁听；吾兄现办此事，当勿以政局政权为念。嘉富洱躬耕16年，卒成统一意大利之大业；成大功者固不汲汲于一时也。

**十七日** 阅教育研究，觉江苏学界真心研究教育者尚有其人，吾湘则至为寂寥，令人生愧。

江苏省第一师范附属小学校主事俞子夷欧美教育考察中之报告，甚有可观，彼谓我国手工，往往以日本幼年所课者，课诸高学年，与余见相合。

**二十日** 余以前授课，多用讲演式，近日乃欲试用问答式。此次修身科临时试验，拟纯用问答，亦改良教授法之一事也。

拿破仑之战争，虽于二十余年之间举全欧悉为战场，然其时陆军兵之总额不过二百二十万。当时英吉利虽供给欧罗巴大陆抵抗拿破仑诸国之战费，而自1793年至1815年23年之间，战费总额不过十二亿五千万镑；其中7亿镑由于发行公债，其余之五亿五千万镑则仰给于租税及其他之财源。统计一年间之战费，平均不过

五千万磅而已。现今全欧陆军常备兵平时且达四百万人，战时约得二千五百万人。当十九世纪之中叶，苦里米亚战争时，始发明铁甲舰。当时最优等军舰，一艘不过费百万元或百十万元而已；若今日则超努级之最优等军舰一艘，乃须建造费三千万元。即现在活动于欧洲中原之陆军总额计之，恐亦在一千万内外；其所需之战费虽极从少估计，当此开战之初，至少每日必需一亿万元以上。据德国柏林大学教授李萨氏之所计算，则谓德国一年间战费约需六十五亿马克，平均每日约需一千八百万马克；而开战之初约六周间所需之费最巨，约需二十四亿五千万马克，平均每日约需五千八百万马克，约合日金二千万元。

德国自法国得五十余亿法郎之大赔款，法国以二年间尽偿之。

	准备金	法郎	战费	法郎
法	1,897,000,000		法	4,800,000,000
俄	1,745,000,000		俄	未详
德	845,000,000		德	2,500,000,000
奥	642,000,000		奥	未详
英	402,000,000		英	1,000,000,000

德于上之准备金外，尚有四十五年前普法战争时法国赔款六千万之元现金贮在斯巴塔之便利斯塔中，后又增加二倍，见后。苦果米亚之役，英国费七千八百万磅，各国全额费三万一千三百万磅。美独立之役，费一万二千一百万磅。滑铁卢之役，法费二万五千五百万磅，各国全额费达八万三千一百万磅。普法之役，全额费三万一千三百万磅。英杜兰斯哇之役，费二万一千一百九十四万磅，每星期约百五十万磅。中日之役，日本每日费三万磅；俄日之役，日本每日费十万磅。

各交战国财富总额：

英	147,113,509,600	元
德	137,646,282,400	元
法	117,092,236,800	元
俄	100,026,106,590	元
意	43,084,800,000	元
日本	37,523,476,655	元

各交战国一人所有之财富：英二千三百四十元，德二千一百二十元，法二千九百六十七元，俄七百五十八元，意一千三百二十元，日本七百二十五元。

各交战国一人一月之平均所有，英27元3分，德17元6角7分，法24元6角3分，俄6元2角1分，意10元8分，日本5元9角7分。

各交战国之准备金，据各国中央银行开战之前月中旬发表之实数纪之，皆以金及生金计算。

英伦银行三千九百五十九万九千九百七十镑，法兰西银行一万九千〇二十万〇二千镑（内银二千六百四十九万八千镑，）俄罗斯银行一万八千一百二十三万二千镑，德帝国银行八千一百二十九万二千镑，奥匈银行六千四百五十四万四千镑（内银一千二百二十九万九千镑。）

德自普法战后取得法偿金，即以一亿二千万马克，储为战时非常准备金，贮于柏林附近斯巴太之吉利亚斯塔中，闻后已益至二亿四千万马克，今且复增一亿二千万马克云。

## 二十一日 今拟修身问题如下

### 吕新吾呻吟语

- 1.名自是好不将出，何谓也？2.有人云：渠只把天下事认真做，安得不败？其说然否？（有类此之邪说能言之与？）（一二）
- 3.欲变法宜先造舆论，试举例证明之。
- 4.试言继人之后者所当知

之事。5.君子与人共事，事成时，或不幸而败时，当如何？6.君子宁祸而不肯为恶，宁穷而不肯为佞，何故？7.君子得意而忧，逢喜而惧，何故？试言徇外心与为己心之别？8.过于自爱则一无可为，何谓也？9.万弊都有个由来，只救枝叶成得甚事，试举其例。10.肯替别人想是第一等学问，试举一例。

#### 达化斋日记

11.试举轻物运重之例。12.试举重物移轻之例。13.将以吾心之诚达之于人，何恃乎？14.重有待于力，力无待于重，何谓也？15.试言立身之道。16.何为有名之英雄，无名之英雄？17.精无人，神无我，精如水，神如火，试说明之。18.何谓先有点力而后有体力？19.有原动力则必有反动力，原动力大则反动力亦大，试举社会事例以证明之。20.21.试举渐蓄其力而骤用之例。（一二三）23.总之天地万物以吾为主，何谓也？24.万物皆备于我矣，何解？25.曰为己，又曰无我，何也？26.试言汉学宋学之大略。27.试举顾亭林之学说。28.试言以深与博二字评古人。29.名教自然四字何所本？30.试言陆王之学之大致。31.万恶皆起于见小，何故？32.试言取其中之例。33.从管子不偷取一世之言，可得何大原则。34.千载以上之天地万物，吾有情焉，试举例以明之；千载以下之万物，吾有情焉，试举其例。35.试以孝子譬仁人。36.试以毒蛇螫手壮士断腕譬仁人。37.仁人何故以身为腕。38.不可以君权与教旨而阻变法，试言其义。39.保种为极重要之事，更有高于保种之说者乎？40.试言变法变之自上与变之自下之得失。41.今者上稍稍变矣，然而不可恃也。何说？42.变之自下当从何道？43.试言法制与教化之比较。

#### 论语类钞

44.重力行而不重学问，其弊若何？45.古人云：盖棺论定，



何意？46.有道德之人与长于技艺之人有别，何谓也？

47.死而后已，不亦远乎？试举曾子之实例。48.49.50.天才高者其成就反不如天才较低者之大，试举其例（一二三四）51.52.年龄之长短，于学问大有关系，试举其例。（一二）53.意志有对于己身与对于社会二作用，试言之。54.道德者克己之连续，何谓也？55.56.试引教育学说以证匹夫不可奇志之义。57.试举君不可夺臣之志之例。58.试举父不可夺子之志之例。59.王船山重个人之独立，能举其说与？60.吾人对于三纲之说所当取之态度。61.北京如洪炉，何谓也？62.败于现在者或成于将来，试举一例。63.悲观者之恶结果有二，能言之与？64.试举历史上知其不可而为之之例。65.实理者实见得是实见得非也，试以新名词易之。66.既云不好名，何以又疾没世而名不称焉？67.试言没世二字之义。68.人类何以有死后灵魂入天堂之说？69.何为不死不灭确实之事实。

### 圣贤豪杰之特质

1.圣贤豪杰之特质有五，能举之与？2.人何以成为大人？3.试诵张子之言。4.圣贤何以超然独立？5.东汉以前风俗何如？6.东汉士气极盛，何人倡之？7.能言严子陵之事乎？8.宋代以前之风俗何如？9.宋代义理之学大明，倡其先者何人？10.范文正与严子陵之关系。11.试言观人之法。12.试诵吕新吾之格言。13.西人说谎否？14.彼等何以不说谎？15.三代以下士惟恐不好名，何谓也？16.郭筠轩以好名与好利判世运之隆污，能举其说与？17.君子不好名，何故？18.试举不文过之例。19.试言孔子之勤。20.试言周公之勤。21.试言大禹之勤。22.试言陶侃之勤。23.陶侃与本校有何关系？24.试举不敬事之例。25.为学不厌人事乎？26.试举陶侃克勤小物之例。27.试言读书与力行之关系。28.试言子路之

勇。29.何谓断? 30.试言行为习惯品性之关系。31.试言积字之义。32.道德之精髓果何在? 33.再言观人之法。34.乖戾之气充塞海内, 当如何挽回之乎? 35.36.37.试言仁厚之三义。38.仁厚当从何人施起。39.试举爱人之实事。

### 卫生

40.学问与卫生之本末轻重? 41.曾涤生自课卫生三事, 能言之与? 42.卫生五条, 能列举之与? 43.试言静坐之益。44.试言静坐之法。45.何以解忧? 46.试举论语中忘忧之例。47.睡眠之时, 身体营何作用? 48.试言成人当睡眠之钟点数。49.人身体之活力由何而生? 50.人何以有呼吸新鲜空气之必要? 51.物之燃烧须有空气, 试举例以明之。52.何谓新鲜空气? 53.开窗何以必要? 54.运动何以有益于身体? 55.肺病因何而起? 56.结核菌何物能杀之? 57.肺病因何而传染? 58.深呼吸何以能防肺病? 59.浴身有二好处, 能言之与? 60.试言冷水浴之益处。61.欲使血脉流通有三法, 能言之与? 62.血脉流通何以有益于健康? 63.日俄战争, 日本军人死于病者甚少, 何故? 64.试言皮肤清洁之必要。65.湖南人冬时不喜浴体何故? 66.对于地板之处置? 67.余欲改良社会者有三事, 能言之与?

### 规则的生活

68.试言曾涤生教弟之事。69.试言专恒二字之义。70.试言达尔文之事。71.何谓分段致功? 72.何谓节制? 73.何谓规律? 74.试言勿失时间之义。75.何为无害之虚伪。76.试言富兰克林记过之法。77.试言袁了凡之功过格。78.试言刘念台之过格。79.试言富兰克林之日课表。80.试言朝自问之益处。81.何以能使所有之物各得其所?

**二十二日** 拟修身问题如下

## 规则的生活

82.试举妇人能使物各得其所之例? 83.程子论写字,能言之与? 84.自立规则之注意。

### 戒骄

85.孟子言出则无敌国外患者国恒亡,试举例以证明之。86.家道之盛衰常有循环之象,何谓也? 87.汉疏广之言,能诵之与? 88.曾涤生以求阙名斋,何意? 89.试言杨廷和之事。90.人生处世,失意之时当何如,得意之时当何如? 91.王船山论项羽、李存勖,能言之与? 92.以道德骄人,何以不可?

93.试言与胜己者处之益。94.若眼前无胜己者当如何? 95.胜己者有种种,能言之与?

### 袁氏世范

1.试言处忍之道。2.试言忍之弊。3.高年之人作事有如婴孺,试举其例。4.父母见诸子中有独贫者,往往念之,富者可以为怨乎? 5.同母之子,而长者或为父母所憎,幼者或为父母所爱,何故? 6.父母爱最幼之子,何故? 7.为兄者处此当如何,为弟者处此当如何? 8.兄弟当分,宜早有所定,何故? 9.兄弟子侄有同门异户而居者,其所宜注意者何事? 10.人家子弟及妇女好传递言语,何以处之? 11.同居之人或相往来,当如何? 12.试言不讥议人之义。

13.择妇择婿之注意。14.为父母及夫者宜谅女子之心,试言之。15.亲戚有妇人年老无子,或子孙不肖者,收养之之时当如何处置? 16.17.18.19.何谓慢心、伪心、妒心、疑心? 20.忿怒之际之注意。21.亲戚故旧因言语而失欢者,多因何故? 22.小人不忠不信,何以处之? 23.试举其不忠之例。24.试举其不信之例。25.借钱与人之注意。26.夜间防盗之注意。27.不可乘暗击盗,何

故？28.盗已受拘执，当如何？29.试言以金银珠宝饰小儿之身之害。30.居家防小儿犯危险之例。31.奴仆之性质。32.待奴仆之道。33.妇女待婢妾之注意。34.试言寿昌胡倅彦特之家法。35.试言待佃人之道。36.37.试言水利，（一二）。38.试言田园山地之界至。39.试言置产之注意。40.借钱与人之注意。41.试言轻于举债之害。42.试言纳税之注意。43.经营财利之道。44.起造屋宇之注意。

### 日省录

45.议婚姻之注意。46.慎于择妇说。47.试言早订婚姻之弊。48.待富贵人与贫贱人之道。49.试诵李克之言。50.权要人声势赫然时，何以待之？51.公门不可轻入说。52.待小人与君子之道。53.友先贫贱而后富贵，我当如何？54.处朋友之道。55.处无用人之道。56.一坐之中有好以言弹射人者，吾当如何？57.用僮仆之注意。58.佃仆妇私借银谷之注意。59.试述陈实之事，试述管宁之事。60.君子不迫人于险说。61.施与勿迟缓说。62.遇人有不幸事之注意。63.何谓刻？64.受贫贱人礼之注意。65.勿结怨说。66.试述韩魏公事。67.闲居耐俗汉说。68.置酒宴客之注意。69.赴酌勿太迟说。70.馈送之注意。

法国巴黎大学、克罗利罗叶教授谓欧洲交战之七国，每日所用战费为一亿千万元，内粮食二千五百万元，马料二百万元，给料八百五十万元，港湾兵器厂之费用二百万元，动员会四百万元，军器八百万元，步兵武装八百万元，船舶炮兵武装费七十五万元，军用装具费八百万元，卫生费一百万元，租税损失费二千万元，人民扶助料一千三百五十万元，都市桥梁损害费四百万元。

本年统计：长沙正户四万零三十四户，男女丁口二十二万七千四百九十三名。本国别计比较二年度统计，实减去男女丁口三千

九百二十一名，其寄居及雇人丁口亦较二年度减去一万一千六百一十七名；外国别计一百二十户，一百七十八名。

**二十三日** 各省七八两月解款均二百九十余万元，八月分收入共洋一千三百八十余万元以上。各省所收验契费共计约二千余万元。盐务收入除拨还洋赔各款外，七八两月约余六百余万元，九月分余三百八十余万元，十月分余三百九十万元。交通解部之款每月约五十万元，各项杂款收用每月一百余万元。

**二十五日** 孟慈信言：永井式之家庭体操法，操法甚简，而所费时间甚少，每日约十五分钟即可。无论男女老幼，亦无论何时，均可练习；最能强固身体，周流血脉。日本卫生家几无不习此，山本权兵卫即以此为恒课也。

济南府出产麦、大豆、麻、药草、羊皮、牛皮等；输入则棉纱、五金货、洋缎类、洋火等最多数，煤油、烟草、海产、砂糖、玻璃、药品、钟表、杂货等次之。洋布每年输入百万两内外，洋缎等每年约销二十万两，洋布美货居多，洋缎则日货独行；五金类每年约销五十余万两，日货亦颇有销场；洋火约销十万两，几全为日货；煤油向为永和洋行之势力范围，自亚细亚设池以来，正在竞争；烟草英美公司第一，烟台潍县货次之，日本东亚烟公司亦有支店；海产物如海带、海参、乾鲍、鱼翅等销路俱好，多由烟台运来，日货占多数，杂货照日德英美法之次序，多少不等，而合计为数甚多。药品广货最多，上海货次之，近来东洋等亦颇盛行。潍县大致与济南相似，惟海货则日货以外，南洋货亦极有势力。

以洪湖筹导淮经费之所自出，除留出必需储蓄仍为水占之地外，计可润出腴田三百数十万亩；以之规画堤岸，必可得上腴田三百万亩以上；以每亩二十元售之民间，又使以分年摊还减轻民力，民必乐于承领，计可得地价六千万元，以抵导淮本息绰乎有

余。此次测费已费二十万元，美红十字会捐助一半。

**二十六日** 王同春，某省人，目不识丁，穷苦无聊，转徙而至陕，遂入河套，以垦地为业，历有年所；今则已积产至数百万，所有田亩不计其数。大抵河套以黄河水为大利，无人开浚河道，则套地为沙土赤地，一有支河即成上腴；王同春盖即开渠垦地以致富者也。考黄河之为物，在套中则涓滴皆为黄金，出套以后则为中国大患；溃决时固无论矣，即其未决之年，慎守堤防，如临大敌。明徐有贞等议兴西北水利，蓄河水于上流以利农田，即杀下流为患之势；顾其时河套已非明廷所有，所谓西北水利亦未易奏功。套中地主为蒙古鄂尔多斯旗，旗主亦极愿放垦。

十月十九日，安南马恩族蜂起。马恩民族本发源于中国福建两湖地方，居住山地，不入平野，盖以山间气候温和，并畏平地之蚊也。安南一带有七八万人以本为华人支裔，故与华人交通且崇拜之。

山东交战区我国损失之册报

甲、生命损失：死者共97人，伤者共238人。

乙、财产损失：动产共值三十七万九千五百九十元，不动产共值六十四万八千九百四十元，其青岛租借地以内之损失不在此内云。

**二十八日** 外国人刻名片，必附记其学位或职业，西洋人并记其住址，此乃为便利之计，使新晤者睹名片而知其身分也。中国人乃以为是俗，亦俗见也。然中国名片固有头衔太多者，诚未能免俗，遂使当载者亦不敢载，亦矫枉过正矣。

冯马援三兄，况、余、员，并有才能，王莽时皆为二千石。会况卒，援行服期年不离墓所，敬事寡嫂，不冠不入庐。

马援年十二而孤，少有大志，诸兄奇之。尝受齐诗，意不能

守章句，乃辞况欲就边郡田牧；况曰：“汝大才当晚成，良工不示人以朴，且从所好。”后为郡督邮，送囚至司命府；囚有重罪，援哀而纵之，遂亡命北地。遇赦，因留牧畜，宾客多归附者，遂役属数百家，转徙陇汉间。尝谓宾客曰：“丈夫为志，穷当益坚，老当益壮。”因处田牧，至有牛马羊数千头，谷数万斛。既而叹曰：“凡殖货财产，贵其能施赈也；否则守钱虏耳。”乃尽散以班昆弟、故旧，归洛阳，居数月而无它任职，援以三辅地旷土沃，而所收宾客猥多，乃上书屯田上林苑中，许之。

## 十二月

**一日** 马援有二特别处：一耕田、畜牧，二致多宾客。

**二日** 好知不好学，其蔽也荡；思而不学则殆；穷大失居；此三言可以箴贵知不贵行之病。

**四日** 中国茶价颇贵，去年每担一百五十两，今年每担须一百七十五两，因今年银价低。上年此时俄国向中国购茶一百八十三万九千零三十六担，今年则仅一百五十万六千一百七十九担。英国今年已向中国购茶三百七十三万八千六百八十二斤，若1913年至1914年，则仅二百九十九万二千二百七十三斤。荷兰向中国购茶，其增加之数与英国等；1913年英国向中国购茶至十一月为止，已达七十一万九千五百七十二斤，荷兰则为一百二十万九千八百十斤；荷兰向中国购买之茶，其一部分大概运往德奥等国。今年茶之出口数反较1913年至1914年之出口数为佳，现海关拟从11月1号起，将茶之出口税减轻；向来每担抽税一两二钱五厘，将减至一两。

中国人每年结婚者平均在千万人以上，婚证税计分三级：第

一级二元，第二级一元，第三级五角，尚未行。

石油炸弹非特能将其炸裂力所及之人民完全炸死，且弹之所及，凡一切能燃烧之物皆可著火而焚，且其重量轻于实炸药者，故颇适用于飞机。

德克虏炮厂已造一种炮，专以施放毒气者，刻已得专利制造权。发明此炮者为德人柯尔威色，在美国已得有专利权，自称已以其专利权让交克虏伯厂。该炮之弹为一极巨之圆球，其端有长杆斡于炮中，而巨球则在炮口外，当扳时杆能与球脱离，而球落于敌军中，球中满盛毒气，炸裂时可死敌兵一千余人。其组织可分为三部：一为杆，直入于炮中者也；一为弹；一为重锤，在杆与弹之间而连续此二物者也。当放时，此重锤即自行分裂，而杆与弹亦脱，弹乃至直前而爆裂焉。

今日军器发明家之第一大目的，则用日光以为破坏之用；现正设法使飞行机载大晶镜以聚日光，烧毁敌军炮台营房及军械处等。闻西历纪元前214年，希腊大发明家阿起米第氏曾用聚光镜烧毁敌船云。

意大利发明家鄂里维氏新发明一法，可以荟集七色分光中之外层红色光线，此项光线可使闪置于铁器内之炸药等炸裂。闻鄂氏在爱尔诺河中，在相距五英里之处置一水雷，而用一静电机发出光线，果炸去；所置水雷皆可自炸。即铁甲舰铁桥等亦可被毁云。

复有一种设计，拟造极巨飞轮，其二面皆安置利刃，用大飞船、或用可驾驶之气球载此巨轮，而其力之安置时使成一若干之角度，俾其在空旋转既速，落地后遂一往直前，人马尽为利刃杀死。

今日飞行家除抛掷炸弹之外，亦用小矢射人。



德军战法最有显著之二特色，集中攻击与侧面包围是也。

俄欠法债将近二万兆，自1809年至1904年，俄借款前后共约四千兆佛郎，皆用于内政，于军事无干；1904年又借八百兆，1906年一千二百兆，则未用于武备；此外铁路矿务机器厂纺纱厂等项借款，亦为巨数。

此次政府发行民国三年内国六厘公债，截至十月三十日止，公债局实已出债票之数，总计二千三百二十二万元。

中国银行	270万元	交通银行	618万元
敦谊堂	100万元	倡议	50万元
殖边银行	10万元	直隶	70余万元
山东	113余万元	安徽	18万余元
浙江	100万余元	湖南	50万元
湖北	115万余元	广东	238万余元
广西	10万元	福建	135万元
江苏	50万元	陕西	18万余元
河南	96万余元	四川	80余万元
江西	47万余元	甘肃	8万元
黑龙江	6万余元	热河	9千余元
山西	69万余元		

欧洲列强所使用最新之炸弹，其制概为圆筒形，内部有二重，其内筒实以炸药，内外筒之间围以霰弹弹子，用橡皮液使之粘著，以手执其柄而掷之。其柄为中空之木所制，有尾，形如洋伞。其末端有钩，德国步兵恒以著于其末端之钩，县十余个于革带之周围以备。此炸弹着于物体时得立刻爆发，故有所谓爆发信用管者；兵士于投掷之际，插此信管于前记木柄之中，因此物得与炸弹分别携带，故毫无危险。木柄之内腔更有长十米突之安全装置

用之麻绳卷藏于其中，一端附着于上述信管之安全木塞，他端则附着于抽出钩，所掷之炸弹在空中描十米突之弹道时，此麻绳则须全行抽出，最后则将绳紧张而拔出信管之安全木塞，使炸裂之弹体与麻绳分离，于是炸弹着于目的物而能发火矣。若兵士误掷炸弹于近处或其他之方面，在麻绳全长十米突未抽尽而使之紧张以前可制止之，以防安全木塞之拔出，仍得复归于掌中。以装置如此完备，故如日俄战役所用之手榴弹往往使兵士自身或其同伴罹死伤之祸者，可以免矣。至所用之炸弹，依照法规系用埃呵安全炸药，此为目下威力之最强者，且对于寒热之化学的变化极为迟钝，故最适用，亦有用毕克林酸为原料者。

秋桐曰：调和生于相抵，成于相让；无抵力不足以言调和，无让德不足以言调和，调和者立国之大经也。

**五日** 莫烈曰：凡一理想之见于世，决非偶然，苟其已至吾前，必将次第往叩他人之门而求其采纳。吾冥行而得见光明，亦必有他人暗中摸索，去吾不远，吾之发明，特其的耳。调和者，实际家之言也；首忌有牢不可破之原则，先入以为之主（秋桐）。

**六日** 秋桐曰：吾言救国，当利用道德之最高性，不当言道德之不足；放任之说固非，培养之说亦嫌后起。

**七日** 伦敦上等社会妇女，大半均献身于慈善事业，任看护妇及女医生等职，往前敌组织医院、救护伤兵。凡军队出发，则有多数青年妇女、白发老妇蜂拥而前，挥白巾送之。当开始战事时，英人尚不知此战关系之重大，故国家征募义勇兵时应征者殊觉寥寥。其后妇女首先觉悟大局之危急，乃开始运动，凡群众聚集之所，以及电车汽车等游客丛聚之处，妇女见有身着制服之军士，则起立欢迎之；见游手好闲之少年不往应征者，则揶揄之；幼妇而与一身披平民之衣服之少年同游，则视为奇辱。

克虜伯槍炮廠工程師五千人，工匠六萬人，總計仰給衣食于斯廠者不下25萬人。當1867年俾斯麥已破奧軍，將轉而攻法國。于斯時也，維廉第一乃以其私產八百餘萬元供諸克虜伯而為股東之一，其後維廉第一之資本因克虜伯之繁盛，股票價格騰至三倍，傳諸今皇維廉第二，至今每年仍收其利息無數。克虜伯長女俾爾達為封波蓮男爵夫人，今日實得克虜伯遺產之大部，據去年之報告，計有九千二百五十萬元，又據近電，克虜伯槍炮廠大增加資本金七十兆馬克。

**八日** 從前俄國政府全歲入之約半額自酒類收入。

德國自和蘭境輸入之食料品及軍需品，殆皆自美國輸出。十月一日至十日自紐約輸出小麥之額，至和蘭者1,049,322，玉蜀黍則其數為425,981。

德國牧畜業大發達，今有二千餘萬頭之生牛，與二千四百萬頭之豬。

美國國內日耳曼人種之在留者，無慮八百萬至一千万，或云一千二百万。

**十日** 德軍之死傷數據東京朝日新聞十一月二十六日報已達七十七萬，後報云已達百萬，埃及駱駝隊口勝。

英國失職者九月末為五分九厘，入十月則僅為四分四厘；德國失業者一年前為二步七厘；今年則達于一割六分。

中國之敬神有報本反始之義焉；萬物本乎天，人本乎祖，敬天敬祖皆報本反始之義，敬天又有法天之義，祈天之佑乃是第三義。太古時人民之敬天，以第三義為重；及道德進化，敬天之形式雖仍舊，而敬天之意義已大有變遷。解爾司氏謂中國人祀祖先，謂祖先可以福其子孫或禍其子孫也，此意固非全不包含，然吾人之祀祖先，實以事死如事生，事亡如事存之義為主，不忍忘親之

恩，非专计利害也。

益阳人嫁女，父母不送亲，而请人往代。

十一日 罗斯福巴西之调查言：南美礼貌上胜北美人多矣，参观营舍整顿有序，无丝毫乱杂气。军火粮食与士卒，均受上等管理法；余等到时，适操演野战式，步伐整齐，军容壮丽，可喜也。营中有德国兵官甚多，助其教练，勤恳精明，不肯稍疏忽。

丁魁良今年87岁。

巴西以前草间多狗蝇，含毒，能伤人。近年来经著名医学家配药驱之，种几绝矣。

德军欲侵英，必先得加莱斯，比利时地。

今奥俄之国境积雪达丈余。塞国若竟陷于危殆，则布加利亚将通款于奥；今布加利亚正向土国输入物品，若德今后利用布国铁道而与土国联络，则巴尔干之大部分当属德奥军之势力范围。

比利时陆军向不见称于世，然于三日之内召集军队，以二万二千人守列日，抵御德国之军团12万人至一星期有奇之久，然而纳暮尔之比军，仅有法军一联队助之，只二千五百人耳。

德国最新之克鲁伯大炮，目下存在者不过六尊，至多亦不过八尊；大约德军攻城之法，以大炮二尊攻一城。

德皇之须发，自开战以来已变成银灰色。

比利时之农人为世界最良之耕作家。

日本人调查山东矿产，发表其重要者如下：

一、炭矿已开采者为坊子、博山、潍坑三处；将着手开采者为胜山、学阳二处。此外炭矿最有名者为景山洼、马山、店子门、林湾子、秀坪、河坡、重陵镇、大文口、凤凰泽八处。

二、金矿 最有名者有昌邑、子山、九店、吉戈角、茅山、秀宗岱、马步岭、毛山等八处；又济南府下近有发见之白金矿，

琅琊附近有金钢石矿。

三、铜矿 山东省到处皆产，铜苗最旺者为夹子林、七里山、硫黄沟、榆树岭等四处。

四、铁矿 最有名者为桑树镇、四曲山、马尾山、马蜂沟、土山角、肴山口、李家集等七处。其他水银硫黄锡铅等矿尤指不胜屈也。

俄国曾豫定建造一大潜水艇，长400英尺，船幅36英尺，排水量四百吨，机械之力一万八千马力，于水面速力26海里，于水中14海里，活动之范围一万八千五百海里，水中一息之航行275海里，在水面可装大炮五门，可备鱼雷发射管36个，又可载鱼形水雷60个，敷设水雷120个。

德国工艺报称：工称博士奎伯尔氏发明一种无轮汽车，车之左右二面有活动钢轨三条，具极大之掀力簧，轮回起落，汽车借其力以前行，使用便利，无论遇何项困难地形均可驶行。据该氏自述：曾在十一米达高五十度山坡上下试验多次，以及逾越沟渠，经过水草软地等处，到处皆畅行无碍。

宋育仁著三大礼赋，宪法比例征，经世政学、经术公理学、采风记、时务论。（富顺人）

文章大小宋，草竹二三竿，以篆文书之，正反如一。

暑鼠掠粮，壁必描猫惊暑鼠，饥鸡盗稻，飞非鹰影吓饥鸡。

近日有无线电以水为导体之发明，较以空气传声更稳。

闽省有僮神，神附人体而诊病决事，恒自断其舌，既而粘附之。

回教每日礼拜五次。

近日意大利农学大家麦克西及麦克爱夫氏发明旱地种麦法，以此法栽麦，每亩所得，除冰雹所毁外，得四十五斗，值351佛

郎。

地中海小岛上多二层田，地中海中西班牙之领土墨加克岛，几全系二层田。

法兰西西部农夫，除下层田之收获外，每岁尚得波斯胡桃八万磅；而意大利二层田中下层种麦，上层植桑，桑上更绕以葡萄。

**十三日** 美国对英之负债有五十亿弗(约合中银百万万元)。

江苏全省丁漕岁供一千五百余万，前清所用丈弓，以二百四十弓为一亩。

月前教育部提出全国教育经费预算案，统全国二十余行省，为数不过百数十万元。

美国威振尼亚省有名杭腾者，新发明一种橡皮衣，如着此衣于身，落水之后即可浮在水面。此橡皮衣甚为广博而不使透气，全身用皮带束紧，惟不透气，故人可浮于水而不至下沉，且身中热度可以永保，不至受寒。着此衣者至多费时不过二分钟。人落水之后，头部肩部及二臂均在水面之上；若在水中用体操之法使用两臂，则身体热度亦可增加。如身中气候太热，则此衣于肩上另有泄气门，可随时启闭以增减其热度。此衣之外尚有二靴，有重量，着之则身体常竖水中。

日本议会法定议员额数为380人，现今议员，政有会占203人。

德国最近15年间入境之人，每年平均较出境者增加九千有奇。

德国继续学校，教授十四岁至十八岁曾经毕业于小学校之学徒；在多数城镇中，继续学校几成强迫制度。其课程每星期六七小时，计三年毕业；其所授科目范围颇广，任其学生自择一科。职工学校，则所收生徒日间已有职业，故授课均在晚间，其目的在使职工于所操职业中力图上进。商用技术学校系对于从事技术之人，如绘匠，雕刻家、珠宝家、钉书人等，授以各技术之较深

学理。

德国特别实业学校，在使生徒脱离旧日工厂学徒之积弊而有系统的知识；其所收学费颇昂。在撒桑尼邦之织造学校，不独外国人不许入学，即德意志联邦之人亦被限制。

**十四日** 津浦铁道全线长634英里，就中属于德之利权者为自天津经山东而至江苏峯县之一段，即所谓北段也，长391英里。

目下欧洲战场，每一千人须大炮三门，则目下最少有一万二千门大炮从事战斗。

今假定此次战争延长18个月，共547日，其中真战斗者作为二百日，而用大炮以战者作二百时间，当消费二十八亿八千万个炮弹。现在欧洲使用之野战炮弹，每个须费25仙令，二十八亿八千万炮弹制造费至少需三十四亿五千五百镑，制造时须用十二万五千人，用制造机四万架。

世界上最大之武器制造所，为德国之克虏伯厂，用工匠八万人，机器一万二千五百架。其制造炮弹者不过工人一万，机器三千架而已。且克虏伯厂八万工人中，已调五万人出征。

印花税若至年终总计，可达一百万元。吉林官帖，自12月1日起。一年间，兑换银元每月以五万元为限，一元换七串。

烟潍线延长百七十英里，顺济（顺德、济南）线延长195英里。

烟潍线沿线之产物为落花生、麦藁、桐木材。

世界之回教徒二亿几千万。

德国强征占领地人民之数，达四亿八千四百五十万元。

**十六日** 两浙田赋，在五季钱氏时，每亩税米三斗；宋太平兴国中，均两浙田亩数税，不及一斗。自景定4年贾似道公田议行而民始困；至明洪武时，以张氏租额为赋额，而民重困；嘉靖时，嘉兴知府赵瀛立扒平田则之法而民益困。清雍正五年，减免

嘉湖额赋十分之一，计八万七千余两；同治四年减杭嘉湖三属粮米三十分之八，计二十六万六千七百六十五石另。清末杭属额征米十五万八百八十一石另，嘉属额征米四十二万二千五百七十一石另，湖属额征米二十七万八千六百九石另，并计八十五万二千余石。民国二年改用抵补金名目，由前临时参议院议决每石折征银三元；本年奉部核定每石五元；漕米之外尚有漕运、漕切，此外地丁正耗，漕银一两，平均折合，已在二元三角以上。

顾炎武谓吴中每亩之收不能至三石，少者不过一石有余。浙西之民岁负抵补金数百万元。

伦敦电：商务部报告11月分英国出口货计值英金二万四千六百万镑，其贵重货物输入法国以助军需者不在此内，入口货计五千六百万镑，较10月分增加四千四百万镑。

赫德曾于光绪30年请以每地一亩征制钱二百文，计每岁所入可至四万万两。

明末清初之际，每金一两值银八两，光绪初元亦仅值钱20两，近年金一两值银40两。

乾嘉年间米一石约值银一两，今则米一石值至四五两矣。

10月1号至11月10号，40日，中央共收一百三十二万七千元；11月11号至20号共收四百五十一万六千三百十六元有奇，以各地丁、常关、盐税、印花税为大宗。

田赋改收银元之后，各省计三年收入：直隶增收120万元，山东增收150万元，江西增收130万元，江苏增收170万元，浙江增收500万元。

程邈作隶，就小篆之点画删繁从简，以意为断续，故大可为士、如壹去等，勺可为一、如军冢等，炎可为米、如邻麟等。

夫造字之要素，必就作者阅者两方之便利；在作者则利在速



成，在阅者则求其易辨。

当世俗习用旧字之时，而忽加以改革，事极不便。必旧字体实有不能存立之理，而后新字体能乘之以入；不然，如孙休之四字名，武曩之20字，后世未见有用之者，其故盖可思矣。

山东省煤之需用，每年约一百零五万五千吨：（一）铁路用煤，计胶济铁路年约十二万五千吨，津浦铁路年约十五万吨，合计二十七万五千吨。（二）船舶用煤约十万吨，青岛、芝罘、威海卫等为主要需用地。（三）矿业用煤约十五万吨。（四）制丝及窑业用，芝罘附近之干蚕工厂，博山玻璃工场，其地约需用二十万吨。（五）造酒榨油用煤，青岛之啤酒工场及各地榨油作，共需十万吨。（六）家事其他用煤，对于全省三千八百万之人口，约有二十三万吨之需要。

山东省煤之出产，每年一百一十九万六千吨：（一）潍县煤矿，又称为坊子煤矿，德胶济铁路公司之所经营，年产十八万吨，多粉末，适于家用。（二）黄山煤矿，又称为淄川煤矿，华人中兴煤矿公司所经营，年产四十万吨，炭质良好，适于铁路船舶用。（三）博山煤矿，年产三十万吨，华人所经营。（四）章邱煤矿，年产不过八千吨，炭质亦不良好。（五）峰县煤矿，年产二十五万吨，华人中兴煤矿公司所经营，供津浦铁路之用。（六）新泰煤矿，又称莱芜煤矿，年产五万吨。（七）沂州煤矿，年产五万吨。

向山东省之输入煤，年十四万四千余吨，（一）日本煤由芝罘输入，年约八万五千吨。（二）抚顺煤由芝罘龙口等处输入，年约三万吨。（三）开平煤，年约二万五千吨内外。（四）复州煤，年不过三万吨。（五）本溪湖煤，由龙口始为数百吨之试输入。（六）高丽煤，由芝罘等处输入，年约一千五百吨。

山东省之输出煤：潍县、黄山之煤由青岛输往上海，峰县、

沂州之煤由津浦铁路及运河之流域，上及河南省，下及江苏省长江沿岸，其输出总额年约二十八万吨内外。

德人于青岛，十七年中港口建筑，以及装置六百尊大炮之测量，所费二百余兆元之多。

本年胶州于战事之前，出入各货尚可得四千三百万元。

英发六个月库券十五兆镑，承购者至四十三兆镑之多；法又发国防库券六百兆佛郎，因战事开支月需九百兆佛郎也。瑞士发五厘公债五十兆佛郎，荷兰亦召集三十万人筹饷二千万，丹麦瑞典亦各筹饷三千万。德本已举债五千兆马克，近又添一千兆马克，合之离宫塔内二千五百兆马克，可云巨矣。

以上皆钞湖南公报

桑木严翼天野贞祐共译力“ント哲学序说”，一元五十钱，小包料十二钱；安倍能成“オイケン大思想家之人生观”，三元五十钱，送费十六钱。以下钞东京朝日新闻：

日本政府拟明年增收二千万元，因战事将减收一千七百万元。日本政府临时军事费支出六千数百万元，

日本政府为增师之故，要一千二百万元之临时费，与五百万元之经常费。

据日本大藏省之调查，十一月下旬之外国贸易：输出千二百四十四万二千元，输入千六十八万二千元，输出多于输入百七十万元。

#### 日本政府明年度预算纲要

岁入	元
经常部	519, 698, 129
临时部	26, 698, 206
计	546, 396, 335

岁出	元
经常部	407, 203, 957
临时部	149, 192, 374
计	556, 396, 331

满洲铁道来年度工业费千六百万元

战斗舰三万二千吨，每吨八百六十九元；驱逐舰大型八百吨，  
 每吨三千五百元，中型六百吨，每吨二千三百元。

东京炮兵工厂资金二百万元，拟加七十五万元；大阪炮兵工  
 厂资金百五十万元，拟加二十五万元。

日本米输出于荷兰，日本米优于意大利米。

德军所用之炮有七十耗之口径。

俄国现课通行税：一等二十哥（一哥约一钱五厘），二等十五  
 哥，三等十哥。

现在日本公债总额万分之十六，为三千万元。

**十七日** 冬至节祀天，湘省拟用钱五百元。

王同春，北直邢台县人。性任侠喜事。少时家赤贫，随父觅  
 食塞外，转徙至河套，佣为蒙人工作。其为人眇一目，身躯雄伟，  
 精力兼人，以是得稍稍积工资，乃贷蒙人牧地自垦之。河套界山  
 河间，地层冲积，赤垣中兼杂白沙；得河水以浸之乃异常滋润，  
 水所不及皆荒碛也。同春有天才，能识水脉，登高而望即知畝治  
 所宜。又或驰马巡行，凡山原高下、工程多寡，斗角钩心，了了  
 然不差累黍，虽精于测绘者不如也。故其所垦地岁获滋多，乃益  
 出资租蒙地，蒙人益信赖之；自南河沿岸以达北河，南北四百余  
 里，东西七百余里，凡凿干渠四道，宽深皆与大河相等，支渠旁  
 达无数。晋秦燕豫贫民争趋之，日操畚鍤者常数万人，岁获梁谷  
 至巨万，馈运口内不可胜计。茫茫荒野，至是乃村落云屯，富庶

过于壮县；同春指挥其间，俨然一建国主也。清将军貽谷奉命督办蒙旗垦务，乃以罪没收其田，系之狱。辛亥革命军兴，将军埒秀释之。同春既归，乃建大旗，使人周走而呼曰：王老子出狱矣！且奉将军命，为若练乡团御寇盗也。于是蒙汉争集，旬日间部署井然，声威重一方。二年冬，库伦入寇，同春设伏邀击之高阙戍，大破之，遂由军功奖以五等嘉禾章。然垦田既尽入官，乃退耕河西为老农，亦无复当年意气矣。

黄金满地飘残菊，碧玉芳年待破瓜。有客敲窗惊午梦，无人伴枕度春宵。树密山深，叫樵子如何下手；水落石出，笑渔翁枉费心机。竹本无心，外面自生枝节；藕虽有孔，中间不染污泥。此某塾师与其弟子之姊之巧对也。（谅非事实）

黄河自去夏初在濮阳决口，经德国工程师预算，为费不过二万元上下；山东直隶互相推诿，工程停搁。夏秋之间决口益大，复经德国工程师估计，谓须款二十万，中央又与地方互相推诿。该口经今年秋伏两汛已达八百余丈，遂任命徐世光督办濮阳黄河决口杜筑事宜，至此复令德国工程师估计，据称非款三千万不可。刻下拟筹定六百万，中央自认三百万，山东直隶河南各认一百万。

上海丝厂全体七十二家，歇业者已有二十余厂；总计全业缫丝之车一万八千张，每车每月如能接济工银十五两，除停歇者不计外，月得工银二十万两，即可延长工作。现由上海、交通两银行各拨借款银三十万两，共六十万两。

黄山一名洪山，在淄州境内，炭田之广，北自张店，南至博山，绵亘六七十里。该矿所产石炭，系属于古生纪者，炭层南北甚长，有十数层，皆厚一尺以上至二尺，有一处厚七尺余。厚者名十行层，薄者名四行层、八行层。有竖坑两道，相距百十五尺；德人称北者为马庄坑，南者为淄州坑。电气发动机有二架，号称

八百万马力，合各种设备机械共值三百万元云。德国经营此矿仅五年，每日出炭已达二千吨，去年共产四十万吨。若所凿之竖坑告成，一日可出四千五百吨，概略计算，该矿炭量约一百万吨，今后六十年开采不尽也。

据云第三层以后为无烟煤，火力甚强，以造焦炭亦甚适宜，德人在时用华工四千人。

金岭镇铁矿矿质含铁量，优者百分之六十五，劣者百分之三十八，平均百分之五十五。矿脉延长二十余里，其中最有望者名铁山，高六百余尺，矿量概计八百万吨。

**十八日** 凤凰河道于十四日开通。

各省验契收入，统计约有三千万，更有一千万以上。

各省办理烟酒牌照税，课税标准分整卖另卖两种，纳税定限分一月六月两期。

本年铁路收入二千七百余万元，支出五百余万元，纯益金二千二百余万元。电政收入六百余万元，支出四百余万元，纯益金二百余万元。邮政收入四百五十余万元，支出五百万元，尚亏欠五十万元。

我国市上铜币（以民国二年十一月末为限）有二十文铜币、十文铜币、五文铜币、二文铜币、一文铜币之五种；此五者以外，有铸百文及五十文铜币者，四川是也，有铸一文制钱者，广东是也。铜币之总额，凡合洋二万四千一百十四万六千四百六十五元（每元兑一千二百文）。

**十九日** 中华书局为扩张销路计，请多人签名介绍，余以未见其书，未肯漫然署诺。

**二十一日** 我国市上之银币，有一元、五角、二角五分、二角、一角、五分之六种；惟天津、武昌、广东、四川、云南、江

南有之。云南仅有一元银币，江南仅有五分银币，四川无一元银币，天津、武昌无五分银币；其总额合计四万九千二百七十八万四千三百十四元（以民国二年十一月末为限）。合而计之，全国流通之正辅币当在七万万万元左右，以吾国人口四万万计之，每人仅得一元七角有余。广东一省所铸银元仅及一千五百万，而发一元纸币达二千二百余万；吉林一省所铸铜元不过十余万枚，而其所发铜元票达百余万万枚；黑龙江等亦是。

湘省初高小学校管教各员，现定每人每年不得过二百八十串。

**二十七日** 此数日忙于试验，并日报亦未暇细看，今当细阅一过，将当记者录存此本。

今日乃今年放假之第一日，从此每星期减去教育十二小时，庶有暇日可以读书，良可喜也。昨晚购宋元学案一册，亦可喜之事。

德国以二千二百万元兴山东铁道会社。

1902年至1911年，青岛之贸易额自一千三十万两进至五千二百万两；十年之间，青岛遂一跃而上中国贸易港之第六位，遂有压倒芝罘之势。日本之贸易额占其中之第一位；自日本输出之主物为木棉物线纱类，而棉纱一类在青岛渐有驱逐外国品之势。其外日本火柴亦居多额，而自外国输入青岛者，为石油砂糖等。自中国经青岛而输出者，以麦秆（作草帽者）为第一，落花生、鸡卵，肉类次之。

现在国库剩余金有六百余万。

年关需款约一千六七百万元，而豫定收入之款有二千五百万元。

四年度之支出，较三年度可少一千万元至三千万元之谱；而

三年度岁入豫计之概数，为一万万五千六百〇九万五千余元。

青岛电报局长陆承金忠于职务，临难不移，奖给六等嘉禾章。

豫北三省之水利，彰德则首推天平、万金二渠；怀庆则首推河内之九道堰及由济源五龙口开凿之广济、永利、利丰三渠。卫辉则首推辉县之百泉。天平渠由安阳县西北之漳河南岸引水入口，乃周末魏文侯之臣西门豹守邺时之所为；至文侯曾孙襄王时，又命邺守史起复浚之，安阳县城东北尚有西史二公庙。清光绪六年始谋疏浚，久无功；光绪三十年始有改道之议，组织溥利公司亦无成。适值袁大总统居洹上，乃自出资万贯，余由乡人集资万贯，另立公司接挑此渠，命名为天平渠灌田股份有限公司。至民国二年渠成，是年共灌田三万四千余亩。

日本人在上海租界者，在万人以上。

日本人常吉德寿以为改定税率，当以地价为标准，而地价则以地土出产额之四倍为标准。例如中等田一亩，每岁收获得总收入八元，即定每亩之价为三十二元。

天平渠共长三十三里，支渠十七道，测得每点钟可过水三千二千四百个立方英尺。若以寻常土质，每二十四点钟约可灌田五百四十亩，若二闸全开，当时渠水每昼夜约可灌田二千一百亩。

自八月至今茶叶出口总数：红茶一万四千一百四十一担，绿茶八千一百零六担，茶末一万七千八百一十二担，小京砖茶一千七百五十四担，茶砖八万七千四百六十五担，总计不过十三万担；较前每季运销五六百万担者不啻天壤之别。棉花现每担仅二十两零，火柴现在每盒涨至十五文或二十文不等；通常每盒六文。和丰公司往汉口分销，仅二十日已销火柴五十万箱。

寻常之潜水艇约自三百吨至一千吨，全长百英尺至二百四十英尺；在水面时用特塞尔式机关优点航行二千英里之远；水下潜

行时，以电气之力可行七十英里，每小时速力水面十四英里，水下约五英里至十二英里。艇之中央有一水槽，如欲沉时则自开闭瓣引水入艇，比重加大，逐渐沉下，至距水面一英尺处而止。当是时，艇上下之压力互相平均，故进退自由。斯时艇重为一千磅，故若加一千磅之重量，则飘忽而下，得至深处。艇下降至十七英尺时，其艇顶之铁管两具仅露水面一尺，全艇无所见矣。铁管直径不足四寸，在千五百码外，无论何等慧眼不能见之。若为敌艇包围时，则可沉至百五十英尺深处，两日三日不复浮出水面。

修正笞式，计长准营造尺四尺九寸，大头阔一寸四分，小头阔一寸三分，重准库平九两。

规定新年一月一号早酒一次，每桌费不得超过四元，灯彩及各杂费每机关不得超过十元。

**二十八日** 湘省现在商业股分有限公司计二十三处，农业股分有限公司计十五处，工业股分有限公司计三十七处。王茧春间产额五千三百八十八斤，夏间产额七百〇五斤。屑茧春间产额二千一百三十一斤，夏间产额三百八十五斤。出壳茧春间产额六百一十斤，夏间产额三百八十三斤。

自动炮台又曰运输炮台，而发明之者为德国石乃得公司。

南京贸易总额八百万乃至一千万两内外，直接外国贸易仅十三万两。政府拟将中央各机关每月所需之政费一百五十万元再缩为一百二十万元。

**二十九日** 东京朝日新闻言：中国新计划一铁道，自位于连山湾西北之锦州起，经义州至朝阳，更折西北过建平，赴赤峰，西经围场，达多伦诺尔，全长三百余英里。锦州朝阳八十三英里，英国将以为京奉铁道之支线而布设之，去年三月为日本山本内閣之所承认。既经英人之调查，以四百二十二万五千元可以布设之；



自朝阳赤峰至多伦诺尔之二百二十余英里，则尚未调查。锦州乃辽西贸易之埠头，其海港连山湾，与秦皇岛并为渤海湾内有名之不冻港；多伦诺尔为蒙古贸易之总汇，通张家口及内外蒙古之要枢也；赤峰则为新开之内蒙古东四盟通商之要津，自直隶经东部蒙古达黑龙江交通之要冲也。

台湾明年度之总预算为四千二百万元。

日本有二十五亿之外债。

中岛长次郎制人造绢丝。

战争前满洲德国石碱输入额四十万元。德国之品为蓝花斑纹石碱，口水含淀粉，用之则呈斑纹。

战争前输入满洲之石碱，上海德国品四十万元，日本品五万元，英国品五万元，大连日本品五万元，合计六十万元。

俄国明年度之预算岁入三亿〇八百万镑，岁出三亿〇七百八十八万镑。

本年九月俄国之酒精专卖收入十七万四千十四镑，比之前年度同月减少七百六十五万九千六百四十三镑。

日本国民之参政权，每年仅有三个月。

日本小学校教科从前用汉字一千三百六十字，现减去三百六十字为一千字。

美政府提出来年预算案，总支出十亿九千万弗，比今年度减少二千五百万弗。

日本对外贸易：十二月上旬之输入额为九百二十万三千元，输出额为一千七百一十一万二千元。

日本棉毛布之输入中国者，从前通一年间计十二万斤。

南京之贡缎与镇江之纹绫齐名。

江南铜元局之铜，多由美国输入。

据财政部调查，发表各省流通纸币之种类及额数，颇为详尽：银元票湖南二二，六三三，三〇八元，合计九四，七二一，七六〇元；银两票合计二〇，四二三，六二三两；总计银元票银两票（七钱三分）及以铜元制钱（一千二百）为单位之票，以银元计算得三七二，九三一，三六六元。

土耳其宣战未久，英国宣布埃及为英之保护国，土耳其遂失其对于埃及之宗主权。埃及面积约四十万方英里，埃及从前岁贡金于土耳其七十二万镑，埃及陆军一万八千人。

**三十日** 本年日本远洋航路补助额合计八百三十八万元，明年拟减为四百三十万元。

巴拿马运河以本年八月十五日通航，此运河共费十亿之资本，现在每月平均收通航费六十万元。布哇之砂糖，北美之棉花，乃通过此运河之主要货物。从前美国有一至日本之航路，为一万四千五百七十五英里，今经巴拿马为九千二百九十四英里，仅减少五千二百八十一英里。

亚尔然丁英国之投资额达三十亿元之巨额，对于亚尔然丁之输出额：英国七千六百万元，德国六千六百万元，美国不过三千二百万元，德国之拉丁亚美利加输出年额约四亿元。

日本冈本一郎创自动点灭灯台，名之曰日光瓣，依日光作用，其灯火之材料为瓦斯。

德国征发十六岁之幼年兵六十万人。

## 一九一五年(乙卯)

### 一 月

**二日** 去年末统计全国高等以下至于初级小学校，共三万五千九百九十八处，学生共八十七万五千七百六十人，比较民国二年之统计表又少百余校。

德国新式战具，有装甲汽船，灭摩托机关枪器，汽车炮。

**九日** 去年一月至十月海关税之收入，已达三千二百万两之谱，照此比例，全年收入可得三千四百万两，其所担赔款及外债还本偿息约有三千五百万两，所差不过一百万两云。

盐税最近数月之增加：奉天一百八十万元，长芦一百六十五万元，四川一百三十五万四千三百元，两浙四十五万二千一百元，两淮八十一万四千元，山东五十三万七千四百元，广东四十一万四千五百元，河南三十四万九千七百元，福建二十二万七千三百元，云南六万八千元。

盐税收入约有五千三百万元，所担外债还本偿息约有二千八百余万元，而五国银行团由余款中已拨回中央政府约有二千三百万云，且年末再可拨回二百万元云。

**十日** 日本十二月中旬对外贸易：输出一千五百七十二万四千元，输入一千二百三十九万五千元，输出超过额为三百三十二万九千元。

日本政府提出经费预算总额二千八百余万。

**十二日** 修身讲义四一、四二、从论语类钞季路问事鬼神起。

四三从论语类钞

四四从论语类钞三军可夺帅也起。

一一从达化斋日记法之变有二起。

一二从达化斋日记有原动力起。

一三从袁氏范人有困苦无所诉起。

一四从日省录士大夫居乡起。

一五从日省录胡安国子弟或出宴起。

豫一从呻吟语笈达还家起。

豫二从呻吟语处毁誉要有识有量起。

**十五日** 瑞典人口五百六十万。

**十六日** 财政部收回各省纸币之办法，以东三省及北七省为第一区，以川桂黔滇为第二区，以湘皖鄂赣苏浙闽为第三区。第一区所发合计二千五百五十三万五千〇九十四元，现有准备金约三分之一，价格平均约九成，收回费共须一千五百万元；第二区所发合计三千七百七十六万二千〇六十二元，现有准备金约三分之二，价格平均约八成，收回费共需九百六十余万元；第三区所发合计八千二百二十七万七千〇九元，现有准备金三分之一，价格平均八成，收回费共需四千八百一十一万余元。

现在每月所靠之款仅六百万元左右。

**二十日** 德军损害二百万，奥军百五十万。去年岁末之统计：日本人之居住海外者，总数不过三十三万五千人；居满洲各地者十余万人。日本人口六千万，每年人口增加数为五十万。德意志人于美国，有八百万之同种族；意大利人于亚尔然丁国有百万人

之同胞。

法国十一月中之军费支出额，为九万一千万法郎，一日平均要三千万法郎（约千二百万元）。

中国革命乱后借款总额十三万七千八百五十万元，中国政府用为行政费者四万七千六百八十五万元，比之自民国元年至三年末各省贡赋之总额，实为二十三倍。

**二十八日** 安南人口一千八百余万，面积达日本国土之二倍。

## 二 月

**四日** 奥匈国之面积凡二十四万方哩，有人口五千二百万，然为帝国基础之日耳曼民族与马格耶尔民族，不过二千余万人而已，其余则多属斯拉夫民族。盖在奥国本部，全人口百分之三十五为日耳曼人，斯拉夫人要占百分之六十。在匈牙利全人口二千万人之中，其真为匈牙利人者仅有八百七十五万人而已。

俄国有面积八百六十余万方里，视北美合众国凡三倍，视德意志凡四十倍，人口凡一万七千万。

1870年普法战争之际，法国人口凡四千万人，较当时德国人口为略多；然今日法国之人口已减为三千八百万。

现时德国殖民地之面积不过百万方哩，而法国则有四百万方哩。

德国征兵制，青年男子四人之中有一人以上应征，平时有常备军九十万，而法国则尽全国堪胜兵役之青年男子尚不过七十五万。

德国之人口现较法国多二千余万。

由比境至巴黎凡百五十哩，由俄境至柏林凡四百哩。

**八日** 交通部拟建武汉铁桥，桥之延长三千七百五十英尺，桥幅三十英尺，其开闸口之幅三百英尺，其架设工费约需英金一百〇七十余万镑云。

**十日** 美国于菲律宾群岛仅有兵二万一千人。

德国已现有三百三十万之陆军，更可编出二百万之后续兵团。

俄国禁酒，失九万万卢布之酒税。

日本去年年底发表之正货总额三万四千一百万元。

**十一日** 奥国民族五千一百余万，所含种族十有一，其中与皇室同族之民仅一千万有奇耳，而塞尔维亚人已五百五十余万，与塞同祖；其他之斯拉夫种人合计二千五百万。彼塞人者，以大塞尔维亚主义煽动奥境内之塞尔维亚人，则可以夺奥民十分之一；更以大斯拉夫主义煽动奥境内之斯拉夫人，则可以夺奥人三分之二。

印度至今言语文字犹八十余种，其部落酋长亦数十。

**十六日** 阅新化谢玉芝编修身教科书，钞其目录如此：

存心 主敬 慎独 立品 笃孝(奉养、疾病、患难、丧葬、祖父母) 出母 友恭(友弟恭兄兄弟之妻、兄弟之子) 尊师(礼遇、患难、服丧) 友谊(全交、信义、哀没) 循礼(父子、兄弟、夫妇、师生、宗党、戚友、无礼之戒) 慎言(能慎之征、不慎之戒) 笃实(能实之征、不实之戒) 谦让 捐忿 息争(杂叙、推利、自诬、论事、讲学) 去矜 反己(自反之征、不自反之病) 明耻 自新 远谗(佞谗之戒、不佞之征) 纳谏(能纳之征、弗谏之戒邪) 慎疾 节饮(能节之征、不节之戒) 远色(能远之征、贪色之戒) 辟邪(左道、淫祀、

异征、口言) 祛惑(祷祠、占验、禁忌风水) 劝学 下学 博洽(强识、熟读、勤钞) 专一 习静 主恒 力行 希圣 德度(掩邪宥过) 雅量 (应变、夷险、死生、宠辱、得丧) 宽下容众 广仁 (公益、拯危、恤孤、瘞骨) 推惠(总叙、散财、笃旧、悯饥、恤丧) 惜物 全生 轻财(能轻之征、贪财之戒) 俭素(总述、田园宫室衣服饮食器饰礼宾奢侈之戒) 廉退(士行、官箴) 安命(贫富、穷达、生死) 安贫

**二十二日** 日记久间断，今仍当日有所记，至少须有一条。

东京朝日新闻已有十数日堆积案头，此大不可，此后报来时当立即看之，今日当将已到而未看者一律看完以清旧债。

英国军编制上之特征有二：一则将校数目平时有他国之四倍，二则现役有七年之长。

德国平时有二十五个军团，战时三倍为七十五个军团。现在海军英国第一，德国第二，法国第三，美国第四。美国现在将校实际可战者仅二千九百，兵卒五万一千四百四十六人，而美国本土将校不过一千四百九十五人，兵卒不过三万九千四百〇五人。

英兵患□者之数仅百分之三。

开战以来德船之被拿捕、击沉或扣留者，只数四百八，总吨数九十七万八千八百八十九吨；英国则仅十七万八千五百七吨，奥地利十五万六千四百九十三吨。德国所有汽船只数二千，总吨数约五百万吨；自数字上言之，被害凡五分之一。

去年八月二日德国下动员令之时，河上肇在柏林，往街中观看，见柏林人全城鼎沸，均呼万岁。余亦曾住柏林十月，河上肇所住之街道，余尚能想象之，读此亦觉有趣味也。

梁任公对于与日本交涉之意见，日本报亦译载之；国士之言论隐若敌国，亦可可见矣。

河上肇言此次德国宣战之初，亦深望英人能守中立。

又有谓德国现欲与俄法构和而独与英为敌者，余尝谓此次欧洲战争，其实为英德战争，其言验矣。

美国加州限制日人之案，大统领不裁可，亦不欲挑日人之怒也。

东京朝日新闻，对于日本与中国之交涉尚属和平，盖日本言论界亦有未敢十分嚣张者。

阅熊肖陈三生笔记，均有长进，焜甫多记读书讲论所得，子升多记思虑所得，章黼多记行事所得；一重博学，一重深思，一重力行，然子升之进较猛，乃知深思之功有使人一日千里者。

**二十三日** 凡家中仆婢，平日宜注意监视其行动。如觉有不合之时，即宜断然开除，不可因循姑待，致酿成意外事端。

凡仆婢因事开除，开除即是其罚，不必再声言其罪，严厉诃斥，此亦不太与人以不堪之意。被开除者，亦当感我宽容之恩，自悔而不至深怨于我。

**二十四日** 西洋人日本人皆甚讲礼让，有无意间失礼于人之事，必曰请恕我以谢罪。同在席上时请人递面包等，必曰多谢；商店卖物时受取物价亦曰多谢；中国人则颇为粗鲁，此亦教育家所宜注意之事。

中国商店中人颇为倨傲，若有人看货色而不售，则有嘲笑轻侮之态，使人不堪，此非所以招徕生意之道也。闻外省人于此事较好，湖南人则尤甚云。

**二十五日** 有所爱则有所不爱，近日为人请求者三四次矣；吾弟欲吾请求，乃不便出口，甚矣世界之多缺陷也。

**二十六日** 于银钱上无信用，则遇急难时他人不肯援手，是自困之道也，可不戒哉！



族人穷极无聊而欲动于恶，仍当为谋一生路以消灭此事；此省事之道也。

**二十七日** 午亭信言：日本此次要求，乃大隈重信辈十年以内所倡言不忌者；吾国之人熟视无睹，或笑为吹法螺，今日乃竟现诸事实矣云云。外人之谋我者著著进步，而我之所以自卫者毫无进步，甚可忧也。

**二十八日** 昨自城南归，见有人在街上玩龙，行人为之阻塞，因叹吾国下等社会生活程度甚低，年中无以为乐，乃以此事满其游戏之要求，踊跃从事，良可矜怜。

此事不合者有数端：人民重旧历之习惯，则与国家之正朔相冲突，其不一也；妨害交通，有碍公德，其不合二也；迷信多神，趣味下劣，招外人之讥笑，其不合三也。

日本尾原亮太郎论德国之教育，谓其以军事之训练施之于社会事业之组织，重服从与规律，重实用，此其国势之所以翼翼发达也。或谓国人服兵役三年为浪费时日；不知国民受此三年之军事训练，于其退伍之后，从事实业大有裨益，故不得谓国民之服兵役为分利也。

英国友人瓦梯氏复寄一书与我，诚多情也。

### 三 月

**一日** 读瓦梯氏寄来恶克斯福论文集，有一篇言此次英国对德国宣战乃为义战，其言塞尔维亚与比利时，皆为国家之名誉而战，不惜供莫大之牺牲，令人慨然太息。吾国人对于强邻之压迫，常以退让为事，驯至成为顽钝无耻之国，乃塞尔维亚、比利时之不若，亦可痛矣！

读欧洲战役史论，甚感任公之熟于史事。余读恶克斯福论文集，有一篇论民族主义者，言欧洲形势甚详，大足证任公之说。此文谓国家须建于民族主义之上，乃能安全而无政争。德国之大日耳曼主义乃是合于民族主义之真精神者，彼欲合并荷兰比利时与瑞士一部分操德语之地方，不知荷兰久已别为一国，久已自成一民族，决不愿与德国合；比瑞亦然。即阿尔萨斯与罗连二州，德国以其旧属于德也，普法战役之结果迫法国割让之；不知二州之人久已同化于法人，与法人亲密而不愿隶属于德。经四十年，卒酿成此次法国复仇之战，是借名民族主义而不合民族主义之真精神者也。

二日 恶克斯福论文集又有一文，论小国之价值，言德国人提倡帝国主义，以为小国无存在之价值；不知小国各有特性，俾小国存在，可以增人类全体之特色。自古以来，小国之有影响于世界者不少；如雅典威尼司牙内哇是也。又使小国介立于大国之间，为瓠脱之地，可以缓和各大国之争阨。又现在海牙国际平和裁判，虽不能竟弭战端，然可以解纷，可减少战争；欲维持此平和裁判，不可无永世中立之诸小国。按春秋疾始灭国，疾始取邑，亦即此意。

著者又言待被征服之民族以苛虐，势必至待本国人亦以苛虐，如毒之散布然，所得小而所丧大。又言德国竭力欲同化波兰与阿尔萨斯、罗连，而卒无效；正与孟子所言以力服人者非心服也，力不赡也同意。又言英人前日之待爱尔兰人，正与德人今日之待波兰人相同；英人久已悔之，而德人乃蹈其复辙。又言阿尔萨斯与罗连自归德籍以来，物质生活非无进步，而拂其好恶之天性，彼等终不乐德而心向法。阿尔萨斯从前本属德，1648年乃归于法，罗连从前亦本属德，1764年乃归于法，彼等已深信民主之主义，故

不乐再归其祖国也。

三日 亚细亚日报言袁项城乃袁崇焕兄弟(崇煜)之子孙，前有预言者谓袁亡于清，清必亡于袁，亦有趣味之佚事也。曾记往年日报载有一段，谓孝钦之祖先为满洲人所杀戮，故亡清以报之。此说不知有据与否？礼曰：“直情而径行，戎狄之道也。”又曰：“礼之近人情者，非其至者也”春秋变周之文，从殷之质。质家亲亲，近于人情；文家尊尊，不甚近于人情。以中国风俗与西洋风俗较，则中国人尚文，西洋人尚质；中国人以敬为主，西洋人以爱为主；西洋人不惮于人前表示其爱情，如接吻、抱腰、握手等礼是；中国人则不肯轻于表示爱情，似以表示爱情为可耻者。夫妇且然，其他无论矣。要之过褻不可也；过严亦不可也。

四日 昨为生徒讲修身，中有一条曰：“亲旧假贷，只须量力捐助以尽吾心，勿出本图利以生后隙；孤嫠婚丧，诬枉困甚者，尤必恳恻援济”，大有感于余心。余宗族亲戚之间，近日竟有三人需余之救助者，余勉竭绵薄，亦吾心实有不能恝然者。汤君思明昨为余言：近岁所得薪俸共七千元，而资助朋友者乃三千余元，亦可谓难得者。

今日从周印昆处借来曾文正手书日记，共四十本，卷首有王壬老手书之序，言名人日记存者率不过百数十页，近岁李纯客始以巨册自夸，而余亦存日记三千余页云云。余写日记亦有数十年，但时有间断；且纸幅宽窄长短不齐，不能如文正之首尾一致。且纸亦不佳，书法亦不佳。今且用此种纸本，将来再易精者可也。

观文正之所以自克者，如多言、好名、忿怒等，余幸无之；又如好谐谑，亦非余之习惯。

观其所读之书，为史记、后汉书、王荆公集、苏诗、韩诗、归震川文集、易经、诗经大全、张杨园文集、近古录。

观倭良峰所批，可见其用功笃实，过于文正，宜其为文正所敬惮也。文正日记有一节纯用楷书，盖慕效良峰之所为也。文正日记亦有间断之时，断而复续，要愈于断而不续者。余亦欲从今日为始，以后至少必写日记一则，决不间断。

**五日** 今日下午渡河，第一次因撑划子者不在，坐渡船过河，第二次坐划子过河，而搭客太多，几为水上巡查所见。小民但知图小利，不以犯法为可耻，国民程度低劣，良为可哀。

读曾文正手书日记，每日传见百长数人，将所答之言记载，并载其批评。如朴实；眼圆而动，不甚可靠；语次作呕；明白安详，拙直、长工之才；长而清，可充戈什哈；挺拔有静气，矮而精明，满面堆笑可爱；目动言肆，有静气，有良心；神昏，眼圆人滑，视下，目动神很；朴实明白，静而明白，皆评语也。

至刘松山之评语，则尤有可录者。刘松山七都山枣人，曾在季洪处当长夫。四年冬，在铜钱湾入璞山营，其兄在岳州阵亡。母存，父歿，嫂嫁，有二侄。据称东安郴州之战最苦，吉水潭田墟之捷最伟。王枚村不言而善战，挺拔明白。按刘松山后为名将，然最初乃为长夫，非遇事会，亦终老田间而已。曾公知人之识固不可及。

今将以后所阅之评语，一一录之于此。目不妄视，挺拔诚实，明白有情；父母八十，思归，语次欲泣；略油，乡间蛮人；挺拔有情意，漂亮，清而有情；短小精明，朴实壮健；萧孚泗口拙讷，神不外散；刘湘南眼黄有神光，鼻梁平沓，口圆有童心，腰挺拔，面英发可爱；熊登武。目有精光；三道分明，鼻准勾而梁方；口有神而纹俗；张胜禄口大似王惠三，目有神光，人倜傥；廖世霖鼻梁直，腰身正，头发眉毛有浊气；李楚盛大辫子，面有骨□目有精光数道；朴实可用；周惠堂颧骨好，方口好，面有昏

浊气，色浮不甚可靠；李祖祥目定鼻定，坚实可恃；傅裕昆鼻歪不可恃，色亦不正，微麻；周玉光目光三道清明；胡松江目清明，无雄气；黄东南目光三道，面麻，声不雄；钟辅朝目清而不定，明白、滑；吴兰惠面偏神动，目有精光，跳皮；彭琼英鼻正，眼不敢仰视，面有正色，耳好，王春发口方鼻正，眼有清光，色丰美，有些出息；毛全陞鼻梁正，中有断纹，目小睛，无神光，口小不可恃；唐顺利目小有精光，眉粗，笨人，发粗。

**六日** 文正所读书，又有四书、诗经、书经、陆宣公文集、司马温公文集、文选。

求阙斋日记中庄子所谓观物一则，余能诵之；及读其手书日记，乃知此则书于得三河败报之后。

商务印书馆总经理万君亮卿权请至天乐居吃大餐，同席者有胡子静、彭泉舫、何特循、俞敦华、俞蕃武、狄昂人、姜咏洪、王孝苏诸人；以中国人而用西式，有许多不合款者。隔壁则弦歌之声与喝采之声不绝。

**七日** 曾文正所阅书，又有礼记、史记、惜抱轩文集，方望溪文集，李穆堂文集，张文端聪训斋语，张文和澄怀园语，纲鉴易知录，唐宋诗醇，古文辞类纂，惜抱轩尺牍。

求阙斋日记，剃头洗澡皆在记录之中。

文正在建昌抚州时，每日所行之事，为清理文件、写信、核稿、会客、见哨官、写字、看书。

闻孟慈言，行严现在兼习法文、德文，每日在学校习四小时（又言其西洋书籍颇多，约值六千元），其猛进有足使人奋励者。余因言求学为急，杂志即暂时不办可也。

**八日** 昨夜清理近岁日记，因眷作一本以志鸿爪，中多间断处，良为可惜，拟此后不再间断。

钞戊申、己酉日记，当日友朋相爱之处甚多。余此次归国，决计以冷静之态度对于社会，乃矫枉过正，甚至宜往之处亦未往，颇觉歉然。

**九日** 昨日接浞北淀中国学生会来信，并规则，举李骊丞为会长，郭之奇为华文书记员，因余曾留学浞北淀，照其规则当然为名誉会员。阅之觉有感慨。现在留学彼地者多为新加坡，槟榔屿等处华侨之子弟，不识华文，不谙国情；且皆少年，血气未定。留居海外若有败行，不仅身家受亏，并于国民之名誉有碍，此年长者所应负维持之责者。余拟撰英文信一函以表规劝之意，但久疏于此事，恐文法错误，反为少年所笑耳。

阅东京朝日新闻，言法国人有久佣于日本公司者，此次赴战，从容告别，为法人例外，盖受日本人之影响。法国人出战，父子夫妇泣抱为别；日人或从旁劝之，则曰：处如此之时，欲不哭得乎？即以美术邮片而论，英国之邮片则颇有乐天之意，法国之邮片则多为战士夜梦其妻，子因其父出征跪而祈祷之画。即如绘德人之残虐，英人则绘德人炮击寺院之形，法人则绘德人以巾束法女之目而枪毙之之象，可见法人之多感情用事也。

**十日** 昨日将航海日记誊完，接誊己酉庚戌日记。惜其有间断也。当时与笃生往来最密，而今已不在矣。追念前游，不胜惆怅。

**十一日** 昨日午后至徐长兴，穆海鹏翼南陈赞成创时索隆建树白郑铭濬四人公请。同席者有余敕华、胡子静、马惕吾、何特循。陈夙菴以病未赴。徐长兴以二百金之资本开办十七八年，今乃建三层楼，可谓善于营业，亦可见物质生活之易于发达也。省中各酒席馆，现皆可以呼妓侑酒，一如上海。此事乃余出洋以前所未见。社会日趋奢淫，殊非好气象也。徐长兴之主人颇好书画，

乃江宁人，亦奉回教者。

余昨钞庚戌日记，忆余曾学骑自行车，学打网球，而均未成，良为可笑。此因少年未从事于运动，年长厌倦，觉无趣味，故少尝辄止也。从前日记颇多，一刻难以钞完。拟以后每日钞一月之日记。今日将庚戌六月日记钞毕。同居陈君名鼎忠，曾君名运乾。陈君今日上午来谈一刻，以官书报局之图书汇目相示。有汤将军序，骈文三千余言，乃官书报局编辑处处长罗田王葆心所作。王君学甚情。有古文词通义二十卷，历朝经学史三卷，经学研究法前编三卷。接阅曾文正咸丰九年十一月手书日记。以后拟每日看一月。文正在宿松时，每日出看营墙。

**十二日** 昨夜大风，今晨犹未息。恐不能过河，不免缺课。此为地势所限，当多译心理学附录，以补其缺。

文正札营，每以罗盘定周围地方之方位，查各营所掘濠沟，用竹竿量验。每营皆步行亲量，观其果掘自一丈五尺否。文正又亲点各营兵勇之名。

今日看文正咸丰九年十二月日记，兼看同时之家书、家训，于文正为事益为瞭然。惜无书札奏牍耳。

**十三日** 至城南，归后钞庚戌八月日记。阅文正咸丰十年正月日记，并阅是月之家书。

阅时报载女士张藩绝命书（女年十九岁），渠以父母均死，又无兄弟，茕茕无依，遂蹈海而死，而以遗书劝国人敦崇道德，其志可哀！其言曰：余之死非以钓名也，身之不存，名于何有？呜呼！谁使吾同胞有死之心，无生之气？逝者已矣，生存者不可不努力也。要之自杀为罪之观念，尚未入于国民之脑中，是则可忧也。

阅陈君曾君所作通史序，有云：盖以清季浮诞，厌恶国闻，

颂扬远西，以为斗报，事事模拟，貌合神离，不知其学固周秦诸子之唾余，政尤封建时代之余习。例如言选举则议复世卿也，言均富则议复井田也，言自治则近议规复土司远议复行封建也，言征兵则议复兵农合一之制也，言教育则议复家塾党庠州序国学之制也，云云，余不以为然。

**十四日** 梁任公哭孺博十首 冤愤诉真宰，何为此生才？生而百忧患，年命况相催！沧海干残泪，名山阨古哀。由来关世运，不独我心摧。学贯天人邃，身兼道器尊；沈冥观末俗，内热为黎元。牢落真何得？流传只罪言。大荒披发者，应是未归魂。十载瘴江路，无家更苦饥，独忧天下溺，此谊古人稀。余事归吟望，流风尚起衰；只今俱已矣，吾道适安归？

时贤多好我，笃爱孰知君？责善无宽假，持危更苦辛。绸缪皆大计，商略到斯文。此后青灯夜，高言可复闻？去年作重九，并马俯长城；得句颇相诧，传觞亦屡倾。送君及明发，临别已吞声。谁信西门路，交期尽此生？所婴竟何疾，属疾竟何时？鹏集原知命，云归亦太奇！诸孤未六尺，两弟各天涯；泪滴重泉尽，天高听岂知？居乱生何乐？一暝良亦佳。君看此大宙，何处著吾侪？壶子随灰灭，刘伶并锺埋。料胜宝残喘，魑魅与安排。亦悟达生理，其如有肺肠？哀时常逼仄，感逝益旁皇。梦警风吹竹，诗成月满梁。百年今夕意，遗涕视襟裳。

**十五日** 余思旧日记可以停钞；从前日记之不成片段者，惟戊申己酉庚戌三年之间，今既钞成片段不致散佚，此后则皆有完全之本可存，亦不必急于抄录，恐有妨贵重之光阴也。曾文正手书日记既系借自他人，不便久留，当速行阅览一过，送还之后，再看他书可也。

**十六日** 昨编论语类钞，未看文正日记。从昨日起，每夜查



问珍儿本日课程。

**十七日** 昨为生徒讲：“以约失之者鲜矣”，言余尝教人以有胜于无，动胜于静，乃是为太无作为之人而立论，其实有为固不易，有不为亦不易。社会时时要求我作事，欲拒斥其不合为者，非有十分之果断与定力不能。船山尝言：“动固动也，静亦动也；动则使静者动，静则使动者静，皆非用力不可”。此说正与力学惯性之法则相合：物之静止者非加以外力则永永静止而不能动，物之运动者，非摄以外力则永永运动而不能静。人生世上能活动者几何，而应中立不动之时较多，故居静未易言也。孟子曰：“人有不为也而后可以有为。”常解有不为，多作有守解，如不要钱等事是。愚意有不为不但是是非上不当为者，兼含有选择比较上不当为者在内。

**十八日** 袁子才不甚信佛，然独信因缘之说，此说亦颇有味。日本谚有云：袖偶相触，三生之缘。长沙俗语亦有曰：十世修来同船渡，百世修来共枕眠。此言现在之结合并非泛泛，所以劝人重此结合也。西青散记有一则亦言此理：有美女嫁丑夫而幽怨寡欢，一士人晓之曰：“凡今世耦丑人者，乃前生鄙薄丑人之报；宿业现前当欢喜领受。”妇感悟，善遇其夫，没齿无怨言。此学说有使人心慰安之价值，故流传于社会也。

日渐长，晴天早起，鸟雀争鸣，觉甚快也。

今日渡河，天气清明，堤边新柳青青可爱。

**十九日** 昨读斯宾塞尔心理学数页，从今日起拟将培因心理学之论感情者细读一过。斯宾塞尔心理学亦拟读一遍。与晋夫久谈，未读书。

**二十日** 余亦如曾文正之祖父，不乐闲人久居于家中；间有不知我意者则正言告之，不勉强为伪善以自苦，亦善保爱情之道

也。

取法乎上，仅得乎中；取法乎中，不免为下。宗教言每悬一至难之标的，而望人能行其易者；不知此意者，则以为不近人情。如伯姬待姆不下堂而死于火，春秋录之。伯姬或不谅其将被焚死，因守礼而迁延，遂陷于祸，其遇可悲。若曰宁焚死而不可不待姆，则愚亦甚矣。孟子所谓“嫂溺不援，是豺狼也”。处此要有权变。然伯姬者，则因守礼而误陷于死者也。春秋之意，决非以临火灾而待姆之事望之人人，不过曰如伯姬者，虽冒焚死之危险，犹且守礼；今人无此危险，岂犹不能守礼乎？此亦悬一至难者以为标的，而望人能行其易者之例也。犹记戊戌岁在岳麓曾作原教之文，亦有此意。谓观忠臣孝子义夫节妇处变之事，使人居平日亦增长爱情；国家旌表节孝，非以教人处变，正是教人处常之道也。

**二十一日** 昨日在旧书店购皇清经解一部，360本。完全无缺，价钱三十串，余甚以为喜。余家初无此书，而笃生家有之，故笃生多看此书，余则所看甚少；因借读究不便也。使当时我家有此书则余之获益必较多，此又足证余致功于实事实物之说，正所谓无母财则不能生息，无谷种则不能生芽也。

昨夜，看毛奇龄论语稽求编，详稽事实，引证甚博。

今日看王引之经义述闻通说，惠士奇易说，春秋说，皆随意看数条以知其性质。其说春秋也，汇钞三传而以己意发明之，甚有可观。余亦曾汇钞公羊传，但不如惠氏之兼钞三传，且自有所说耳。惠氏熟于周官，多引周官之义以解春秋，而或者谓周官为伪书，则惠氏之根据已不甚确实；但其所说原原本本，六通四辟，非好学深思，未易臻斯诣也。学海堂经解中，乃有王懋竑氏玉山讲义辨，辨宋儒之语录，亦颇有味。

**二十三日** 昨日看经解之外，又看培因感情论；高岛平三郎

应用心理学讲话感情论。

为生徒讲贤者闻人讥笑若不闻焉，此岂不省事！谓人生在世，安能禁人之讥笑？闻人讥笑而发怒含怨，则自寻烦恼，心境不能平安。大凡人讥笑我，原欲使我不快，我若发怒含怨，是适中其计矣。总之，若为人之讥笑而不快，便已大大吃亏。智者闻人讥笑若不闻焉，则我无所损而彼为枉费气力，是损失反在彼也。此亦至明之理，说来不值一笑，而人往往不知之，亦不思之故耳。

今日看玉山讲义考，惠士奇春秋说，江永周礼疑义举要，皆随意摘读；以后每日翻阅数本。此非看书之正轨，不过欲以知其内容之大略，以便他日先后择读。

**二十四日** 昨日复读全祖望经史问答数则，其论春秋也，多论事之文，甚有可观；与船山之春秋家说春秋世论相似。今日读斯宾塞尔心理学之论感情者，颇感趣味，较胜于读日本人所著心理学。

**二十五日** 昨复读惠栋周易述数页，多据虞氏之说，不甚了解，不如读船山之周易内传也；惠氏又杂引经传之言元深一积神等字者。康南海之春秋董氏学，亦以此等抽象之字标题；而康氏之书读之较有趣味。总之论形而上之事，则汉学家究不如宋学家也。因思皇清经解之价值，在于解释文字，考证事实，稽求典制，识别品物。

阅文生士员修身笔记，摘录其精要者于此：重黎绝地天通，乃我国之宗教革命也，换言之则为政教分离。人类愈野蛮，愈多迷信，世界皆我心，我心之外无世界。四知以我知为尤要，我即天也。伊川似晦庵，明道似陆王。实现自我，为人生之目的。朱子谈理，不独玩弄光景，必说到学者下手工夫，此可见朱子之精神。离气质不能言性，康南海论性重习，故谓顺而率性者愚，逆

而强学者智，人必特别努力，庶可异于常人。后夫可尽人力，夫性近习远之说，乃教育可能论。左文襄治宋学，方其长醴陵书院，适陶文毅自赣返湘，道经醴邑，邑令请文襄为联。曰：春殿语从容，念在家山，印心石在；大江流日夜，八千子弟，翘首公归。文毅奇之，一见如故，延至其家，训其子八载，订为婚姻。林文忠亦由胡文忠介绍，与文襄在舟中畅谈甚久，其所谈皆天下大事。语曰：与君一夕话，胜读十年书，不其然乎！墨子言，爱人之父，人亦爱其父；孟子则言，杀人之父，人亦杀其父，是亦相合也。周代农家以农为主。近时“社会主义”工党，以工为主。儒家拘于立长说，致汉高立惠帝，晋武立惠帝，唐祖立建成，明祖立建文，皆酿巨祸。霸为中华统一之阶级不可少者，处世择事而为，非有果断力者不能。勉强行事，往往鲜克有终。事多则不专，盖精力有不及焉。

阅惠栋九经古义，余思此种琐碎之义，当摘录之于十三经注疏之眉。阅庄存与春秋正辞，颇有趣味。余前曾汇钞公羊传，此书亦类钞之体，虽不如惠士奇春秋说之好，其议论亦有可观者。

**二十六日** 昨日又读斯宾塞尔感情论，英文书字小，有伤目力，惟白昼光明时乃读之，晚间只能读中国书。余思当务为急；余现在教授心理学，则多读此种书，乃于余之职务有益者；当少看他书，而以全副精神注之于此。

**二十七日** 昨在岳麓，晤吴雁舟先生，言其治佛学渊源于其母舅曹镜初与黄小鲁兄弟。曹镜初与杨仁山善，渠与仁山亦谊兼师友。镜初为其业师，人谓其兼仲尼与墨翟，笃志力行不尚声华，与人罕交接，故其名不著。四十以后，即吃白水斋，并不用清油，但用少许盐而已，此其苦行之一端也。又言哈同花园佛经价二百元，杨仁山所刻约占全藏之半，皆精要者。专买杨刻亦可，字较

大而价较贵。省城亦有七十余种，约六七十串可以购得，在上林寺发售。阅刘生大让修身笔记，摘录于此：

道德者克己之连续，此语最精；东京高等师范伦理教授吉田静致云：人有习惯我（现在我）、理想我（将来我）；人须破除习惯我（克己），实现理想我（成己）。理想我既实现，又成为习惯我；然理想进步者也，故克己须连续。汤之盘铭曰：“苟日新，日日新，又日新”；即此意也。

宗教之起，源于恐怖，心理学已详言之。盖野蛮人畏天之风霆雷雨，故有仪式以承奉之，所以求其福佑也；及世界进化，人知法天，则报本反始之义，圣人不废，以万物本乎天，人本乎祖，故事死如事生，事亡如事存；非以求福佑也，实爱情之迫而有不容己者焉。此于家庭教育有关，似无破之之必要。西人笑吾国祭祀祖先以为愚，余亦承认之，因人类皆不免于愚也；安知崇拜耶苏非愚之甚者耶？又一留美学生谓中国传教者禁人拜祖先及父母与孔子，此为耶教传布之一大障碍。余以为至祖先父母孔子前行跪拜之礼，似无愧于上帝，余能决然行之云云。有人评之曰：可谓义勇。盖彼乃一耶教徒而能出此言故也。

余研究学理十有余年，殊难极其广大；及读谭浏阳仁学，乃有豁然贯通之象。其序言网罗重重，与虚空无极，人初须冲决利禄之罗网，次须冲决伦常之罗网，次须冲决天之罗网，终须冲决佛教之罗网。心力迈进，一向无前；我心随之，猝增力千万倍。开篇言以太能显出宇宙之全体：自身而家，自家而国，自国而地球，自地球而太阳，自太阳而昴星，自昴星以及无限之世界，皆互相维系，终古如斯，无非以太之力。吾由此而知吾向所抱持之宇宙观念，不免太狭隘也。

余在滬北淀时，英国学生开一讨论会，讨论意志自由与否之

问题；反对自由者甚众，因彼等多为耶教徒也。一英友为余言之，时笃生亦在座，笃生颇信佛教而不信耶苏，主张意志自由甚力。英友难之曰：“君为谁造”？笃生答曰：吾为吾造，英友瞠然莫知所对。

**二十八日** 阅张生超修身笔记，摘抄于此：“刘少少君谓倡学说者天下之至勇者也，信哉是言。泰西如梭格拉底耶苏及其十二大弟子，皆以倡学说而受祸。惟我国圣人道本中庸，不为奇离骇世之论，而易知易行，故不至于死。然犹微服过宋，菜色陈蔡（孔子），戒心于薛，困厄齐梁（孟子）。即至汉代，武帝欲尊孔子而当时学尚黄老，且有窦太后为之主，以致卫绾王臧下狱自杀；直至太后死后方得复行。降至宋代，洛党蜀党互相倾轧，晦庵象山各自树一帜。君实既目为党人，晦庵复斥为伪学。迄于有明，阳明之学亦颇遭时禁；可想见倡学说之难矣。大抵学说愈强则受祸愈惨，影响亦愈大，倡学说者宜自知之。

守死理道，含宗教之意味。传云：“天命之谓性”，君亲虽大，终不及天，因其以致尊者为的，故臣子之志有非其君亲所能夺者。春秋传曰：以君统民，以天统君，以元统天，亦是意也。

夫为妻纲，至今日理论上主破之者甚多，顾在习惯上有难破者。如女从男系，于其翁姑夫皆斩衰三年，于其生身之父母则降服；又夫于妻丧依期服一年，即刑法上亦不平等，非惟我国为然也，各国亦妻从夫姓，女子无参政权，此固由男子之体力智力本优于女子，其享权即亦自优也。

日本志贺重昂以谓墨西哥受屈于美国，经五次革命而国不亡者，其民之爱国心强也。彼美人虽思抚而有之，而墨人之对美硬，卒不为少衰；此墨人之所以得存国于一线也。

竞争者进步之母也；非惟与同时之名师胜友相竞争，且进而

与古人先哲相竞争，竞争不已，而进步随焉。惟竞争之起在于刺激，如吾人久未读书，不晤良友，则不免悠忽，一亲书卷，或与良友相会，则精神为之一振，刺激为之也。故子贡问为仁，而夫子教以事贤友仁，古人千里求师，亦此意也。

野蛮时代之崇拜鬼神，起于恐惧，继乃进于祈祷，终乃进于法天。研究道德观念之进化者，谓自开创至今，有习惯不变而动机已变者，如上述之宗教其一也。有可知者，有不可知者；吾人当从事于可知者，不必强求其不可知者。夫子乃以道为目的，不以道为手段者。实现自我者，实现自我之理想也。朱子曰：人外无道，道外无人，此八字明人道相合，与伦理学全称肯定命题之一例，甲即乙二者之外延内容相等者适相符。张子谓心能尽性，人能宏道也。以心代人，以性代道，移近一层说，即心理学所谓以抽象的性质代具体的事物之法。

**二十九日** 昨看钱大昕潜研堂文集数则，有一条论七出者颇有味。程瑶田之著述甚多，皆考证典制名物者，甚可钦佩。

今日看斯宾塞论利他之情一章，又看东京朝日新闻，又看毛奇龄春秋传三十余页。毛氏说春秋以左传为主，而以公谷二家为道听涂说，尤诋胡传。考证该博，议论纵横，亦颇可看。其解春王二字，则杜撰无理。

**三十日** 昨阅段玉裁古文尚书撰异，此与瞿灏四书考异皆为有价值之书；又阅其说文解字注数页，遇象形会意之字，用朱笔圈出。

余思看学海堂经解，当先看其全列经文首尾完备者；单辞碎义，则附载于其眉上可也。

戴东原集有论性二篇，又有法象论，此为汉学家论及形而上学者，今世学者亦颇称之，究不甚精深。



**三十一日** 昨为生徒论择交之义，谓青年总以寡交为善；与其交友不如亲师，师乃朋友之年长者也。家庭教育亦当注意于子弟之交游。曲礼曰：“夫为人子者，出必告，反必面，所游必有常，所习必有业。”子弟出入，不可听其自由，恐其滥交而染恶习也。古人得一友必以告于祖先，其郑重可知。古有士相见礼，士相见以介，亦犹男女之知名以媒也。古人之不轻于交人如此。学记：“七年视论学取友，谓之小成”；而三年则但视其乐群，五年则但视其亲师，正可为青年不便论交之证。

汉书载杨王孙裸葬之说，此亦一种之人生观也。刘伶荷锺，曰：死便埋我，亦同斯意。延陵季子葬子于他乡，孔子称其合礼。同在此地球，是处处青山可埋骨；必归葬故乡，未免多事。笃生葬利物浦，本吴稚晖发议，余赞成之，性恂亦赞成之。其信中云：“如中国有重见天日之时，则烈士英灵自当随怒潮东返；不然，则大陆沉沉，猿鹤虫沙，生者且不知死所，归骨又奚为乎？”其语绝痛。书王孙之事，联想及此，因以志亡友之佚事焉。

## 四 月

**一日** 昨任君梓园来，请往群治法政学校担任伦理学之教授，余以钟点已多，精力不继辞之。盖余同时须编四份讲义，再加钟点，实有未能；然人有所希求于我，而令之失望，此心亦觉歉然也。

第一师范学校学生要求补编儿童侦探，余诺之而尚未从事，昨又有人来问此事，当于月内编成。

**二日** 昨日编儿童侦探，看毛奇龄春秋传28页，其解尹氏卒，以为即隐十一年左氏传所载之郑大夫尹氏，可谓异想天开。其辟胡传处多近理之言。又阅焦循孟子正义，似无大味。阮元亦多言



形而上学之事，与戴震相同，其汇集论语孟子论仁各章而附以案语，颇与余之论语类钞相似。

**三日** 昨日续编儿童侦探，未看书。

闻杞生言黄秀生在四川时，曾司发囚餉事，不克扣，不延期。后民国反正时四川大乱，渠几不得免；一囚犯识之，感其德，护送之出境，勿谓行善者无好报也。彭石如从广西归，险阻备尝，亦得囚犯之力；此皆近事之可传者。

四川盐价甚廉，以豆粉为食，杞生归时乞食行数百里。施食者乃地方人之义举，存物于大道傍之饭店，以济万里归乡之人，亦可感也。宝庆煤价甚廉，一串钱可买十二担，木器亦甚廉，有人以舟运煤至汉口连舟卖去。

**四日** 朱云谷堂因丧事，先出招贴，给乞食者每人钱百文，多人群集，遂至践踏伤命者数人，有一母二小孩全家毙命者，呜呼惨已。每人抚恤百文，究何所济？施惠而不知施惠之道，反致造孽，此事当志之以为后戒。或曰：此亦巡查监护之未得其方也。

**五日** 昨日编儿童侦探完，一日未读书。

毛生泽东，言其所居之地为湘潭与湘乡连界之地，仅隔一山，而两地之语言各异。其地在高山之中，聚族而居，人多务农，易于致富，富则往湘乡买田。风俗纯朴，烟赌甚稀。渠之父先亦务农，现业转贩，其弟亦务农，其外家为湘乡人，亦农家也，而资质俊秀若此，殊为难得。余因以农家多出异材，引曾涤生、梁任公之例以勉之。毛生曾务农二年，民国反正时又曾当兵半年，亦有趣味之履历也。

今日译斯宾塞尔感情论，因熊生光楚之言有感。重看曾文正公手书日记，拟每日看一本，月余可以看完；随手摘钞、除可以为法者外，兼录文正居住之地方，与授官拜爵之年月。今日看曾

文正手书日记第八本完。

昨译儿童侦探，今译斯宾塞尔感情论，此为余译英文书之始。输入文明，乃通晓西文者之责任，此后当屏除他事，努力为之，多出一部书，即为社会增一分精神之财产。

**六日** 十一日将往长郡学校讲演，宜先豫备一草稿；所欲言者为自重、爱国、乐天、求己、博学、深思、力行、卫生、清洁、肃静。

今日作长郡中学校讲演稿，未毕，看宋元学案中震泽学案，刘李诸儒学案未完，用红笔点一过，加圈批，又阅文正日记第九本完。

**七日** 湖南广西各处地方，有妇人耕田，而其夫反安坐者；女子服奴役至于斯而已极矣。广西边地亦用妇人耕田，如欲雇一佣工之时，则买一妇人；日则耕田，夜乃作妾，不用时复卖去之。各省文化之程度其不同如此。

至吴雁舟先生处，言四十二章经似论语，圆觉经楞严经似大学中庸，大乘起信论似孟子，六祖坛经似传习录，华严经似周易，祖宗八要似论理心理。

**八日** 昨阅文正日记第三十八本未完，此辛未年之日记也。因闻印昆将北上，此书当还之，故看其最后之一二年。又阅刘李诸儒学案，吕范诸儒学案未完。

昨至天心阁，阁外城墙之上设有长椅，此从前所未有也。闻岳麓山中现亦设之；此亦警政进步之一端。上天心阁眺望者须纳铜钱二枚以作修理之费，且示限制，此仅能限制极贫者耳。余昨登阁一望，有客在中击桌唱戏；公众之地不顾他人之嫌怪，此亦国人程度低劣之一端。西人格守公德，在公众地方无敢如此放肆；以我较彼，殊不及之，可愧也。

**九日** 昨日草长郡中学校演讲稿完，译斯宾塞尔感情论情绪之表出完，看吕范诸儒学案，周许诸儒学案未完。

**十日** 昨日看周许诸儒学案，王张诸儒学案，又看毛奇龄春秋传数页。

高等师范学校拟设文史科，省城各学校长拟组织一校长会，皆学界进步之征兆也。

**十一日** 昨日看毛奇龄春秋传数页，第一本完，又看惠士奇礼说半本。惠士奇氏熟于周秦汉代之古书，沈博绝丽，经说若此，可当作文。

昨为生徒讲待奴婢之道，因言凌磨幼媳亦中国社会中至惨之事，所当极力防止，庶合于人道主义。吾乡十余年前曾办保甲。无过者入正册，不肖者入另册；每年委员下乡一次，执而惩办之。凌磨幼媳者亦入另册，恶风稍为衰止；此亦维持社会者所不可不知。

前日往岳麓，在舟中闻人言：新柳叶可掺入茶叶之中，言之甚易，若不知作伪为可耻之事者，此国民程度低劣之证。曾闻人言茶商之所以失利者，多因货劣而滞销之故；而货之所以劣，不仅因做法不善，亦缘乡民担茶叶求售者已有搀杂，故茶质不良。欲振兴茶业，非彻底澄清不可；必须山户群知作伪但能获细微之赢，终将失永远之利，群相劝戒，不许搀和伪叶，斯亦小学教修身时所不可不提倡者。

**十二日** 昨日看惠氏奇易说，亦多说事理，博雅可玩味。

昨日为生徒言看鉴之法，如袁了凡纲鉴，纲鉴易知录皆可看，因本数较少，易于卒业也。单看学校用之历史教科书，难于得历史之观念，但此二书所附载之论说多迂腐，不可不知。御批通鉴辑览、资治通鉴较详，亦较雅；御批通达事理，较胜于前二书所

载之论说，惟主张君权，专制太甚，不合于近世之政体，不可不知。余常教学生分类钞御批，又拟将资治通鉴之臣光曰录成一本，非独识议胜人，即文辞亦可读也。至船山之读通鉴论、宋论，则又胜于御批与司马氏之评论，此亦可以分类读之。余尝分读通鉴为三大类：一曰世界的理想，二曰国家的主义，三曰个人的精神。第一类又分二子目：曰世运、曰礼教。究古今之变，通天人之际也。第二类又分二子目：曰立法、曰行政。第三类又分二子目：曰启天良，曰练心才。余最重个人的精神，又重行政与世运；因立法之事，今昔情势不同，船山所论多有已成明日黄花者。礼教之事，以今日之眼光观之，亦有不免属于迷信者，吾人当分别观之。

昨为生徒讲家法，因言“子曰：父在观其志，父没观其行，三年无改于父之道，可谓孝矣。曾子曰：吾闻诸大夫曰：孟庄子之孝也，其他可能也，其不改父之臣与父之政，是难能也”。居家之道，亦以能用旧人，照老例，为根本深厚之气象，旧家多有数十年之老仆，此亦难得之家风也。孟子曰：“所谓故国者，非谓有乔木之谓也，有世臣之谓也。”居家亦宜知此意。老仆与世交，皆世家不可少之事，昔人谓无数世通家人往还，自是德衰福薄，故曰故旧不遗，则民不偷。

晏子曰：“婴之家俗有三，及病将死，谓其妻曰：吾恐死而俗变，谨视尔家，毋变尔俗。乃凿楹纳书，以为楹语。”此晏子之家俗也。

**十三日** 昨日看斯宾塞尔感情论，又看默堂学案，豫章延平学案未完，又看惠士奇易说，礼说，春秋说，又看船山春秋家说。

**十四日** 昨日看惠士奇春秋传，以较船山之春秋家说，觉前者考据较详，后者议论较多。

杞生言魏午帅（光焘）乡居，自奉甚俭，每食四簋，二荤二素，贵贱之客皆以此款之，无不会食。每年春秋二季请客二次，酒席以四五串为常，至贵者不过八串四百文。青年见之者则谆谆教训，其言甚长，谓人至四十岁则再不能长进，故对年长者可以绝口不言，而青年可与为善，故乐为之说也。

宝庆人多食冷菜，床矮，离地甚近。宝庆人喜饮汤。

刘湘萁言谭复生、黄公度亦曾有类钞论语之议，欲分出何者为小康之教，大同之教。

**十五日** 昨日看船山春秋家说，惠士奇春秋传，用朱笔点，加圈批标题。余总觉看此等书尚非正课，不遇因精神不甚爽，不能看西书，译西书，故择其易看者看之。然开卷有益，读此等书，终于识议文字有补也。

昨日为生徒讲远虑，言社会人事原因结果之关系，非深思无由知之。吾人论一事，当求此事之原因，而此原因又有其原因；如此逆推而上，乃至最初之原因；吾人能从最初之原因着手，则事易成而力可省。又吾人行一事，当豫思此事当生如何之结果，此结果已得之后吾又何以继之？如下棋然，必思吾动此子于此地位，敌手将如何应之？彼应我之后，我又如何应法？如此顺推而下，可至数子、乃至十数子。大凡下棋亦如用兵，多算胜少算，能多算几子者恒胜；此可以喻处事之道也。下棋又有二事可以为处事之喻者：一则先后着不可误，一则要着必力争是也。如下象棋然：得力之子不可移动，往往一动而局势遂输；人之处世亦有要地不可不争者；存心君子自得之体验中耳。

**十六日** 昨日读船山春秋家说，惠士奇春秋说，大中华杂志第二号第三号，译斯宾塞尔感情论。

**十七日** 昨日读惠士奇春秋说完，思续看船山春秋家说、春

秋世论，庄存与春秋正辞，毛奇龄春秋传，但恨未能专力于此，因尚须编译讲义也。

余前颇信公羊家言，及读后儒之春秋说，似亦有理，当以吾之良知判断而去取之。余去岁暑假乡居之时，日写札记一二条，多论改良家族制度之事。今年作治生篇，亦多言家族经济之事。今读大中华吴贯因诸论，多与吾论相合，惜吾论出版较迟耳。

昨日接到东京朝日新闻二天，乃朱重明所寄，盖王润生起程归国而托之也，润生亦可谓有心人。

**十八日** 前日看惠士奇春秋说完，拟再看一遍，将其说得好处加圈，现接看毛奇龄春秋传，随手加圈批。

穆君翼南言回教之戒律有数条，如妇人之声不得使外人闻之，妇人笑不可露齿，大小便时不得俯首而观父母之遗体，如欲入他人之房而房门未开，必先在外叩户得其许可而后推门是也。又言陕甘之信奉回教者尚守教规，南方信回教者则不如远甚，盖教外人之影响大也。

昨为生徒讲待人之道，言吾人当记人之恩而忘人之怨，记人之善而忘人之恶。常人之情，恩九而怨一，则记一而忘九，不平孰甚焉。记人之恩，则吾心常满以善感情，忘人之怨，则吾心不留一恶感情；生意盎然，慈祥恺悌，不独品性宜如是，即卫生之道亦莫尚焉。记人之善则吾自将模仿之，忘人之恶则吾自不至模仿之。凡观念皆有发为运动之倾向，其有时不发为运动者，有反对之观念制止之也。孟子言“生于其心、害于其政”，正言此事。吾人宜保存善观念而不使恶观念存留于意识之中，吾之意识中惟有善观念，则发为运动无有不善矣。君子恶称人之恶者，舜隐恶而扬善；盖称人之恶是教人为恶也。新闻中之三面记事，往往多奸盗之记载，颇有害于风俗，正以其暗示之力大也。船山言：“使人

闻恶事而戒之曰：此不可为，犹使人服毒而旋加以解毒之药，毒虽解而元气已受伤矣。”可不慎哉！

**十九日** 昨日看张清恪所辑之朱子语要，拟钞其精要者以教生徒。

**二十日** 昨日看培因感情论，因不必译，遂钞朱子语类辑略。

**二十一日** 昨日看毛奇龄春秋传数页。始温伯里先生道德哲学。

**二十二日** 昨日温道德哲学。

**二十三日** 昨日温道德哲学。又看王念孙广雅疏证，将其解经恰当者用红笔圈出。

**二十四日** 昨日温道德哲学。看广雅疏证。道德哲学中论欲望志向目的理想者，可译作心理学附录。

广雅疏证中有许多新解，当录之于各经原文之上。如云士梦作，莱夷作牧，作字皆作始字解，洵为惬意。

**二十五日** 昨日温道德哲学。

**二十六日** 昨日编论语类钞圣贤气象完。拟以此为止，不再编矣。看道德哲学，译其紧要之句，又译道德观念之起源及发达中论结婚者三段。

连日天雨，种谷尽烂，茶与菜均大受损失。今日天气晴朗，令人心爽。陈生昌言学校修身之课，多言下手工夫，但学生多不解人生之目的，故听之毫无感动，不能见之躬行，此语亦有理。然何以能使学生知人生之目的乎？恐亦非一场论说所能奏效者。总之为仁由己。学生自不肯用心思索，虽善教者亦无如之何耳。

**二十七日** 昨日译道德观念之起源及发达中之结婚论。看广雅疏证毛氏春秋传各二三元。看温脱氏道德目的论。

**二十八日** 昨日看毛氏春秋传。

**二十九日** 昨日看道德哲学。

有一湖北宜昌人，留学西洋习农林之学，归国后张香帅以月薪五百元养之，而不能行其言。此人乃辞去，自买一山地实行开垦，布种杂粮，兼种树，又经营畜牧之业。初一年雇工八人，晴天则在山中作工，雨天则在家中碾米，一年之后获利五百元。乃加雇工八人。如此逐渐扩张，今已拥数十万金矣。其初经营此事之时，亦赖亲友之助，当时人颇以其辞去每月五百元不劳而获之薪俸，而谋此难得之利为不得策，不知渠乃成功如此，此亦现在不可多得之人才也。志之于此以劝能者。

**三十日** 昨日看道德哲学斯宾塞尔感情论，译结婚论。

## 五 月

**一日** 今日无事可记。

**二日** 今日当续译结婚论，以期早日藏事。

**三日** 昨日人客时来，未作一事。

学校中乐歌之词多不雅驯，又喜作颓丧语，如云“声之凄惨哭地狱”，余深恶之，谓此乃亡国之音也。

湖南警察厅协同长沙青年会及妇孺救助会将设一卫生展览会，此亦社会之一进步，可喜之现象也。

**四日** 昨日译结婚论。

**五日** 昨日未看书作文。

**六日** 昨日看孔广森公羊通义，孔氏亦录唐宋诸儒之说，其所择甚精。

**七日** 昨日译结婚论。



**八日** 昨日看毛奇龄春秋传，参看公羊注疏，孔广森公羊通义。

毛氏专驳胡传，孔氏间引胡传。毛氏言母以子贵，妾母得为夫人，又引士大夫礼证妾之得以入庙，其说颇强。又言闰月亦告朔听政，亦能自圆其说。

**九日** 昨日阅毛氏春秋传颇多。

**十日** 中日交涉以昨日了结，虽未大失主权，然损失甚巨，此国民之耻也。

昨日阅毛氏春秋传数页。

**十一日** 昨日看福来友吉心理学要义与心理学精义之论意志者，拟以两星期专译之。又看大中华第四号，吴贯因主张自由结婚甚强。梁任公对于日本人之宣言磊落光明，应使有知识之日本人内愧。

**十二日** 今日因身体不爽，缺课一日，盖此国耻之纪念也。

**十三日** 今日仍不爽快，不能作事。

**十四日** 昨日未作一事，今日仍当休息一日。

**十五日** 因小病旷课三日，以今日为始，当重整旗鼓也。

**十六日** 昨日购曹耀湘墨子笈，其论法多根据名学。其论尚贤也，反对儒家之尊尊亲亲，其论尚同也，乃合于儒家大一统之义，但以为先有天子而后有各地方之长，究不合于社会进化之真相。其置重于人君之赏罚，亦与儒家尊君之义同；近日民权之思想尚未为所念及。其言天志明鬼，则颇似耶教；其非乐则持实用主义太过，全不知美育之价值；其非命则大似西人尊我之说，以之攻儒，究亦儒家之所说。其非攻则与近日之弭兵说全同。经说则古代名学之存于世者。晋夫昨日送新解老来，今日又得此书，两两相较，大有趣味。

**十七日** 昨日看墨子，今日精神仍不爽。

王壬老读墨要指，谓墨有三要：曰仁、曰俭、曰勤。仁者兼爱之谓，有二目：曰养、曰教，有财以分人，有力以助人，有道以教人也。俭者节用之谓，有用者谨之，无用者去之。勤者强行之谓，劳其心，劳其身。

又谓：儒者患道之不明，故学问思辨之功多而长于文，其利于人也久；墨者患道之不行，故力行之功多而长于行，其利于人也大。儒文而墨质，儒弱而墨强。

又曰：勤之道取于益，益于己，益于人，两益而无所损也。俭之道取于损，损于己乃不损于人，不损于人所以益人，亦即所以自益也。损己而云自益者，损在欲，益在理也。

**十八日** 为生徒讲朱子语类，因言人须先大节分明，再求细密；如见利思义，见危授命，久要不忘平生之言，皆大节也。能行此三句，亦可以为成人，可不勉哉！

**二十日** 有财以分人，有力以助人，固仁爱之实事，然犹不若有道以教人之所及者远也。盖分财助力，虽与人以物质的幸福，以道教人，则与人以精神的幸福也。孟子亦曰：“分人以财谓之惠，教人以善谓之忠。”王船山曰：“天地既命我为人，寸心未死，亦必于饥不可得而食，寒不可得而衣者留吾意焉。”亦言人宜求精神的幸福，不当徒求物质的幸福也。方望溪谓“朋友之道，以德业相劝、过失相规为第一义，而患难相助，有无相通，抑为其次”，正是此意。

**二十一日** 今日大雨，又不能往岳麓，连此次共缺席三次矣。拟用学生自习之法。

**二十二日** 昨日发愤译福来友吉心理学讲义之论欲念者。

**二十三日** 今日看教育大辞书之记意志欲望等者。

**二十四日** 今日当续译心理学。

**二十五日** 昨日译心理学甚多。

**二十六日** 今日无事可记。

**二十七日** 至第一师范学校，为国事而讲演，余以不死、求己、猛进、坚忍八字勉诸生。

**二十八日** 看天方性理，此书乃程君翼南所赠，余所得回教书之第一部也。其所言亦与中土儒者所言有相同者，亦有合于释氏之处，盖亦一种之哲学也。

**二十九日** 今日湖南开救国储金大会，到会者万余人，认储者已达八十余万元。

**三十日** 以今日为始，仍立一常课，每日看书数页，一书不完不看他书，即从Duway and Tufts:“Ethics”看起。

**三十一日** 昨日看伦理学六段，今日看三段。

## 六 月

**一日** 因近日劝人治英文，遂从昨日起复治德文，每日看一句，即作为未间断。现看德国学校教育。

**二日** 昨日看英文伦理学五段，德文一句。

**三日** 昨日看伦理学十板，德文一句。

**四日** 昨日看德文一句，伦理学十一板。

动物园之游人，以钱买一自虎口出入之制钱，每枚百文，云可以辟邪也。又绑斩首之犯之绳，亦有人买之辟邪，每根二三千文。愚民迷信良为可笑。

**五日** 昨日看德文两句，看伦理学五板。

四级二班修身毕业试验，题为以约失之者鲜矣说。肖生旭东

云：“约之义有二：一曰一生作一事，一曰一时作一事。”陈生绍休云：“我生精力有限，命此限量为万，则社会受我之力至多不过万而已；使我而万其事，则每事仅一力；使我而一其事，则一事而万力。事多力少则散而空，空则无有；事少力多则深而久，久则不息。是故其力之总和虽同等于万，而其效力则一为零，一为无穷大矣。”

**六日** 昨日看德文一句，看伦理学两段。

**七日** 昨日看德文一句，看伦理学三十二板。

**八日** 昨日看德文一句，(第二板起)看伦理学十三板。

**九日** 昨日看德文一句，伦理二十一板，希伯来道德之发展。

**十日** 昨日看德文一句，伦理学十七板，希腊道德之发展。

**十一日** 昨日看德文一句，伦理学第八章完。

**十二日** 昨日看德文一句，伦理学第九章六板。

**十三日** 昨日看德文一句，伦理学三板。

**十四日** 昨日看德文一句，伦理学十二板。

**十五日** 昨日看德文一句，伦理学三十板，第一卷完；又看第二卷第十章、第十一章完，至223板。

**十六日** 昨日看德文二句，伦理学五板。

**十七日** 昨日看德文一句，始载生字注解于书侧。看伦理学二十板，第十二章完；看第十三章至248板。续译结婚论。始看南史，从列传看起。

**十八日** 昨日看德文一句，伦理学十六板，第十三章完；看第十四章至第265板。看南史。

**十九日** 昨日看德文一句，伦理学七板。

**二十日** 昨日看德文一句，伦理学两段。

**二十一日** 昨日看德文一句，看伦理学十一板，第十四章完，看至285板。拟学朱子一章不通不看下章之法，将此数章再看。

**二十二日** 昨日看德文一句，温伦理学第十章“The moral Situation”。

**二十三日** 昨日看德文一句，温伦理学第十一章。

**二十四日** 昨日看德文一句，温伦理学第十二章四段。

**二十五日** 昨日看德文一句，温伦理学一段。

**二十六日** 昨日看德文一句，温伦理学二段。连日试验，前三天每天看试验卷两班，尚有三班拟于今日明日了之。

**二十七日** 昨日看德文一句，温伦理学九段，第十二章完，温至第十三章第241板。又看伦理学第十六章，共20板，从头起至第324板。又看试验卷二班，周名第文甚佳，记名于此。

**二十八日** 昨日看德文一句，伦理学五板。

**二十九日** 昨日看德文一句，伦理学十四板，看至第344板。又看试验卷一班，第一师范学校课程完毕。

**三十日** 昨日看德文一句，伦理学第十六章十七章完，看至第363板，看试验卷一班。

## 七 月

**一日** 昨日看德文一句，伦理学二段，试验卷一班。

**二日** 昨日看德文一句，伦理学二段。

**三日** 昨日看德文一句，伦理学十四段，看至第378板。看试验卷一班，学校功课全毕。

**四日** 昨日看德文一句，看伦理学至392板止。

**五日** 昨日看德文一句，伦理学三段。

**六日** 昨日因移居，书不在手旁，看谦谟文集论多妻与离婚，又看实用独逸文典一课。

**七日** 昨日看实用独逸文典一课，伦理学七段，看至第402板。

**八日** 昨日看德文一句，实用独逸文典一课，伦理学八段，看至第405板。续译结婚论。

**九日** 昨日看德文一句，实用独逸文典一课，看伦理学至第414板。译结婚论完。

**十日** 昨日读德文一句，实用独逸文典一章，看伦理学至第416板。

**十一日** 昨日看德文一句，实用独逸文典一章，看伦理学史至第422板。看伦理学史黑智儿，参看三册：一为Sidgwick 所著，一为Wundt所著，一为吉田静致所著。

**十二日** 昨日看德文一句，文典一章，伦理学至第436板。又看伦理学史Shaptesbury Hatohosson Hume。昨日看德文一句，文典一章，伦理学至第442板。又看谦谟文集。

**十三日** 昨日看德文二句，文典一章，伦理学至第450板，第二十章完。又看谦谟文集。

谦谟言希腊人同父异母之兄弟姊妹可以结婚，而罗马人则不许；因希腊人之家人不相亲近，而罗马人之家人则相亲近故也。希腊人之风俗如此，颇有似吾国古代嫂叔不通问之俗，亦前所未闻也。

谦谟以实用说伦理，谓兄妹之所以不许结婚者，所以防亲属相奸也，亦自有理。余戊戌年作原教，谓饮食男女，人之大欲存焉，争夺相杀，谓之人患。男女之别益严，则争夺相杀之患益少，盖得此意。

来此已七八日，无甚长进；读英文书苦于所得甚少，盖因脑

力尚未恢复之故。当少看德文，并戒看小说，专门研究，务求实有所得。

忆去岁在乡间困倦殊甚，除日写日记外，毫无他作。今年虽仍不免困倦，然较之去年则胜之多多矣。

现在除看 Dewey and Tuffs 伦理学外，研究西洋伦理学史，一家家清理过去，非将一家学说全然通晓后不看他家，现在所治者为谦谏之说。

**十五日** 昨日看德文一句，文典一章，伦理学至第 456 板。又看谦谏文集，斯蒂芬及西吉微克伦理学序。日记不知如何少去一日，今日始发见之，不能记忆为何日矣。从今日起，不看实用独逸文典，专看丢微及塔虎疵伦理学，此书完后再看西洋伦理学史。

每日以早饭后看二点钟为度。

今日午前八时起看至九时十分，共看伦理学 23 板，看至第 479 板。

古人视自然的动作为有道德之意，威斯达马克言：1457 年，有一案系审问一母猪与其六子，因其杀一小孩而食之也。母猪受死罪之判决，其六子以其幼而免之。第十三世纪英伦之律有云：若汝雇人伴汝作事，而是人遇仇被杀，汝必赔偿之。若汝带人往视野兽或狂人，而此人为野兽或狂人所杀，汝必赔偿之。若汝悬挂汝剑而他人敲落之至于杀人，汝亦当赔偿。又英伦早年之律，盗五先令者处死。

又午后看伦理学，从一时十五分起至二时五分止，看至第 495 板。

**二十日** 又云：曩见法人游历奉天所著日记，谓奉天一省天时土性皆宜葡萄，苟能广种葡萄，仿西法以酿酒，则奉天一省之

利可以敌法兰西一国。后访之出使法国者，乃知法国葡萄制酒之利，岁合华银六万万两，居全国出口货十分之七，而法之国用全资酒税，岁入约三万万两，亦居全国赋税十分之九。葡萄一物来自西域，性宜砂土，尤喜天寒；泰西法德两邦种植最盛，其气候皆与山左京东相若。盖葡萄结子之后，须渐渐红熟始能变尽酸味，一律成甘。中国南方亦有葡萄之种，而色味俱劣，远逊北方者，职是故也。日本自改行西法以来，亦尝自种葡萄，如式酿酒，然子小味薄，所造之酒行二十里则香味全变，恶劣异常，此举因而中废。西人考求其故，乃知日本天气炎热，地少沙土，本与葡萄不宜。且果木之种，最恶海潮，宜近接高山吸山泉之清冽。酿酒之水如略带海潮碱性，即不能经久不变，且不能转运长途。日本三岛孤悬，潮水不到之地甚少故也。若中国直隶之西山北山、山东泰山、河南嵩山、陕西华山附近之区，土厚泉甘，含灵孕秀，始能开辟大利，广种葡萄；参用西国机器酿造名酒，允当冠绝人寰，销行海外。盖法国造酒之局，葡萄之园，皆附近比里牛斯各山，在海潮不到之处耳。西人之言如此。

**二十一日** 看德文三句，看谦谟文集至第540板；第一本完。续看富国策，选其精要者用红笔勾出，令珍儿钞之。

**二十五日** 迁居岳麓，忽已二十日矣。虽每日看书，未曾间断，而心得殊少，盖神经渐弱，天气炎热，人事时扰之故。以后每日须写日记一段，一如去年暑假时家居之旧，庶铢积寸累，蓄理渐富。日内看谦谟文集，彼言在专制政体之下，科学不能发达，又言英农较富，而法农较贫，因英地难耕，若资本不足，租期太短，则不能从事；法地肥饶，耕者无须资本，农具亦极简单，故农民之贫者极多，然农民多贫，其影响及于社会，非农者亦多贫矣。此英之所以较胜于法也。



谦谟曰：美术与工艺之兴，并非使国民失其武勇之原因，兵之强与民智有大关系。野蛮民族，多不知兵法，惟罗马人乃野蛮人而知兵法者，此乃例外也。意大利美术盛，生活程度高，而兵不强，然不可归咎于此二事。英人法人兵皆强，然法优于美术，而英长于商业。意大利史家说其兵弱之原因曰：威尼斯之贵族政治，猜忌其民；佛罗伦斯之群众政治，专营商业；罗马被治于僧侣；雷泊尔受治于妇人：此皆兵弱之原因也。又曰：工商发达，大有益于自由，彼工商不发达之国家，国民大抵分为二阶级，其一为地主，其一为佃户。佃户贫而愚，但能为奴隶，地主则或戴一专制君主以图平和，或互相争战，其弊较专制君主尤甚，此国民之所以失其自由也。若工商发达，则民能独立，非复可以奴役矣。货币过多，可奖励国内各种生业，但不利于对外贸易。利息之高低，不关货币之多少，利息高时，必有三事：一欲借钱者多，二可借之钱少，三借钱所生之利少；而此三事皆有关于民间生活之情状，不尽关于银钱之多少。

今日看德文一句。看谦谟文集至第326板。

**二十六日** 谦谟曰：雅典有禁止输出无花果之法律，法国禁止输出谷类，又曾限制种植葡萄，重利放债，亦为法人所禁，Genoa曾禁用磁器，而多用金银器皿。荷兰人无多田地，无多商品，惟恃经营商业。希腊人不仅维持国际间之均势而已，国内有权势之人，亦逐去之。波斯为均势之故，时助希腊战争，以此维持国势者百年。罗马人则不如希腊人之讲均势。英人维持均势甚力，如对抗拿破仑是也；但有时过于拘执，当和而不和，与国恃其援助，反有损于英国；有时不顾利害，以低价抵押所有之权利，且维持均势过于热心，恐反去他极端，全不顾大陆之事，如希腊人之故事。极端专制，不久必当消灭，因军队久居于外而离心也。

妒嫉他国工商业之隆盛，非真知谋本国之福利者也。他国工商业盛，则彼之购买力增加，其结果可使本国工商之业因而益盛。若他国富力皆衰，无能购买我国之货，则本国工商之业，亦渐衰矣。

今日读德文一句。看谦谟文集至第382板。

**二十七日** 谦谟曰：汉勃登（Hampden）宁受皇家之残虐，而不肯出国会所未承诺之钱，英人自由之精神，赖有此种义烈之人维持也。

谦谟谓中国人有杀子之俗，中国人之敢于早婚，因有此除去家累之便利也。又谓逐子弃子之残忍，亦不减于杀子。

谦谟熟于史事，凡论社会之事情，恒引历史上之事实以证明其理论，不愧为好学深思之士。

有谓古代人口之盛过于今日，谦谟不以为然。古代人多奴隶，说者谓主人利其奴隶之增殖，如今人之饲牛马然。谦谟引史事以证其不然。谓古代奴隶多不能嫁娶，何能增殖？其添换皆由他处贩卖而来。

余思将谦谟文集看完后作一文，题曰谦谟之学说，将其学说之精要者逐条叙述，断以己意，按切时势以立言，似亦发表意见之一法也。

谦谟之时代去今颇远，其所言往往以为陈腐，余师孔子述而不作之意，取其言之有益于当世者述之。苟能提倡一说，固不必其说之皆自己出也。谦谟论公债，谓现代之国民以其负担遗之后人，实大为危险之事，此言可以使人警悚。

谦谟文集中涉及中国事情者，共有数处，拟一一译之，以资国人之反观借证。

谦谟熟于希腊罗马文学，大有中国考据家之长处。

谦谟所引用之书，有几种为余所已购得，当读之以资考究。今日看德文一句，并看谦谟文集。

**二十八日** 谦谟不信卢梭民约之论，彼以为最可怖者莫如解散政府而与多数国民以自由。因世上国家决无真正全体之民意，不过少数者代表之而已。雅典民权极发达，然妇女未成年者与奴隶，仍无参政之权。

谦谟谓罗马有分给平民之恩赐，致城市居民辐凑，时有乏米之忧。西班牙人因其兵器被没收，多自杀者。该撒言高卢人未有一定之田产，一家族中有一人死，则其酋长将其田产重行分配其家人；此俗流行于爱尔兰，使其地之人陷于困苦野蛮荒落之境遇。亚利士多德言高卢之地寒，驴不能生存于彼地。古代意大利及希腊地方豕群甚多，往往千百成群；或于山林中相遇，彼等互相混杂，不能分辨；牧豕者乃各于远处鸣角，豕乃各趋赴其主人。此事可以证古代此等地方居民甚稀。荒田不耕，惟匈牙利远方间有之。雅典为希腊第一大市，希拉苦瑟次之。Thucydides 第一板乃真正历史之发端，The Emperor Hellogabalus 以蜘蛛丝重万磅形容罗马之大。雅典利息之最轻者为一分二厘，罗马有一时代利息为二分四厘。梭伦之法律，未曾夺一自由人选举议事之权，惟有一种官吏有财产之限制，市民即大不以为然，其后卒废止之。雅典人以Ariti Pate条约，每人须有六十镑之财产始能有选举之权，彼等大不乐之，有三分之二之市民立即去国。后Cassander将此数减半，人犹以专制目之。过于严暴，其反动为懈弛；过于宽仁，其反动为残忍。罗马民政之时代，废去一切死刑，代以放逐；其结果遂至私相仇死。兄弟均分财产，亦使社会不安宁之一原因。希腊之君少有能延至四五代者，惟雅典有然。雅典人爱自由，但不知自由之真义：当三十暴君以非法律之行动杀前日为害

于社会之人，众民无不欣悦，殊不知自由即于此时丧去。古代党争之祸极烈，往往一党得权，则将其反对党尽行屠戮。据罗马十二铜牌法典：占田产满二年者即得所有权，占不动产满一年者即得所有权。交换俘虏之事古代不多见。巴黎人生第九儿童即送至婴儿院，此非善制也；育儿于婴儿院，不如育儿于家中。杀子逆乎天性，人或不为，送子于病院易引起人之惰性。送女于尼庵亦轻减负累之一法。西西利奴隶带锁链作工，有一次破牢而出者凡六万人。有人谓不宜于同地多买奴仆，恐其结党而谋变也。有一罗马贵族，有家僮四百人，有多至万人者。希腊时代曾有一法律，禁打他人之奴隶。

今日看德文一句，看谦谟文集至第480板

**二十九日** 神经渐近衰弱，头脑总不甚清醒，故看书无多心得，仍当以少看熟读深思为是。不独宜戒看小说，并宜戒打棋谱。

阅湖南公报无名之社论，颇有所感，此君亦有心人也。因拟勉作数文，亦应其请。

因欲作文字，往书室清出近二年来所写日记，与西政丛书。拟将日记中之按切时势立言者钞登湖南公报。复于看伦理之外，兼看西政丛书，摘取其精要者，一一介绍之于社会。

今日看德文一句，看谦谟文集至第493板。又钞自所写日记。

**三十日** 看德文四句，看谦谟文集至507板。

续富国巩曰：法兰西一国百年以前四境萧条，林木稀少，居民困苦，劫掠为生，后有人请其国君，广行种树，设官经理，屋隙田间，遍行栽植，定戕伐树之禁，比及十载，民之贫者忽富，莠者忽良，瘠者忽腴，荒者忽熟，举国大富，莫如其由然。乃以时入山林，伐材木运售各国，岁获数千万金，又渐伐其无利者，而改种葡萄等有利之树，以故法国之丰富遂冠欧洲。

## 八 月

**一日** 看德文一句，看西洋伦理学史笛卡儿斯宾挪莎之学说，又看谦谟文集第二本，从281板起至310止

谦谟曰：专制政体之下而参以少许之自由，则人民愈受专制之祸，罗马是也。自由伸张之国而参以少许之专制，则人民愈享自由之福，英伦是也。反而言之，绝对专制之国，人民或反多享自由；因政府毫无猜忌人民之心也。绝对自由之国，政府或反能专制；因人民毫无猜忌政府之心也。

**二日** 谦谟曰：在君主之国以贵为可羨，在民主之国以富为可羨。

今日看德文一句，看谦谟文集自第311板起至第345板。

**三日** 看德文一句，看谦谟文集至第387板，译西洋伦理学史一段。

**四日** 看德文一句，看谦谟文集自第387板至第392板，又自第1板至第58板。

**五日** 看德文一句，看谦谟文集至第96板，又看尹文子。

尹文子曰：“为善使人不能得从，此独善也；为巧使人不能得从，此独巧也，未尽善巧之理。为善与众行之，为巧与众能之，此善之善、巧之巧者也。故所贵圣人之治，不贵其独治，贵其能与众共治。”

又曰：“名定则物不竞，分明则私不行。彭蒙曰：雉兔在野，众人逐之，分未定也；鸡豕满市，莫有忘者，分定故也。”

又曰：“田子读书曰：尧时太平，宋子曰：圣人之治以致此乎？彭蒙在侧，越次答曰：圣法之治以至此，非圣人之治也。宋子曰：

圣人与圣法何以异？彭蒙曰：子之乱名甚矣！圣人者自己出也，圣法者自理出也。理出于己，己非理也；己能出理，理非己也。故圣人之治独治者也，圣法之法则无不治矣。此万世之利，唯圣人能该之。宋子犹惑，质于田子；田子曰：蒙之言然。”

又曰：“田子曰：人皆自为而不能为人，故君子者之使人，使其自为用而不使为我用。”

又曰：“父之于子也，令有必行者，有必不行者；去贵妻，卖爱妾，此令必行者也。因曰：汝无敢恨，汝无敢思，此必不行者也。故为人上者必慎所令”。

又曰：“人贫则怨人，富则骄人。怨人者苦人之不禄施于己也，起于情所难安而不能安，犹可怨也；骄人者无苦而无故骄人，此情所易制而弗能制，弗可怨也。

**六日** 看德文一句，看谦谟文集至第145板，译西洋伦理学史。

因辞第一师范学校续任修身教授之请，益自觉责任之重大，光阴之可惜，因断然不作文字登日报及杂志。

**七日** 看德文一句，看谦谟文集至第170板，译西洋伦理学史。

**八日** 看德文一句。看谦谟文集至第175板，又自第401板起至第469板，谦谟文集完。译西洋伦理学史。

**九日** 从今日起看Henry Sidgwick's The Elements of politics，译作政治学之要素，看至第七十二板。又看德文一句，译西洋伦理学史。

所谓自由者，非谓绝无政府之干涉，但不受他人之压迫而已，有政府之干涉，始能治他人之压迫。

政府之天职在于维持人民相互间之公平待遇，最大多数之最

大幸福为法律终极之目的；而此所谓最大多数不限于现在生存之人，而宜并包后世子孙，因人类有时宜牺牲现在以为将来也。

**十日** 法国之一省被德国所征取，其地之居民愿仍为法国之一部；非因德人施政之不公平，实因民族主义之故。

官厅所发之令，不得视为法律，法律乃管理私人之行为之规则；此私人乃谓国民，而非谓政府之仆役。

自由演说与自由出版之权利，自由集会与自由信仰之权利，其负义务之一方而为政府，此可称为宪法上之权利，与民法上之权利相对。民法上之权利，政府有积极的维持之责任；宪法上之权利，政府但有消极的不侵之义务。

法宜公平，不特用法之时宜求其公平，而立法之时尤宜求其公平，一切无规则之不平等等皆宜避之。人若在同一之境遇，则当受同一之待遇；有益于社会为判断法律善恶之标准。政府为人民谋其幸福而加以干涉，谓之保育政策。此种政策有多数学者反对之，以为不合于今日之社会。其理由则因普通之人民，其知自己之利益也，较政府之所知尤深，且自能努力谋之；若政府干涉之，其结果必反为不美。纵令政府所为合法，亦弱人民之自助心与奋斗之精神，与实验之机会；而此种法律，人民多易于避就。且政府之费用与劳力必甚大，所得不偿所失，而且政府之权太大，亦甚为危险。法律乃施于成长之人，保护他人之利益者；人民之积极的相互协助，非法律所宜干涉，乃伦理家与说教者之任务；法律所干涉者，乃人民互相侵犯之行为。

有以个人之自由为绝对不可侵犯者，谓功利主义为有损于此主义之尊严，此不可恃之说也。

今日看德文一句，政治学之要素至158板，译西洋伦理学史。

**十一日** 有宪法上之自由，有民法上之自由；制定法律必得

人民之同意，此宪法上之自由也；不受他人身体上及道德上之压迫，此民法上之自由也。维持此民法上之自由，乃立法事业唯一之目的。保护人民之身体不许他人伤害，即所以保护其人之自由也。因人受身体之伤害，则惧此伤害之再加而不敢为所欲为之事，故不可不禁止之，即欲加害亦成为犯罪；然人虽不必受其恐吓，亦不可不禁止之；盖法律不但当保护人之自由，又当保护人民之幸福也。法律禁止谗谤，亦因其破坏人民之幸福，非仅为其侵害人之自由。如专以自由为原理，则谗谤者言论之自由被侵甚矣。且法廷又有判决赔偿之事，若专以自由为原理，吾未见自由之可以赔偿也；如充是说，则是财多者自由多，财少者自由少矣。私有财产之制，原以奖务本节用之风，此可由功利主义证其合法，必经其人之工作始成为有用之物者，然后可据为私有。又其人虽私有所物，而因此物之数甚多之故，不至妨他人之亦有此类之物，则私有之事可行。猎人所捕之兽，渔人所捕之鱼，荒地掘得之矿产，皆属此类。一人所有之物，可以自由赠与他人，但其赠与必非由压迫与诈欺，又必赠与者智识能力充足。人于生时既将其所有之物赠与他人，则于其将死之时亦可将其所有之物遗与他人，此事不宜以法律禁止之，因如此则妨害本人生前事业之进行；不能以身后将来之遗赠得他人现在之助力也。且如此则沮止老来勤俭之心。又此禁止难于实行，因其人若非猝死，彼可于将死之前将所有之物分赠所爱之人，而不肯留之身后以待国家之没收也。然若制一法律，令各人身后之财产惟传于其子女及其近亲；无子女与近亲者则归之国家，此则较为可行之事。有谓处理身后财产之法，不宜由本人遗嘱豫定之者；然本人若指定用途，如寄赠某学校之类，而后人不履行之，亦于社会正直之德有妨也。已立契约而有一方面不能履行者，法律但当责其赔偿，而不当强使履行。



对于社会中普通之成人，政府但禁止他人之侵犯，便已足事。至  
癡人与儿童，则政府宜供其需要，且令人监理其行动，使不至自  
害或贻害他人。教养儿童乃父母之责任，政府欲尽其监护之责，  
则不可不记载其父母之姓名，制定关于婚姻之法律，宜以教养其子  
女使达于成立为其目的。关于个人之立法事业，第一在与普通之  
成人以自由，使得利用自然以供给自己之幸福，并与他人协力以  
达此目的；第二不使受他人直接或间接之损害，此中包含不履行  
契约之损害；第三则使父母任教养子女之责，至于彼等能自立而  
止。又制定家族之关系与夫妇之关系，以期达教养子女之目的。  
伤害人之身体必当赔偿，如在多人拥挤之时而冲突他人之身体，  
在受其冲突者固为不快，然若禁止其冲突则被禁者之不快更甚；  
有意冲突使他人不快者乃为罪恶。

昨日看德文一句，看政治之要素至第226板。译西洋伦理学  
史。

**十七日** 立法之机关较行法司法之机关尤高；立法者不可  
不深明法意，当使律师起草，又当使律师校正，但不能全委之律  
师。司法者多用演绎，立法者则须用归纳。司法者多墨守现在之  
法律，不适于改造新法律；改造新律则其旧律之知识成为无用，  
不可不再学新律，此亦其不适于立法之理由也。一人不能有关于  
立法事业所有各方面之知识，故不可不网罗各方面之人以备各种  
之知识，于是乎代表之制乃不可少。

今日看德文数行，看政治学之要素至第368板。

# 一九一九年

## 十 月

**十九日**（是时养病西山卧佛寺）今年国民始有自觉之端绪，新文化之运动起于各地，新出之报章杂志，新译新著之书籍，新组织之团体，逐日增加，于是有新思想之传播，新生活之实现。此诚大可欣幸之事也。余订此本以录余之感想，亦期日知其所无，月无忘其所能而已。

十月十七日时事新报有一诗，题曰“少年，驰骋”（三）曰：“他们老了，他们老了，为污泥，为尘垢，尘垢污泥，一一踏在吾之双足，便把我的快乐，我的珍宝，向他们双手奉承，他们也消受不了，他们不能吸取我的少年精神，他们老了。”我读之动魄惊心。我（虽）未老，然已届中年，但吾气浩然，仍怀迈往无前之志，以百年为期，尚可作五十年之研究也。要之学贵日新，与年俱进，一息尚存，此志不容稍懈。吾亦曰：“我这少年的精神不能死。”

同日时事新报学灯中有记者（虞）之评论一则，题亦曰：少年，驰骋，介绍□克盾□□□著“□□主义”中“苏拉Sorel的哲学”，今录其要语于此。苏拉的哲学，可说是一种行为哲学。他看重行为，不看重思虑；看重本能，不看重知识。最要紧的是常把生命保持得有活□性，有刺激性，有创造性。苏拉还怀抱一种“非多数主义”，他以为少数常能创造一种重要的变局。此层见解是跟着

马克司的思想来的。与其组织一种受动的无道德的多数，宁可组织一种能动的有道德的少数。苏拉的哲学是采取柏格森哲学的直觉论，中间还有些尼采哲学的胎息。

同日该报名著“合理的生活”中精语云，“一切有关”的明认，中含圣凡可以分离的否决。一个人的生命不能大于他向之而趋的目的物，只有肯为一样常住的东西去努力的人才能跟住这样东西常住。若是活了一辈子，没培养成几种不变的有价值的兴趣，真算是枉到世界上来一场了。

**二十四日** 东京朝日新闻九月一日载有英国之劳动问题，谓劳动者一方面作铁道从业者运送业者及炭矿夫之三角同盟，要求铁道运送及炭矿之国有管理，政府开国有调查会，其委员十二名，自政府则出三名，自资本则出三名，自劳动则出六名，此可谓劳动者之胜利。三者同盟之会员共百三十万人，若彼等罢业则可云革命的罢业。

同日该报载伯爵嗣子农科大学讲师□马赖宁等九青年华族组织信爱会，本月十五日开设信爱中等夜学校，以施中等教育于寻常小学校卒业劳动者之子弟为目的。本科二年，研究科一年。一级三十名。每日午后七时至九时为授业时间。授英语、数学、国语、地理、历史、植物六科，外有信爱会员一周间一时间之科外讲义。学费每月五十钞。贷与必要之书籍学用品一切。历史不教古代史，教近代史。植物教食用植物工艺植物，动物教牛马羊鸡等。且应生徒及其家庭人事上生活上一切问题之商量。

上所录二条，一可以见世界劳动者之趋势，一可以得革新社会之一好模范。

同报九月二日有孙派与安福派提携之说。此乃国内未闻之说也。

同纸社论题曰：“原内阁与制度改革”。谓改正殖民地总督官制为现内阁改革行政制度事业之一。英国战时应战役之必要，新设军需省封锁省改造省。关于司法制度有陪审制度之问题。关于立法之问题有改正选举法之问题。政府此际何故不勉求陆海军大臣文官制之树立乎？何故不设立拓殖省乎？现政府关于劳动问题食粮问题制度上之新计划如何？欧洲有殖民省劳动省食粮省。原首相富于理智而勇气不足，偏重现实而轻视理想经验。

同报八月二十六日社论题曰：“对德通商奈何”。英人有对德国供给原料品之代价可以德人之劳力（即其特殊技能）支拂之之说。

同报八月二十八日社论题曰：“世界之贸易战”。列国采用之贸易政策为生产机关之协力合同统一。一国内之制造会社不如从前不图相互之联络，以个个独立之状态，供给外国以生产产品，而在统一之，使有无相通，高生产之能率，俾得在外国市场与外国品竞争。此方法既从一九〇二年之顷为德奥人所唱导，战后德国先行之，今英法坎拿大美国无不行之，而最著者为美国。美国议会去年四月可决卫善案，卫善法善与联邦准备银行法及付与融通资金于外国贸易业者之权能于战时财政团之法律，均为重大之法律。卫善法图国内产业机关之合同统一协力，与美国ヅセイマソ之排托拉斯特法正相反对。故同法中有惟从事外国贸易之团体与シセラムニ法不抵触之规定。

观以上所录，可知欧美各国于政治上著著进步，即日本亦颇有所改革，独吾国之政治尚未入轨道，良可慨已！

**二十五日** 余于伦理学讲义之内容，时时默想。

今记其所想念者于此：劳动神圣，勤工俭学，物质救国，科学，民治主义，互助，自由平等博爱，民族主义，民主主义，民生主义，不狎妓，不纳妾，不赌博，远大、超旷、笃实、精勤、仁

厚，义利之辨，诚伪之辨，敬肆之辨，勤惰之辨，贞淫之辨，仁暴之辨，恕、介、敬、浑、诚，伦理学之定义与范围，道德律，义务，良心，品性，道德与宗教之关系，意志自由，德，个人与社会之关系，男女之关系，女子问题，劳动问题，家族制度，国家与法律，唯物论，绝对惟心论，人格惟心论，实验，实用，生活，博学、深思、力行，善恶之标准，贵我、通今、实行、勇敢、坚忍，爱乐主义，卫生，财产制度，艺术之伦理的价值，自我实现，人格，尊尊，亲亲，尊贤、尚功。

**二十六日** 余思本学年伦理学之教法，要与上学年不同。不专教一本书，取各伦理学书中之精要者而选授之。每次讲何书、何章、何节，从几版至几版，皆标之于黑板上，俾学生就哲学门阅览室领取是等书籍而阅览之。此一法也。教育大辞书及哲学大辞书中，亦多可取材之处。又本学年所讲不限于西洋之伦理学说，中国先儒如孔孟周程张朱陆王及船山之学说亦间取之；拟每次授语录一二条。又我之心得处，如达化斋日记，及论语类钞等，亦不妨讲与学生听。又可取报章杂志中新思潮而批评之。如斯变更教授之方法，想较与学生有益。又拟教学生作伦理学札记：一、每读一段即选择一二精要之语；二、批评；三、志疑以备质问。

余拟置万年笔一枝，洋式本一大册，以备作伦理学札记。又拟置小砚池、银朱、白芨，或红墨水，以备看书时作为标识。又拟买香炉以便焚香静坐；又欲置一西式绒椅或皮椅以备闲坐。余欲于后院中间挂一黑板，并设桌椅，为子珍、一纯、骏岳、开慧每日听讲之用。又欲每周为家中妇女演讲一次。余欲每日教李炳卿读新出之报章杂志；余欲买商务印书馆新国语教科书以教女工；余欲劝柳午亭经营农业；余欲往地安门大街通俗讲演处看报；余欲往大学图书阅览室看英文杂志。余拟今年专习坐功，每日二次，

从明年元月起习立功，至放暑假之时每日一次。

王绍荃滕骏侯介绍余入尚志学会，前次开会时曾接到该会之通知，因余在西山未往。归京后拟往晤范静生，问该会之内容与入会之手续。静生是一实心任事之人，余颇欲与之共事。该会近日广征名著印行，于文化运动大为有助。余欲该会多置书籍，作一小小图书馆，以供会员之阅览。又欲会中同人于会中筹设英文法文德文之日班夜班；会中并可办一中学校，将来并可办法政专门学校，再扩充之为大学，如庆应、早稻田然。

余从前因精力不及，兴味索然，不多诣人，不多开口；此后当稍变冷静之态度，与社会中人相接。已固可以得益，有时亦可以于人有益。大学中人中如蔡子民、胡适之、陶孟和、李守常皆可与谈者。湘中旧相知如周印昆、雷道衡、方叔章、李侗君，熊知白、黎劭西，皆欲与之时时会晤。

余欲与李石岑、方竹稚、周名第、傅昌钰时时通信，余欲与李縯丞时时通信，余欲与萧子昇等时时通信，余欲与在湖南之友人学生时时通信。

闻行严已起程赴法，幸吾言之见用，此于行严甚为有益。余近曾写信与行严，劝其退隐，信中有数语，记之于此：“政治漩涡中诚非吾辈所应托足，无补国事，徒有堕落人格之忧。谓宜飘然远引，别求自立之道。今日之事当从底下做起，当与大多数国民为友；凡军人官僚政客，皆不当与之有缘。不当迎合恶社会，当创造新社会；当筑室于磐石之上，不当筑室于沙土之上也。吾辈救世惟赖此一枝笔，改革思想，提倡真理，要耐清苦、耐寂寞。望翻然改图，天下幸甚！”

二十七日 杜威博士谓历史上革新家的种种革新运动，都要经过三个时期：一、默认时期和顺受时期，二、抗议时期，三、

成立时期。

又谓社会的生活是教育的目的，儿童的本能就是教育的基础，学校是从教育的基础渡到教育的目的的桥梁。教育方法当用：一、有组织的游戏，二、手工，三、做戏，四、工作。我们很应觉悟。幼稚园和小学校也应该跟高级的学校打通一气，使儿童在幼稚园里便具有实验的态度。（见大学日刊）

时事新报10月19日载有波罗的海英德之角逐一则。今录其要语于此。俄国瓦解后，波罗的海沿岸新立独立国有四：一为芬兰，二为爱斯笃利亚，三为里波利亚，四为里斯笃利亚。芬兰已经联合国承认，最近且已选定总统。

英国因援助爱斯笃利亚独立，欲得达格岛、爱捷岛，且欲得铁路租借权，横断爱斯笃利亚。

九月四日东京朝日新闻谓：日本政府拟于内阁设置劳动局，司工场法、劳动保护、最低赁银制、利益分配制、职业介绍事业、仲裁裁判制；又新设社会局于内务省，监督儿童保护事业（贫儿、孤儿、不良儿、浮浪儿、职业儿之保护），生活改善之事业（住宅问题、食粮问题、衣服问题），关于生活维持之事业（简易食堂、低廉宿泊所、无料宿泊所、公设质屋、公设市场），救贫事业，军事救济，部落改善，关于社会事业之指导改善之事业。

八大工业国会议，法、美、英、意、日本、荷兰、比利时、西班牙（或以德代西），同报九月五日纸上载之。

同纸载德意志帝国海军协会总裁黎布元特罗伯，曾著“德意志外交政策”，谓德意志国家国民党，乃属于旧德意志与国民自由党之右者，党员多为农业家、官吏、军人等，为旧德意志之中坚，乃以东德意志为根据之一派也。首领为武士他伯鲁登得鲁夫，兴登堡等将军亦属于此一派，国民党以司铎列些孟博士为首领，与

国家国民党殆具同一之色彩，屡有并合之说。其不同之点，在于前者倾于工业家，后者农业家之色彩较浓厚，社会党民主党则欲社会化国际化一切之事业。

九月六日同报载日本东京帝国大学文学部将改正其规定：从前之文学部分为哲学科、史学科、文学科之三科。哲学科分为哲学、支那哲学、印度哲学、心理学、伦理学、宗教学、美学、教育学、社会学；史学科分为国史学、东洋史学、西洋史学；文学科分为国文学、支那文学、梵文、英吉利文学、独逸文学、佛兰西文学、言语学，共为18专修学科。今撤废哲学科史学科文学科之区别，以十八专修学科为独立之十八分科。分学生为三种：一、专攻某科目者，二、为一般之修养而攻学者，三、希望为教育者。

九月七日同报载一文，题曰“美国陆海军果可恐乎？”此文为陆军中将佐藤钢次郎所作，今记其要语于此：美国有所谓三A政策：美国将自倭姆斯克政府租借坎姆查卡，租借期限为36年，租借地域为贝特罗波罗斯克湾以南全部，与以同湾为起点连络东部西伯利亚各地之铁道敷设权。贝特罗波罗斯克湾为不冻港，美国若设备军港于此不冻港，完成经白令海峡向亚拉斯加亚美利加之连络铁道，则将危及日本之存立。依美国人贺玛里之著书，南北战争之际，自1861年至1865年，北军有20万人之逃亡者；当战争之末期全军总兵力五分之一，当应募兵十二人与一人之比。

十月二十日时事新报载有山西农桑业发达之状况一则，兹记其事实如下：山西全省有农业专门学校一处，内附设甲种蚕业学校及甲种农业学校三处，乙种农业学校境内各伙业已多数设立，全省设农桑总局一，直隶省署，内附女子蚕业传习所。该所分为甲乙二班：甲班一年半毕业，乙班九个月毕业。又有农民传习所



一班，亦九个月毕业。划山西为四大蚕业区域，分为“不宜”“稍宜”“适宜”“扩充”四等。扩充区中每县每年保送甲乙两种程度女生各一。农区分全省为东西南北中五大农区，每区每年保送农民一人。适宜区中每县每年保送女生或甲种程度或乙种程度一名。总局内分蚕、桑、丝、牧畜、园艺、作物等六科，山西全省百有五县均设有农桑分局。

同纸载有天津与白河之关系，录其要者记于此：天津北以北河得溯通县，东北以东河通于芦台，西北以永定河联宣化，西以上下两西而达保定正定。此等河流均于天津附近先归入白河，然后东流二百里，经大沽以注于渤海。白河之源为沽河，东经赤城，与北来之白马关河相合，抵密云之南，会潮河合流南向，次第收纳运粮河、浑河、西河、东河、与南来之御河诸水以抵于海，全长千有余里。然此河在天津三叉口以下者则俗称之为海河焉。天津位于北纬39度9分。

三十一日 李守常谓日本武者小路实笃是一思想大家，又谓吉野作造、界利彦、室伏高信、河上肇，皆日本学者中之杰出者。

刘叔稚谓胡适之中国哲学史大纲为近代一部 Epoch making 的书，就是西洋人著哲学史也只有德国的 Windelband 和美国的 Thilly 二位名家的书，著得同他一样好。刘又谓胡宜著一部比较哲学史。

十月二十六日东京朝日新闻载欧洲为替之暴落一则，法国一磅三十五法意四十リウ罗马尼七十ルー（法伊罗诸国为替标准一磅二十五法二二）德百十马克，壤百九十科罗尼。一马克当日金七钱五厘余，一科罗尼五钱余。

## 十一月

一日 十月二十四日时事新报载杜威教授伦理演说纪略，今记其要语：道德上变易的要素：（甲）鉴别力，（乙）生长。道德上不变的原素：（甲）生长或发展的责任，（乙）公益的尊崇，（丙）道德的重视。

同纸载合理的生活，机械的手段，与理想的目的，如何才能有最高的最后的和谐的问题，是我们作人的许多问题中的问题。这个问题的完全答案，是最高最后的哲学；所以洛慈竟能拿这个来做他哲学系统的主旨，从安息中求实力。梭雷说知道什么是对的，就有能显着他敏捷作下去的勇气；不知道那一条是正路，就有能够不惮反省明辨的细心；勇气细心具备，才可以称为完人（心理学大纲第667页）。安静主义是真的热诚主义之根蒂。布郎宁 Browning 曰：“一切即是爱，一切即是律。”

同报载张溥泉之演讲，题曰：什么是新道德？今天的世界，宗教和旧式的道德是不足范围人心的，人是不肯听上帝合公理的支配的了，人是觉着自己以外的东西是不可依赖的了。自己是自然之一部分，顺着自然的法则去动作，所动作的就是自己所必要的。一个人本着他自己的能力，顺着他必要去动作，各个人之间本着于各个人的能力顺着他相互的必要去动作，社会与社会也本着各个群众的能力顺着他相互的必要去动作，这就是新道德的原则。法国近代有个哲学家叫做纪约 Gayau，他作了一部书叫做非命令及非赏罚之道德要义，对于道德问题是很有价值之研究，我们所走的路不外乎由物理精神外内二方面将自己的生命扩大起来。道德所要求的不外受己心合受他心的融合，有生的物是要作

为的，不是要计算的；有生的物消费他自己所积蓄的力量，不是为求快乐而消费的，是不得不消费的。义务的第一义，就是从能力里必须出来的行为；义务的第二义，就是志行合一的；义务的第三义，是感觉合社会快乐的连锁。

**二日** 十月二十五日时事新报橡皮事业之将来 橡皮产出之所，英国占其大半，美国出口之橡皮品物，较英国多至一半。橡皮田之最大者为美国橡皮公司所有，在苏门答腊东海岸，面积百十万亩，每年产出数百万磅。

同纸，美国新事业之发达，美国影戏今日已成三种大工业之一，独霸全球。

同纸，情人，高尔该Maxim Garky 是俄人，生于1868年，他的文名和托尔斯泰并称。

同纸，改造人心问题：一自便心，二势利心，三虚荣心，尚公尚义尚实。

十月二十三日同纸，黄胜白问为什么要爱国？白华答：我们爱国是因为爱世界人类，是尽我们一部分发展世界事业的责任。又问中国可爱的处在那里？答中国可爱的地方，就是他与我们的一个最经济最适宜的发展世界事业之下手处。

**三日** 北京大学日刊十月一日社会学与科学之关系，斯宾塞和勒都诺(Letourneau)研究社会学，多用力于人类学。Blackmars elements of socio logy。十月廿七日时事新报日本社会主义运动史，安部矶雄自社会主义研究会时代以至今日，抱社会主义之理想，始终不变。木下尚江信仰基督教共产主义。明治34年安部矶雄、木下尚江、河上清、幸德秋水、片山潜、西川光次郎创立社会民主党，被禁，改为社会主义协会。

同纸，长沙漆业调查记：产漆最多的，当数云南四川贵州。

川漆出自四川酉阳一带，贵漆出自铜仁思南一带，最要的地方还要数龙潭（属酉阳）江口（属铜仁）婺川（县名原属思南）。婺川漆顶好。漆每百斤自三四十两到六七十两，去年漆价每斤到一元四角，今年跌到八九角。省城各漆店皆宝庆隆回人，大木漆不如小木漆。

同纸，克鲁泡金传略Prince Peter a lexeivioh Kropotkin 克鲁泡金是一个地理学家，1842年生于莫斯科。克鲁泡金所著之书：革命者言(1884年出版)，面包掠夺(1888)，无政府之哲理及意想(1896)，国家在历史之运动(1898)，田庄与工厂(1899)，革命党随录(1900)，互助论(1902)，近世科学与无政府主义(1903)，无政府共产主义，无政府党的道德，亚洲之干燥(1904)，亚洲山志(1904)，俄罗斯之文学(1905)，无政府主义（大英百科全书第十一版），将来之无政府(小册子)，无政府主义在社会主义进化上之地位(小册子)。

十月廿八日同纸，正义与自由及财产，社会之目的在谋实现人类之至善。社会者有共趋于一定方向之冲动，特其究极之目的，在于圆满表现各个之生命。人类所欲求之最高善为普遍的，同时又属个性的，故社会之任务亦有二种：第一善导各组成员之个性，使能完全开发，是称为自由之法则；第二保护各人之自由不受他人所侵害，而施以某种统制，是为正义之法则。自由为主，正义为付；能多得一分之自由，斯能多得一分之正义；二者圆满并行，是即所谓至善之社会也。吾辈所欲实现之社会，务求所施之统制日渐减少，而所得之自由日渐增多。卡拉尔及尼采之贵族主义，精神之贵族主义置重于个性之优越及其自由，反对平庸的正义之要求。

同纸，南京佛教之光明：南京原有金陵刻经处，在延龄巷，

欧阳镜无又设佛经研究部于双塘巷，又将办支那内学院。

同纸，说合理的意思：一、合理的和迷信反对，二、合理的不盲从古说，三、合理的不任用感情，这合理的就是明白关系的意思。

同纸，思想自由史 我们于梭格拉底之事，得有两种主张：一、知承认个人的良心有绝对的自由权，二、知讨论和批评对社会的重要。

**四日** 十月二十九日时事新报 新社会出版宣言 我们改造的目的，就是想创造一德莫克拉西的新社会——没有一切阶级、一切竞争的自由、平等、和平、幸福的新社会。我们改造的方法是：向下的——把大多数中下级的平民的生活、思想、习俗改造起来；渐进的——以普及教育作和平的改造运动；切实的——一面启发他们解放要求的心理，一面增加他们的知识，提高他们新道德的观念。我们改造的态度是：研究的——根据社会科学的原理，参考世界各国已往的改革经验；是彻底的——切实的述写，批评社会的病源，极力鼓吹改造的进行，不持模棱两可不彻底的态度；是慎重的——实地调查一切社会上的情况，不凭虚发论，不无的放矢；是诚恳的——以博爱的精神，恳切的言论，为感化之具。

**五日** 十月三十日时事新报 个人的各自革命 如欲晓得自我实现说的详细，请读Writes Self-reaelisation(我的改造观)。俄国人有句格言：“去而与人民为伍”。担任改造事业的人，必须：一、没有人我的界限，真能尊重他人的人格者；二、不恤人言，不畏强御，不受旧社会里种种假面具的拘束者；三、真有牺牲的精神，重主张不重生命名誉者；四、能虚心容物，不固执成见者；五、凡有主张皆根据学理，不矜才使气者；六、真能破除虚荣心

者；七、能独来独往，成不争先，败不落后，无嫉妒心者；八、大义在前，知有道理而不知有私情者。

同纸，中美农业之比较 美国有田七百万，以一千万人耕之，1917年之收获达二百万元。美农以用机器播种犁耘收获之故，一人之所耕足抵华农百家之尽力。美国各州设农业学校，使农人及其子女咸入校就学，研究最新式之耕种畜牧及取乳之法，并教以如何试验各种土质，以便择宜下种。此一千万之农人，畜养鸡雏三百兆，牛六百七十兆，猪七百二十兆，羊四百八十兆，马一百二十八兆，骡五兆。中国农人有二万五千万。

同纸，军政府改组问题之别报 旧国会议员中之派系可分为五：一、照霞楼属国民党，二、五十号属政学会，三、褚寓属民友会，四、新新俱乐部则民党及民友会之混合分体，五、石行会馆则政学会之分体。

同纸，花生米之前途 种花生每亩平均收成可得百余斤；出产花生米之区域，自郑州以东，归德以西皆有之。惟开封附近一带约三百英方里之面积出产为最多；中牟、开封、兰封三县尤标特色。历年收成平均可得十五万吨以上，每吨计值洋七十五元，每年约有一千一百万元之收入。税捐每年收入亦不下四万余元。去岁开封出口二千车，每车装三万三千六百斤。

同纸，一个问题的商榷 结婚到底为什么？萧伯纳(Berlard Show)云在产生超人。

同纸，欧洲哲学的派别 英国怀疑大哲侯蒙(Hume)因怀疑于“因果”与原质的价值，引起康德的批评论与近代的实证主义。实证论之代表，可举英国穆勒及德国克希荷夫(Krchhoff)。

同纸，思想自由史 罗马大诗人 Lucletius 生于纪元前一世纪，谓Epicurus是人类的救主，他做一篇诗题曰“世界的本性”，

极力反对宗教。对于这篇诗最有价值的批评可以在 R.Y.tir ek loecture ou latiu poelry 寻着。

**六日** 十月三十一日时事新报 自由正义与财产 社会之全财产以如何之方法分配于个人，始协自由之法则耶？将使某形式之政府司分配之全权耶（公产主义）？或由万人随意取得之耶（共产主义）？抑以一定限度之私有财产许与各人耶（分产主义）？正义多属物质的，自由多属精神的，工团组合的社会主义之骁将哥尔氏，谓现代根本的缺憾，匪在贫乏而在奴隶。吾辈所要求者自由也，自治也，自为主人翁之制度也。在今日进步之机械的或科学的之生产状态，苟实行广义之共产主义，果无所窒碍耶？一、今日之生产组织，由社会主义的见解而观察时（即以万人之幸福为目标）其能率不至减少耶？二、假定能率不至减少，而现代之生产能力足以养现代之人口且有余裕耶？三、今后之人口增加与生产增加，果能保其均衡耶？四、共产的社会成立之际，赁银制度之强制果被解放，劳动者果能忠实劳动，不减于今日之状态耶？

**同纸** 英国政党现状及将来 1918年英国选举之竞争者，分为三大派（爱尔兰除外）统一党与劳氏自由党相合而为联合党，其一也；反对劳氏之自由党，即亚斯葵斯派，其二也；劳动党，其三也。

**八日** 小止观序 天台止观有四本：一曰圆顿止观，大师于荆州玉泉寺说，章安记为十卷；二曰渐次止观，在瓦宫寺说，弟子法慎记本三十卷，章安治定为十卷，今禅波罗密是；三曰不定止观，即陈尚书令毛喜请大师出有一卷，今六妙门是；四曰小止观，即今文是。大师为俗兄陈针出。小止观，一曰童蒙止观，又曰修习止观，坐禅法要，乃隋天台山脩禅寺沙门智顓所述。泥洹之法，具缘第一，诃欲第二，弃盖第三，调和第四，方便第五，

正修第六，善发第七，觉魔第八，治病第九，证果第十。发心起行欲修止观者，要先外具五缘：第一持戒清净，第二衣食具足，第三得闲居静处，第四息诸缘务，第五近善知识。欲忏悔者须具十法助足其忏：一者明信因果；二者生重怖畏；三者深起惭愧；四者求灭罪方法，谓大乘经中明诸行法，应当如法修行；五者发露先罪；六者断相续心；七者起护法心；八者发大誓愿度脱众生；九者常念十方诸佛；十者观罪性无生。尸罗清静，三昧畜白一等等物，能破四种邪命：一下口食，二仰口食，三维口食，四方口食。阿兰若处檀越送食，息诸缘务，有四意：一息治生缘务，不作有为事业；二息人间缘务，不追寻俗人朋友亲戚知识，断绝人事往还；三息工巧技术缘务，不作世间工匠技术医方禁咒卜相书数算计等事；四息学问缘务，读诵听学等悉皆弃舍。善知识有三：一外护善知识，经营供养，善能将护行人，不相恼乱；二者同行善知识，共修一道，互相劝发，不相扰乱；三者教授善知识，以内外方便禅定法门，示教利喜。

**九日 小止观 诃欲第二 开结使门 沈堕三涂**

**十日 小止观 弃盖第三 当用禅镇杖却之 即是等分摄** 罗猴阿脩罗手障：一、弃贪欲盖，二、弃瞋恚盖，三、弃睡眠盖，四、弃掉悔盖，五、弃疑盖。内心昏暗名为睡，五情暗蔽放恣支即委卧睡熟为眠。掉有三种：一者身掉，身好游走，诸杂戏谑，坐不暂安；二者口掉，好喜吟咏，竞诤是非，无益戏论，世间语言等；三者心掉，心情放逸，纵意攀缘，思惟文艺世间才技，诸恶觉观等，名为心掉。疑者有三种：一者疑自，二者疑师，三者疑法。一贪欲盖而贪毒，二恚盖而瞋毒，三睡眠及疑，此二法是痴毒，四掉悔即是等分摄，合为四分烦恼。

**十二日 小止观 调和第四 使四大违反：一者下著安心，**



应前放心异缘夫修止观须具方便法门，有其五法，一者欲，二者精进，三者念，四者巧慧，五者一心分明。

十一月六日东京朝日新闻，纵断组合之危险性，劳动组合约有五种：一般的劳动组合，职业的劳动组合，原料的劳动组合，产业的劳动组合，佣主单位劳动组合。

**十三日 小止观 正修行第六** 若为调和四大故卧，则应如狮子王卧 头等六分名之为身 当知是人真修摩诃衍道 乃至服僧伽梨视胸一心 修止观者有二种：一者于坐中修，二者历缘对境修。一于坐中修止观者——略出五意不同，一对治初心粗乱修止观，二对治心沈浮病修止观，三随便宜修止观，四对治定中细心修止观，五为均齐定慧修止观。一者修止自有三种：一者系缘守境止，二者制心止，三者体真止。二者修观有二种：一者对治观，如不净观对治贪欲；慈心观，对治瞋恚；界分别观，对治著我；数息观，对治多寻思等。二者正观，云何名历缘修止观，所言缘者谓六种缘：一行、二住、三坐、四卧、五作作、六言语。云何名对境修止观，所言境者谓六尘境：一眼对色，二耳对声，三鼻对香，四舌对味，五身对触，六意对法。

**二十四日 六妙法门** 第一、历别对诸禅六妙门 第二、次第相生六妙门 第三、随便宜六妙门 第四、随对治六妙门 第五、相摄六妙门 第六、通别六妙门 第七、旋转六妙门 第八、观心六妙门 第九、圆观六妙门 第十、证相六妙门。

**二十五日 六妙门** 所谓三障：一者报障，二者烦恼障，三者业障。烦恼有三种：贪欲烦恼障，瞋恚烦恼障，愚痴邪见烦恼障。一者六门自体相摄，二者巧修六门出生胜进相摄。

**二十九日 小止观 治病第九** 一明病发相，二明治病方法。一者四大增损病相，二者五脏生患之相，一者四大五藏增损得病，

二者鬼神所作得病，三者业根得病。一肾吹，二脾呼，三焦嘻，四心呵，五肝嘘，六肺呬。十二种息：一上息，二下息，三、三满息，四、焦息，五、增长息，六、灭坏息，七、暖息，八、冷息，九、冲息，十、持息，十一、和息，十二、补息。十法者：一、信，二、用，三、勤，四、常住缘中，五、别病因法，六、方便，七、久行，八、知取舍，九、持护，十、识遮障。

## 十 二 月

一日 大乘止观 诸佛净德有二种：一者自利，二者利他。自利之中复有三种：一者法身，二者报身，三者净土。利他之中，复有二种：一者顺化，二者违化。顺化之中有其二种：一者应身及摩菟摩化身，二者净土及杂染土。第四止观除障得益，就中复有三门分别：一约分别性以明除障得益，二约依他性以明除障得益，三约真实性以明除障得益。



封面设计：伍丽萍

统一书号：10109·1082

定 价：0.72 元